

**O'ZBEKISTON RESPUBLIKASI OLIY VA O'RTA
MAXSUS TA'LIM VAZIRLIGI**

**Q.Jumaniyazov, Q.G'.G'ofurov, S.L.Matismoilov,
A.Pirmatov, M.Sh.Xoliyarov, Sh.R.Fayzullayev**

**TO'QIMACHILIK MAHSULOTLARI
TEXNOLOGIYASI VA JIHOZLARI**
(Yigirish texnologiyasi va jihozlari)

G'afur G'ulom nomidagi nashriyot-matbaa ijodiy uyi

Toshkant - 2012

Oliy va o'rta maxsus ta'lim vazirligining muvofiqlashtiruvchi kengashi tomonidan nashrga tavsiya etilgan.

Kitobda to'qimachilik tolalarini qayta ishlab ip olish tizimi, texnologik jarayonlarning maqsadi va mohiyati, usullari, jihozlari hamda texnologik mashinalarning vazifalari, tuzilishi va ishlashi bayon etilgan. Ishlayotgan va o'rnatilayotgan ilg'or texnologik uskunalarining tipik namunalari asosida yigiruv korxonalarini jihozlari xususiyatlari to'g'risida ma'lumotlar keltirilgan.

Mazkur darslik oliy o'quv yurtlari bakalavrulariga mo'ljallangan bo'lib, «To'qimachilik mahsulotlari texnologiyasi va jihozlari» fanining namunaviy dasturi asosida yozilgan. Shuningdek, kitobdan korxonalarining muhandis-texnik xodimlari, magistrler va malaka oshirish fakultetining tinglovchilari ham foydalanishlari mumkin.

Taqrizchilar:

M.M.Muqimov – «To'qimachilik matolari texnologiyasi» kafedrasi professori, texnika fanlari doktori;

N.Kamolov – «Paxtasanoat ilmiy markazi» OAJ, Avtomatlashtirish laboratoriysi mudiri, texnika fanlari doktori, professor

Darslik Toshkent to'qimachilik va yengil sanoat instituti ilmiy kengashining 2012-yil 20-yanvardagi 3-son yig'lishi bayonnonmasi bilan tasdiqlangan va nashrga tavsiya etilgan.

KIRISH

O‘zbekiston Respublikasi Prezidenti I. A. Karimov «Biz qudratli to‘qima-chilik va yengil sanoat tashkil etib paxta bilan emas, balki boshqa rivojlangan mamlakatlar kabi tayyor mahsulotlar bilan savdo qilmog‘imiz zarur» deb ko‘p qayta takrorlaganlar.

Paxtani qayta ishlab, tayyor raqobatbardosh xalq iste’mol mollarini ko‘plab ishlab chiqarish iqtisodiyotimizni yuksaltirishdagi ustuvor yo‘nalishlardan biri bo‘lib, xalqimiz farovonligini oshirishda hal qiluvchi ahamiyatga ega.

To‘qimachilik sanoati paxta, jun, zig‘ir, kimyoviy tolalardan iplar ishlab chiqarib, ulardan shoyi, jun to‘qimalari, trikotaj, noto‘qima, to‘r va boshqa matolar to‘qish, attorlik ~~huvvumlari~~ tayyorlash, shuningdek boshqa sohalarni qamrab oladi.

O‘zbekistonning xorijiy tobora rivojlanib bormoqda. · bilan hamkorlik aloqalari sarmoya hajmi oshib, barpo ~~sunayotgan~~ qo‘shma, xorijiy va xususiy korxonalar soni ko‘paymoqda. To‘qimachilik sanoatining rivojlanishida yangi sifat o‘zgarishlariga qaratilgan tadbirlar asosiy omil bo‘lmoqda. «O‘zbekyengilsanoat» DAK yangi quvvatlarni yaratish, mavjud korxonalarini zamonaviy texnologiyalar asosida qayta jihozlash ishlari davlat dasturi asosida amalga oshirilmoqda.

Ip yigiruv korxonalari jahonga mashhur “Rieter” (Shveysariya), “Truetzschlor” (Olmoniya), “Marzoli”, “Savio” (Italiya), “Murata”, “Tayota” (Yaponiya) firmalarida tayyorlangan eng zamonaviy texnika va dastgohlar bilan jihozlanmoqda.

Jahon bozorida nafis matolarga, bejirim liboslarga, trikotaj buyumlariga, dekorativ matolarga, turli xil ko‘zni qamashtiruvchi to‘r pardalarga bo‘lgan talab kundan-kunga oshib bormoqda.

Bu talablarni to‘qimachilik sanoati muhandislari, magistr, bakalavrлari, ishchi xodimlari zamonaviy bilimlar asosida, ilg‘or tajribalarga suyanib, yangi texnologiyalarni boshqarish orqali qanoatlantirishi mumkin.

Mazkur qo‘llanmada yigirish sanoatida qayta ishlanadigan paxta tolasining xossalari, kimyoviy tolalar, ularning qo‘llanishi va ip yigirish texnologiyasi bo‘yicha asosiy ma’lumotlar keltirilgan. Shuningdek paxta tolalaridan ip yigirish jarayonlarini amalga oshiruvchi zamonaviy mashinalarning tuzilishi, ishlashi va texnologik xususiyatlari kabi masalalar yoritilgan.

1–BOB. TO‘QIMACHILIK SANOATINING RIVOJLANISHI VA UNING TARMOQLARI. YIGIRISH SISTEMALARI

1. To‘qimachilik sanoati tarmoqlari

To‘qimachilik sanoati iqtisodiyotga keng iste’mol buyumlari (gazlama, trikotaj, tikuv iplari, gilam va boshqalar) yetkazib beruvchi ishlab chiqarish majmuasi hisoblanadi. Uning mahsulotlari mudofaa, meditsina, avtomobil, poyabzal kabi ishlab chiqarish tarmoqlarida keng qo’llaniladi. To‘qimachilik sanoati ishlab chiqariladigan mahsulot va ishlatiladigan xomashyo turiga qarab quyidagi tarmoqlarga bo‘linadi:

1. Paxta tolalarini ishlash;
2. Jun tolalarini ishlash;
3. Zig‘ir poyali tolalarni ishlash;
4. Tabiiy ipakni ishlash;
5. Kimyoviy tolalarni ishlash.

Bu tarmoqlar texnologik jarayonlarga qarab quyidagilarga bo‘linadi:

1. Tolalarga dastlabki ishlov berish.
2. Yigirish.
3. To‘qish, trikotaj.
4. Pardozlash, ohorlash.
5. Tikish.

Bulardan tashqari ikkilamchi xomashyoga ishlov beruvchi korxonalar:

- ro‘zg‘orbop paxta ishlab chiqarish.
- noto‘qima matolar ishlab chiqarish.
- attorlik va boshqalar ham mavjud.

2. Yigirish va uning rivojlanish bosqichlari


Yigirish – bu bir necha texnologik jarayonlarning majmuasi bo‘lib, unda nisbatan turlicha uzunlikda va notekislikdagi tolalardan ma’lum talablarga javob beruvchi bir tekis, pishiq va uzun ip olish vazifasi amalga oshiriladi.

Tolalardan ip yigirish tosh davridan ma’lum bo‘lib, quyidagi rivojlanish bosqichlarini bosib o‘tgan:

- qo‘lda aylantiriladigan urchuqda ip olish;
- osma urchuq yordamida ip olish;
- g‘ildirakli charx yordamida, ya’ni mexanik moslama yordamida ip olish;


- davriy ishlaydigan mashinada ip olish;
- uzlusiz ishlaydigan mashinada ip olish.

Yuqoridagi usul yordamida Osiyo va Misrda paxtadan, Ovro‘pada esa jun va zig‘ir tolalaridan ip yigirilgan (1-rasm).




1-rasm. Qo'l urchuqlari


a – Peru, b – Misr, d – Italiya, e – Rossiya, f – Afrika urchuqlari.



a) Gildirakli charx (samopryalka)



b) Davriy ishlaydigan yigirish mashinasi (Djenni)



v) Suvda ishlaydigan birinchi uzlusiz yigirish mashinasi



g) Kompyuterlashtirilgan yigirish mashinasi

2-rasm. Yigirish vositalari

1490-yilda g‘ildirakli charx (samopryalka) – yigirish qurilmasi kashf etildi. 1530-yilga kelib unga harakat beruvchi g‘ildirak o‘rnatalishi natijasida keng tarqaldi. Birinchi davriy ishlaydigan cho‘zish asbobi mayjud yigirish mashinasiga 1738–yilda Uayt tomonidan patent olindi. 1760-yilda Rodion Glinkov, 1765–yilda Jeyms Xargriws 8, 16 va 24 urchuqli yigirish mashinasini ixtiro etdilar.

Uzluksiz ishlaydigan xalqali yigirish mashinasi 1830-yilda yaratildi va u hozirgi vaqtgacha takomillashtirilib kelinmoqda.

3. Yigirilgan ip turlari

Yigirish korxonalarining mahsuloti ip hisoblanadi. Iqlar har xil bo‘ladi: yakka ip, pishitilgan ip, bo‘yalgan ip, melanj ip, shakldor ip, chirmovuqli ip, tanda ip, arqoq ip va trikotaj ipi. Ular ishlatilishiga qarab ham farqlanadi: tikuv, texnika, poyabzal iplari va sh.k.

Yigirilgan ip ma’lum talablarga javob berishi kerak, ya’ni aniq chiziqiy zichlikda, pishiq, toza va ravon bo‘lishi kerak.

4. Yigirish sistemalari

Yuqorida keltirilgan iplarni paxta tolasidan ishlab chiqarish uchun uch xil – **karda, qayta tarash, apparat** yigirish sistemalari qo‘llaniladi:

Ipning ishlatilishiga qarab tanlangan xomashyo, uskunalar va texnologik jarayonlar majmuasiga **yigirish sitemasi** deb aytildi.

Karda yigirish sistemasi

Bu sistemada asosan o‘rta tolali paxtadan 15,4:40 teks chiziqiy zichlikdagi iqlar yigiriladi. Ulardan surp, satin, chit kabi bejirim gazlamalar va trikotaj buyumlari tayyorlanadi. Yigirish mahsulotlarining 60% dan ko‘pi karda yigirish sistemasida yigiriladi.

Karda yigirish sistemasida pnevmomexanik yigirish usuli ham ishlatiladi. Pnevmomexanik yigirish mashinalarida past navli tolalar va tolali chiqindilar aralashmasidan yuqori chiziqiy zichlikdagi iqlar tayyorlanmoqda.

Karda yigirish sistemasi texnologik o‘timlari

t/r	O‘timlar	Mashinalar	Texnologik jarayonlar	Mahsulotlar
-----	----------	------------	-----------------------	-------------

1	Titish–tozalash	Titish –tozalash agregati	Titish, aralashtirish, tozalash	Titilgan, tozalangan tolali massa
2	Tarash	Tarash mashinasi	Tarash	Taralgan pilta
3	Piltalash	Piltalash mashinasi I-o‘tim II-o‘tim	Cho‘zish va qo‘shish	Piltalangan pilta
4	Piliklash	Piliklash mashinasi	Cho‘zish, pishitish va o‘rash	Pilik
5	Yigirish	Yigirish mashinasi	Cho‘zish, pishitish va o‘rash	Ip

Qayta tarash yigirish sistemasi

Bu sistema asosan uzun tolali paxtadan $5\div 15,4$ teks chiziqiy zichlikdagi ingichka iplarni yigirish uchun qo‘llaniladi. Bu sistemada tayyorlangan iplar pishiqligi, raxonligi, tozaligi, silliqligi va cho‘ziluvchanligi bilan ajralib turadi. Qayta tarash jarayonida kalta tolalarни ko‘p miqdorda tarab ajratish ip chiqishining kamayishiga va mahsulot tannarxi oshishiga olib keladi.

Qayta tarash iplaridan satin, mal-mal, mayya, batist, markizet kabi nafis matolar bilan birga yuqori sifatli texnik gazlamalar to‘qiladi. Bulardan tashqari tikuvchilik, poyabzal korxonalari uchun ingichka, pishiqligini, cho‘ziluvchan iplar, g‘altak iplar, muline va kashtachilik hamda popopchilik iplari ham tayyorlanadi.

Qayta tarash sistemasining texnologik o‘timlari

t/r	O‘timlar	Mashinalar	Texnologik jarayonlar	Mahsulotlar
1	Titish–tozalash	Titish –tozalash agregati	Titish, aralashtirish, tozalash	Titilgan, tozalangan tolali massa
2	Tarash	Tarash mashinasi	Tarash	Taralgan pilta
3	Xolstcha tayyorlash	Piltalash mashinasi 0-o‘tim, Piltabirlashtirish	Cho‘zish va qo‘shish Cho‘zish,	Piltalangan pilta

		mashinasi	qo'shish va o'rash	Xolstcha
4	Qayta tarash	Qayta tarash mashinasi	Qayta tarash	Qayta taralgan pilta
5	Piltalash	Piltalash mashinasi I-o'tim	Cho'zish va qo'shish	Piltalangan pilta
6	Piliklash	Piliklash mashinasi	Cho'zish, pishitish va o'rash	Pilik
7	Yigirish	Yigirish mashinasi	Cho'zish, pishitish va o'rash	Ip

Apparat yigirish sistemasi

Bu sistema asosan past navli, kalta tolali paxtadan hamda yigiriluvchan tolali chiqindilardan 55,5÷1000 teks chiziqiy zichlikdagi ip yigirish uchun qo'llaniladi.

Apparat sistemasida yigirilgan ip bo'sh, notejisligi yuqori, pishiqligi past, cho'zilmaydigan, mayin va tukli bo'ladi. Ular asosan arqoq iplari sifatida bumazey, bayka flanel va boshqa issiq hamda yumshoq gazlamalar to'qishda ishlataladi.

Apparat yigirish sistemasi texnologik o'timlari

Nº	O'timlar	Ishlatiladigan mashinalar	Mahsulotlar
1.	Xomashyoni titish, tozalash va aralashtirishga tayyorlash	Titish va tozalash mashinalari	Titilgan va tozalangan tolali massa
2.	Aralashtirish	Labazlar	Aralashma
3.	Tarash, piltalash	Tarash apparatlari	Pilik yoki pilta
4.	Yigirish	Yigirish mashinalari	Ip

Ip yigirishning melanj usuli ham mavjud bo'lib, unda bo'yalgan va bo'yalmagan tolalar aralashmasidan o'rtacha chiziqiy zichlikdagi iplar tayyorlana-di. Ular pishiqligini, bir tekis, tukli va toza bo'lib, har xil, rang-barang gazlamalar to'qishda ishlataladi. Bu usulda ip yigirishda texnologik jarayonlar va o'timlar karda sistemasi bilan deyarli bir xil bo'ladi.

Nazorat savollari

1. To‘qimachilik sanoatining qanday tarmoqlari mavjud?
2. Yigirishning tushunchasi nimani anglatadi?
3. Ip yigirishning qanday rivojlanish bosqichlari mavjud?
4. Yigirish sistemasi deganda nima tushuniladi?
5. Yigirish sistemalari qanday farqlanadi?
6. Apparat yigirish sistemasi qachon qo‘llaniladi?
7. Melanj usuli qachon qo‘llaniladi?
8. Bo‘yagan xomashyo qaysi yigirish sistemasida ishlataladi?

2–BOB. XOMASHYO, TOLALARING TEXNOLOGIK XOSSALARI, SARALANMA TUZISH VA IP XOSSALARINI LOYIHALASH

1. Yigirishning xomashyo bazasi

Yigirilgan ip tabiiy va kimyoviy tolalardan tayyorlanadi.

Paxta, zig‘ir, kanop, jun va ipak tolalar tabiiy tolalar hisoblanadi. Kimyoviy tolalar sintetik va sun’iy tolalarga ajratiladi. Bulardan tashqari yigirishda asbestos, ya’ni mineral tolalar ham ishlataladi.

Tolalar xomashyo sifatida quyidagi talablarga javob berishi zarur:

1. Iloji boricha uzun bo‘lishi kerak.
2. Nisbatan ingichka bo‘lishi zarur.
3. Mexanik xossalarga ega bo‘lishi shart (pishiqligi yuqori, egilishga, cho‘zilishga va qisilishga chidamli, ilashuvchan).
4. Issiqlikka chidamli.
5. Yaxshi bo‘yalishi va rangni uzoq vaqtgacha saqlashi zarur.
6. Yigirilish xususiyati yuqori bo‘lishi kerak.

Aholi sonining o‘sib borishi to‘qimachilik mahsulotlari va ishlataladigan xomashyo hajmining ko‘payishini taqozo etmoqda. Kimyoviy tolalar ishlatalganda ipning sifati yaxshilanadi, resurslar tejaladi, tashqi ko‘rinishi nafis va chirolyi bo‘ladi, lekin ekologik va gigiyenik nuqtayi nazardan tabiiy tolalar afzaldir.

Paxta etishtiruvchi asosiy davlatlar jumlasiga O‘zbekiston, Misr, Xitoy, AQSh, Hindiston, Pokiston, Turkiya, Avstraliya, Argentina, Braziliya kabi mamlakatlar kiradi. Dunyo bo‘yicha ishlab chiqariladigan paxta tolasining 80 foizi ushbu davlatlarda tayyorlanadi.

2. Paxta tolasining asosiy xossalari

Tabiiy tolalar ichida paxta tolsi yetakchi o‘rinni egallaydi, u chigitli paxtadan ajratib olinadi. Tolalarning tuzilishi uning hamma xossalarini belgilaydi. Tolalarning pishib yetilish darajasi ortgan sari u shunchalik jingalaklanadi. Tola pishgan sari uning tashqi diametri ichki kanal diametriga nisbatli ortadi va u yetilganlik koeffitsiyenti deb ataladi. Tolalar pishib yetilganlik jihatidan 11 guruhgaga bo‘linadi;

Pishib yetilmagan – 0,0; 0,5; 1,0; 1,5;

To’la pishib etilmagan - 2,0; 2,5;

Pishib yetilgan – 3,0; 3,5; 4,0; 4,5;

Pishib o‘tib ketgan(o‘ta pishgan) – 5,0.

Paxta tolasining xususiyatlari uning fizik – mexanik xossalarini belgilaydi.

To‘qimachilik tolalari va iplarining sifat ko‘rsatkichlari ularning quyidagi xossalari bilan bog‘liqdir.

Geometrik xossalari: tola uzunligi, diametri, ko‘ndalang kesimi yuzasi va h.k.

Fizik xossalari: uzunlik, pishib yetilganlik, namlik, nam o‘tkazuvchanlik, zaryadlanish, issiqlik o‘tkazuvchanlik, jingalaklik kabilalar.

Mexanik xossalari: uzish kuchi, cho‘ziluvchanlik, nisbiy uzish kuchi, zo‘riqish va buralishga, egilishga, ezilishga qarshilik.

1.Tolaning uzunligi uning sifatini belgilab uzunlik bo‘yicha taqsimot qonuniyati ko‘rsatkichlari bilan baholanadi. Tola uzunligini aniqlashning ikki xil usuli mavjud:

1. Qo‘lda.

2. Asboblarda.

Shu paytgacha tola uzunligi bo‘yicha taqsimot darajasiga asosan “Modal” va “Shtapel” uzunlik ko‘rsatkichlaridan keng ko‘lamda foydalanilgan.


Modal massa uzunlik – namunada eng ko‘p uchraydigan uzunlik. Shtapel uzunlik esa modal massa uzunlikdan uzun tolalarning o‘rtacha uzunligi bo‘lib, $L_{sht} = L_{mod} + (3 \div 4) \text{ mm}$ ga tengdir.

So‘ngi yillarda tola xossalari aniqlashda HVI-1000 SA tizimi keng ko‘lamda ishlatilmoqda. Ushbu tizimdatolaning quyidagi uzunlik ko‘rsatkichlarini aniqlash qabul qilingan;

Yuqori o‘rtacha uzunlik – namunadagi eng uzun tolalarning o‘rtacha uzunligini bildiradi va 2,5 % li qoplama uzunlik deb ataladi.

50 % li qoplama uzunlik – bu yigirishga yaroqli bo‘lgan, namunada ko‘p uchraydigan tolalar miqdorini bildiradi.

O‘rtacha uzunlik – namunadagi barcha tolalarning o‘rtacha uzunligini bildiradi.



3–rasm. Tolaning shtapel diagrammasi

2. Tolaning chiziqiy zichligi – Tola qancha ingichka bo‘lsa, ipning ko‘ndalang kesimida shuncha ko‘p tola bo‘ladi, bu esa ipning pishiq bo‘lishini ta’minlaydi. Tolaning chiziqiy zichligi teksda, ingichkaligi nomerda aniqlanadi.

$$T = \frac{m}{L} \quad (g / km) - \text{teks}; \quad N = \frac{L}{m} \quad (m / gr)$$

3. Mikroneyr ko‘rsatkichi

Mikroneyr tolanning pishib yetilganligi va ingichkaligini ifodalarydi. Mikroneyr ko‘rsatkichi tolalar perimetri yoki tolalar devorining qalinligiga (sellyuloza bilan to‘ldirilganligi darajasiga) bog‘liqdir. Mikroneyr paxta tolasida 3,0 dan 6,0 gacha bo‘ladi.

3,0 dan past	Juda ingichka
3,0 dan 3,9 gacha	Ingichka
4,0 dan 4,9 gacha	O‘rta
5,0 dan 5,9 gacha	Dag‘al
6,0 dan yuqori	Juda dag‘al

4. Tolaning uzish kuchi

Tolaning uzish kuchi cho‘zuvchi kuchlarga qarshilik ko‘rsatish qobiliyatini bildiradi. Tolaning uzish kuchi R_t ifodalanib, (sN) da o‘lchanadi.

5. Tolaning solishtirma uzish kuchi chiziqiy zichlik birligiga to‘g‘ri keluvchi uzish kuchi bilan ifodalanadi, ya’ni tolanning nisbiy uzish kuchi quyidagicha aniqlanadi:

$$R_t = \frac{P_t}{T_t} \quad [sN / \text{teks}].$$

R_t –tolanning solishtirma uzish kuchi (sN); T_t – tolanning chiziqiy zichligi, (teks)

6. Tolaning cho‘ziluvchanligi

Paxta tolasini uzuvchi kuchlar ta’sirida uzayishiga uning *cho‘ziluvchanligi* deyiladi. Uning miqdori 5÷8% ni tashkil etadi.

7. Tolaning namligi – bu ko‘rsatkich yigirishda muhim ahamiyatga ega. Paxta tolassi namlikni o‘ziga tez oladi va tez yo‘qotadi. Tolaning namligini o‘zgartirish xossasiga uning gigroskopikligi deyiladi.

Tola namligi quyidagicha hisoblanadi:

$$W_p = \frac{m_d - m_q}{m_q} \cdot 100 \text{ \%}; \quad \text{odatda} \quad W_k = 8 \div 12 \text{ \%}, \quad \text{bo'jadi.}$$

W_h , W_k -tolaning haqiqiy va kondiston namligi, %
 m_d — paxta tolasinig dastlabki massasi, g;
 m_q — paxta tolasinig quritilgandan keyingi massasi; g

8. Tolaning boshqa xossalari

■ tolaning siqilishga qarshiligi juda katta bo'lib, uning zo'riqishi (σ) deyiladi;

$$\sigma \geq 1000 \text{ [kg/sm}^2\text{]}$$

- tolanning buralishga qarshiligi kam bo'lib, yaxshi buraladi va yaxshi pishitiladi, chunki tolaning ko'ndalang kesimi kichik;
- tolanning egilishga qarshiligi juda oz, shuning uchun tola egiluvchandir;
- tolaning siljishga qarshiligi.

$$F = \mu N + h$$

F – ishqalanish kuchi; μ – ishqalanish koeffitsienti; N – bosim kuchi; h – tolalar o'rtaсидagi ilashuvchanlik.

Tolaning elektr o'tkazuvchanligi yomon, paxta tolsi dielektrik hisoblanadi. Shuning uchun tolalar harakatlanganda statik zaryadlar hosil bo'lib, texnologik jarayonga salbiy ta'sir ko'rsatadi. Unga qarshi quyidagi choralar ko'rildi:

1. Sexlarda havo namligi oshiriladi.
2. Mashinalar yerga ulanadi.
3. Ionizatorlar qo'llanadi.

Kimyoviy tolalar

Kimyoviy tolalar – sun'iy va sintetik tolalarga bo'linadi.

Sun'iy tolalar – tabiiy polimerlarni qayta ishlash natijasida olinadi, ularga viskoza, polinoz, misammiak, diasetat, triasetat, fartizan kabi tolalar misol bo'jadi.

Sintetik tolalar – tabiiy manomerlarni sintezlash natijasida olinadi. Ularga poliamid, poliefir (lavsan), poliakronitril (nitron), polivinilxlorid, polipropilen kabi tolalar misol bo'la oladi.

«Navoiyazot» ishlab chiqarish birlashmasida poliakrilonitril (nitron) xususiyatlari jun va paxta tolasiga yaqin tolani ishlab chiqarish yo‘lga qo‘yilgan. Kimyoviy tolalarning afzalligini pishiqligi, tozaligi va kamyoviy reagentlar ta’siriga chidamliligi belgilaydi.

Kimyoviy tolalarning kamchiligini havo o‘tkazuvchanligi pastligi, kam nam tortishi, kuchli elektrlanishi, yomon bo‘yalishi kabi xususiyatlari tashkil etadi.

3. Paxta tolasining nuqsonlari

Paxta tolasini terish, g‘aramlash, chigitdan ajratish, titish va tozalash jarayonlarida nuqsonlar hosil bo‘ladi.

Ular organik va noorganik nuqsonlarga ajratiladi. Organik nuqsonlarga quyidagilar mansub:

1. Iflosliklar – maydalangan barg, ezilgan shoh, har xil xas-cho‘plar.
2. O‘lik – pishib yetilmagan tolali chigit.
3. Maydalangan chigit.
4. Kasallangan va shikastlangan tolalar.
5. Tolali chigit po‘stloqlari.
6. Tugunaklar.
7. O‘ramlar.
8. Murakkab o‘ramlar (jgutiki).

Noorganik nuqsonlarga tosh, temir, shisha kabilar kiradi.

4. Paxta tolasining klassifikatsiyasi

O‘zDSt – 604–2011 paxta tolasining texnikaviy shartlari hisoblanib, unda paxta tolasining klassifikatsiyasiga muvofiq me’yoriy talablar keltirilgan.

Paxta tolesi shtapel massa uzunligi, chiziqiy zichligi, solishtirma uzish kuchi kabi xossalariiga asosan 9 tipga bo‘linadi:

Uzun tolali – 1a; 1b; 1; 2; 3;

O‘rta tolali – 4; 5; 6; 7.

Paxta tolesi yetilganlik koeffitsiyenti, rangi va tashqi ko‘rinishi bo‘yicha 5 ta sanoat navlariga ajratiladi. O‘z navbatida sanoat navlari nuqsonlari bo‘yicha me’yorlangan sinflarga ajratiladi.

Birinchi, ikkinchi navlar – oliy, yaxshi, o‘rta, oddiy va iflos;

Uchinchi, to‘rtinchi navlar – yaxshi, o‘rta, oddiy va iflos;

Beshinchi nav – o‘rta, oddiy va iflos sinflarga bo‘linadi.

Xorijiy mamlakatlarda va paxta birjalarida paxta tolasining navlari asosan “klassyor” – organoleptik usulda tashqi ko‘rinishi, rangi va hidiga qarab baholanadi.

5. Tipli saralanmalar

Odatda yigirish fabrikalarida ishlab chiqarilgan iplarning asosiy qismi to‘qilgan matolar ishlab chiqarishda, qolganlari esa trikotaj va tikuv iplari ishlab chiqarish hamda texnik maqsadlarda ishlatiladi.

Gazlama to‘qishda ishlatiladigan ipning pishiqligi yuqori, notekisligi kam, egiluvchanligi ko‘proq bo‘lishi talab etiladi.

Trikotaj iplarining pishitilish miqdori kamroq, tozaligi va raxonligi (bir tekisligi) yuqori bo‘lishi kerak.

Tikuv iplarining pishiqligi juda yuqori, sirti juda toza va silliq bo‘lishi talab etiladi.

Yigirilgan iplar qanday maqsadda ishlatilishidan qat’iy nazar turlicha yo‘g‘onlikda ishlab chiqariladi.

Yigirilgan iplarni ishlab chiqarish uchun ilmiy tekshirish muasasalari tomonidan paxta tolasining tipli saralanmalari ishlab chiqilgan. Mazkur saralanmalar odatda paxta tolasining bir necha tiplari va navlarini o‘z ichiga olib, aralashma asosini 60% dan kam bo‘lmagan bazis navi tashkil etadi.

Tipli aralashmada 1a dan 7 gacha bo‘lgan arab raqamlari paxta tolasining tiplarini, I dan V gacha bo‘lgan lotin raqamlari esa tolating sanoat navlarini bildiradi. Masalan, 5-II saralanmada 5 – tola tipi II esa tola navini bildiradi.

Yigirilgan ipning chiziqiy zichligi va ishlatilishiga qarab unga bir necha tip va navdan iborat tipli saralanmalar tavsiya qilinishi mumkin.

Masalan: 5-I; 5-II; 6-I tipli saralanmalarda 5-tip I-nav – 60% dan kam bo‘lmasligi, 5-tip II-nav – 30%, 6-tip I-nav esa 10–5% miqdorida bo‘lishini bildiradi.

Tipli saralanmadan ishchi aralashmalar tuziladi va u ishlab chiqarish qaytimlarini (pulta va pilik uzuqlari hamda yigirish momiqlari) to‘la ishlatilishini ko‘zda tutadi.

6. Aralashma tuzishning asoslari

Aralashma tuzish uchun paxta tolasini tanlash juda muhim vazifa bo‘lib, u korxona injener texnik xodimlari tomonidan amalga oshiriladi.


Tuzilgan aralashma texnologik jarayonlar barqarorligini va ipning belgilangan tannarx hamda sifat ko'rsatkichlarini ta'minlashi shart.

Aralashma tuzilganda quyidagi qoidalarga amal qilinadi:

- aralashma kamida 6–8 ta paxta tolasining markalaridan tuzilishi kerak;
- markalardagi tolalar uzunligi 3–4 mm dan ortiq farq qilmasligi kerak;
- aralashayotgan tolalar chiziqiy zichligi bo'yicha o'zaro 18 mteksgacha farq qilishi mumkin;
- markalar yangisiga almashtirilganda aralashma tolalarining ko'rsatkichlari, ya'ni T_{ar} ; P_{ar} ; R_{ar} lar hisoblanib, ularning keskin farq qilmasligi inobatga olinadi;
- aralashma tarkibiga 10% gacha shtapel tolalarini qo'shimcha komponent sifatida kiritish mumkin.

7. Yigirish korxonalarida xomashyoni saqlash va ishlatalish

Respublika sifat markazi tomonidan 2001–yildan boshlab O'zbekistonda tayyorlanayotgan paxta tolalari sifat ko'rsatkichlarini to'liq nazoratdan o'tkazish maqsadida paxta toyalarini shtrix kodlash tartibi joriy qilindi.



07 – viloyat kodi (Jizzax)
057 – zavod kodi (A.Ikromov)
0125032 – paxta toyining tartib nomeri (3-yilda yangidan takrorlanadi)

4–rasm. Paxta toyining shtrix kodi

Regional sifat laboratoriylarida aniqlangan paxta tolasining sifat ko'rsatkichlari shtrix kodlar bo'yicha Respublika sifat markazi kompyuter bazasida nazorat uchun to'plab boriladi.

Yigirish korxonalarida xomashyoni ishlatalish

Zamonaviy texnologiyalar va uskunalar bilan jihozlangan yigirish korxonalarida aralashma tuzishda “Lot” deb ataluvchi tola partiyalaridan foydalanilmoqda. “Lot” bitta, ikkita yoki undan ko'proq tola tipi va navlaridan tuzilgan bo'lishi mumkin.

Lotlarni tuzishda korxonada kichik namunalar usulida ishlab chiqarish sharoitida tajribaviy ip tayyorlanib, sifati tekshirib ko‘riladi. Kerak bo‘lganda tuzatishlar kiritiladi. Shunday qilib, har bir ip assortimenti uchun alohida lotlar tuziladi va buyruq asosida uning tarkibi tasdiqlanadi.

Xomashyo sarflanishi

13–jadval

Tola yetishtirilgan region	Paxta tołasi aralashmasi, kg	Aralashma tarkibi, %	To‘plam tarkibi	Bir kunlik sarf	Ta’minlanishi	
					necha kunga	qaysi sanagacha
Qashqadar yo	871	80,0	19	52	17	08.02.10
Navoiy	219	20,0	5	14	16	07.02.10
Jami	1090	100	24	66	16	08.02.10

Toylarni lotda joylashtirish tartibi

1	2	3	4	5	6	7	8	9	10	11	12
Qash A	Qash A	Nav B	Qash A	Qash A	Qash A	Qash A	Nav B	Qash A	Qash A	Qash A	Nav B
13	14	15	16	17	18	19	20	21	22	23	24
Qash A	Qash A	Qash A	Qash A	Nav B	Qash A	Nav B					

8. Paxta ipi xossalariini loyihalash usullari

Ipning sifati ko‘p jihatdan tolaning texnologik xossalariiga bog‘liq. Shuningdek ishlatilayotgan yigirish sistemasi, mashinalarning texnik holati, cho‘zish va qo‘sish miqdori hamda sexdagi harorat va namlik ham sifatli ip tayyorlashda katta ahamiyatga ega.

Yigirilayotgan ip xossalaringin tola xossalariiga bog‘liqligini aniqlashning ikkita – tajribaviy va hisobiy usullari mavjud bo‘lib, tajribaviy usul har xil massadagi toladan ip yigirib tekshirishga asoslangan:

1. 100 kg paxta tolasidan ip tayyorlanib, uning ko‘rsatkichlari me’yorlar bilan solishtiriladi.
2. 1 kg paxta tolasidan ip tayyorlanib, uning ko‘rsatkichlari me’yorlar bilan solishtiriladi.

3. 42 g paxta tolasidan ip tayyorlanib, uning ko'rsatkichlari me'yorlar bilan solishtiriladi.

Hisobiy usulda turli ko'rinishdagi empirik formulalar yordamida ipning nisbiy uzish kuchi hisoblanadi. Ularning barchasi tola xossa ko'rsatkichlariga asoslanadi.

9. Aralashma tolasi ko'rsatkichlarini aniqlash

Yigirish korxonalarida tuzilgan aralashma tolalarining ko'rsatkichlarini hisoblashda injener A.A. Sinitzin formulasidan foydalilanildi:

1. Aralashma tolalarining uzish kuchi;

$$P_{ar} = \frac{P_1 \cdot \alpha_1}{100} + \frac{P_2 \cdot \alpha_2}{100} + \dots + \frac{P_n \cdot \alpha_n}{100}, \text{ sN.}$$

2. Aralashma tolalarining chiziqiy zichligi;

$$T_{ar} = \frac{T_1 \cdot \alpha_1}{100} + \frac{T_2 \cdot \alpha_2}{100} + \dots + \frac{T_n \cdot \alpha_n}{100}, \text{ mteks.}$$

4. Aralashma tolalarining nisbiy uzish kuchi;

$$R_{ar} = \frac{R_1 \cdot \alpha_1}{100} + \frac{R_2 \cdot \alpha_2}{100} + \dots + \frac{R_n \cdot \alpha_n}{100}, \text{ sN/teks.}$$

3. Aralashma tolalarining shtapel uzunligi;

$$L_{ar} = \frac{L_1 \cdot \alpha_1}{100} + \frac{L_2 \cdot \alpha_2}{100} + \dots + \frac{L_n \cdot \alpha_n}{100}, \text{ mm.}$$

Bu yerda:

$P_1, P_2, \dots, P_n - 1, 2, \dots, n$ aralashma komponentlari tolasining uzish kuchi, sN;

$T_1, T_2, \dots, T_n - 1, 2, \dots, n$ aralashma komponentlari tolasining chiziqiy zichligi, mteks;

$R_1, R_2, \dots, R_n - 1, 2, \dots, n$ aralashma komponentlari tolasining solishtirma uzish kuchi, sN/teks;

$L_1, L_2, \dots, L_n - 1, 2, \dots, n$ aralashma komponentlari tolasining shtapel uzunligi, mm;

$\alpha_1, \alpha_2, \dots, \alpha_n - 1, 2, \dots, n$ komponentlarning aralashmadagi ulushi, %.

Xomashyoni to‘g‘ri tanlanganligini tekshirish maqsadida, ipning ustuvor ko‘rsatkichlaridan biri – nisbiy uzish kuchi hisoblanadi.

10. Paxta iplari ko‘rsatkichlarini loyihalash

Agar aralashma faqat paxta tolasidan tashkil etilgan bo‘lsa, ipning solishtirma uzish kuchi professor A.N. Solovyov formulasi yordamida hisoblanadi.

$$R_{ip} = \frac{P_{ar}}{T_{ar}} \left(1 - 0.0375 \cdot H_0 - \frac{2,65}{\sqrt{\frac{T_{ip}}{T_{ar}}}} \right) \cdot \left(1 - \frac{5}{L_{ar}} \right) \cdot \eta \cdot k \quad [sN / teks],$$

bu yerda;

R_{ip} – ipning solishtirma uzish kuchi, sN/teks

P_{ar} – aralashma tolalarining uzish kuchi, sN

T_{ar} – aralashma tolalarining chiziqiy zichligi, teks

H_0 – ipning solishtirma notekisligi bo‘lib, texnologik jarayonlar sifatini bildiradi; karda yigirish sistemasi uchun $H_0=4,5 \div 5$; qayta tarash yigirish sistemasi uchun $H_0=3,5 \div 4$ deb qabul qilingan.

T_{ip} – ipning chiziqiy zichligi, teks

L_{ar} – aralashma tolalarining shtapel uzunligi, mm

η – uskunalarning holatini belgilovchi koeffitsiyent: a’lo holatda – 1,1; yaxshi holatda – 1,0; qoniqarli holatda – 0,95

k – ip pishitilishiga tuzatma bo‘lib, amaliy (α_a) va kritik (α_{kr}) pishitish koeffitsiyentlari farqiga qarab tanlanadi;

$$k = f(\alpha_a - \alpha_{kr})$$

α_a – ma’lumotnomadan ipning turiga, chiziqiy zichligiga va tolaning shtapel uzunligiga qarab tanlanadi, ya’ni,

α_{kr} – kritik pishitish koeffitsiyenti bo‘lib, quyidagi formula yordamida aniqlanadi.

$$\alpha_{kr} = \frac{31,62}{100} \left[\frac{(1120 - 70 \cdot P_{ar}) P_{ar}}{L_{ar}} + \frac{57,2}{\sqrt{T_{ip}}} \right]$$

$(\alpha_a - \alpha_{kr})$ farqiga qarab ma'lumotnomadan "k" ning qiymati qabul qilinadi.

U odatda "1" dan kichik bo'ladi, so'ngra $R_{ip}^{me'yoriy} - R_{ip}^{his}$ bilan taqqoslanadi, $R_{ip}^{me'yoriy} < R_{ip}^{his}$ bo'lishi shart.

11. Shtapel iplari ko'rsatkichlarini loyihalash

Agar aralashma viskoza shtapel tolalardan tashkil topgan bo'lsa, ipning solishtirma uzish kuchi professor V.A. Usenko formulasi yordamida hisoblanadi.

$$R_{ip} = \frac{P_{ar}}{T_{ar}} \left(1 - 0.0375 \cdot H_0 - \frac{2.8}{\sqrt{\frac{T_{ip}}{T_{ar}}}} \right) \cdot \left(1 - \frac{7.83}{l_{ar}} \right) \cdot \beta \cdot k \quad [sN / teks].$$

Ushbu formula ishlataliganda ipning solishtirma notekisligi $H_0=2,5 \div 3,5$ miqdorida qabul qilinadi.

β –tolaning bir tekisligini ko'rsatuvchi koeffisiyent bo'lib, jadvaldan olinadi. Agar tolaning bazasi 50% dan ortiq bo'lsa $\beta=1$ ga teng bo'ladi.

Tolaning bazasi, %	45	40	35	30	25	15	10
β koeffitsiyenti	0.99	0.97	0.94	0.9	0.85	0.75	0.68

Bu holatda pishitish koeffitsiyentining kritik qiymatini quyidagi formula bilan hisoblash mumkin:

$$\alpha_{kr} = \frac{527 \sqrt[6]{25 + 1000/T_{ip}}}{\sqrt[3]{l_{ar}} \sqrt[4]{1000/T_{ar}}}.$$

12. Aralash iplar ko'rsatkichlarini loyihalash

Agar ikki xil kimyoviy tola yoki kimyoviy tola bilan paxta tolasi aralashmasidan ip yigirilsa, uning solishtirma uzish kuchi prof. A.N. Van-chikov formulasi yordamida aniqlanadi, ya'ni

$$R_{ip} = R_{ar} \cdot K_{ar}.$$

R_{ip} – ipning solishtirma uzish kuchi, sN/teks;

R_{ar} – aralashma tolalarining solishtirma uzish kuchi, sN/teks.

$$R_{ar} = R_1 \beta_1 + R_2 \beta_2.$$

R_1, R_2 – aralashmadagi tolalarining solishtirma uzish kuchi, sN/teks (kimyoviytolaning turiga qarab ma'lumotnomadan qabul qilinadi);

β_1 – kamroq cho'ziluvchi komponentning ulushi;

β_2 – ko'proq cho'ziluvchi komponentning ulushi;

K_{ar} – aralashmadagi tolalar pishiqligidan ip pishiqligida foydalanish koeffitsiyenti.

$$K_{ap} = K_1 - a\beta_1 + b\beta_2^2$$

K_1 – kamroq cho'ziluvchi komponentning ip pishiqligida foydalanish koeffitsiyenti.

Agar paxta bilan lavsan tolalari aralashtirilsa, K_1 – paxta tolasiga tegishli bo'ladi, chunki paxtaning cho'zilishi lavsanga ko'ra kamroq.

$a; b$ – koeffisiyentlar quyidagi formulalar yordamida aniqlanadi:

$$a = \sqrt{1 - \frac{\varepsilon_1}{\varepsilon_2}};$$

bu yerda: $\varepsilon_1; \varepsilon_2$ – komponentlarning nisbiy cho'ziluvchanligi, ular tola turiga qarab ma'lumotnomadan qabul qilinadi.

$$b = a \sqrt{\frac{T_{T_2}}{T_{T_1}} \cdot \eta} = \left(\sqrt{1 - \frac{\varepsilon_1}{\varepsilon_2}} \right) \cdot \sqrt{\frac{T_{T_1}}{T_{T_2}} \cdot \eta};$$

bu yerda: T_{T_1} – kamroq cho'ziluvchi tolaning chiziqiy zichligi; teks

T_{T_2} – ko'proq cho'ziluvchi tolaning chiziqiy zichligi; teks

η – tolalarining strukturaviy xossalariiga bog'liq koeffitsiyent;

$\eta = 1,1$, agar paxta viskoza bilan arlashtirilsa;

$\eta = 1,0$, agar paxta sintetik tolalar bilan arlashtirilsa;

$\eta = 0,8$, agar viskoza sintetik tolalar bilan arlashtirilsa;

$\eta = 0,6$, agar viskoza nitron tolasi bilan arlashtirilsa.

Bu holatda ham $R_{his} > R_{me'yor}$ sharti bajarilishi kerak, ularning farqi 0,2–0,3 sH/teks bo'lsa, xomashyo to'g'ri tanlangan va texnologik

jarayonlar bir maromda davom etib, sifatli ip ishlab chiqarilishi kafolatlangan bo‘ladi.

13. Ip sifatini bashorat qilishning istiqbolli usullari

HVI–1000 SA, Spinlap va Texlab tizimlari joriy qilinishi natijasida ip pishiqligini bashorat qilishda CSP va R_{km} ko‘rsatkichlaridan keng foydalanil-moqda.

CSP (Count Strength Product) ko‘rsatkichi bo‘yicha ip pishiqligini bashorat qilishda tola uzunligi, pishiqligi, uzunlik bo‘yicha bir xilligi, mikroneyri, rangi, uzishdagi uzayishi, ifloslik darajasi kabi xossalari inobatga olingan.

CSP ko‘rsatkichi ip va tola o‘rtasidagi bog‘liqlikni ifodalaydi. SITRA (Janubiy Hindiston to‘qimachilik tadqiqotlari markazi) me’yorlashtirilgan ma’lumotlarida dag‘al, yarim dag‘al, o‘rta, ingichka, o‘ta ingichka paxta tolalari uchun uning qiymatini hisoblash tartibi ko‘rsatilgan.

Agar HVI ko‘rsatkichlaridan tolaning o‘rtacha uzunligi ma’lum bo‘lsa, CSP quyidagi formula yordamida topiladi:

Karda ipi uchun

$$CSP = 165 \sqrt{\frac{LR_t}{M}} + 590 - 13 N_e$$

Qayta tarash ipi uchun

$$CSP = \left[165 \sqrt{\frac{LR_t}{M}} + 590 - 13 N_e \right] \left[1 + \frac{Y}{100} \right]$$

bu yerda: L – tolaning o‘rtacha uzunligi, mm; R_t – tolaning nisbiy uzish kuchi, sN/teks; M – mikroneyr ko‘rsatkichi; N_e – ipning ingliz nomeri; Y – qayta tarash tarandisi, %

R_{km} ko‘rsatkichi bo‘yicha ip pishiqligini bashorat qilish

USTER xalqaro standartida paxta ipi pishiqligini bashorat qilishda uzilish uzunligidan, ya’ni R_{km} dan foydalaniladi. Solishtirma uzish kuchi R bilan R_{km} ko‘rsatkichi o‘rtasidagi o‘zaro bog‘liqlik quyidagicha ifodalanadi:

$$R = R_{km} \cdot 0,9807 \quad \text{sN/teks.}$$

SITRA hisoblanadi tavsiyasiga ko‘ra R_{km} empirik formula yordamida

$$R_{km} = 1,1 \left(\sqrt{FQI} \right) + 4,0 - \frac{13N_e}{150}.$$

$$FQI = \frac{L \cdot R_{ar}}{M} \quad \text{tolaning sifati indeksi.}$$

L, R_{ar}, M – HVI tizimida aniqlangan aralashma tolalarining ko‘rsatkichlari.

Nazorat savollari

1. Tabiiy va kimyoviy tolalarning qanday turlarini bilasiz?
2. Tolalarga xomashyo sifatida qanday talablar qo‘yiladi?
3. Tolaning fizik xossalari nimalardan iborat?
4. Tolaning mexanik xossalari nimalardan iborat?
5. Tola uzunligini aniqlash usullarini tushuntiring.
6. Tolaning pishiqligi nimani bildiradi?
7. Paxta tolasining qanday nuqsonlari mavjud?
8. Paxta tolsi qaysi xossalariga qarab tiplarga ajratiladi?
9. Paxta tolsi qanday xususiyatlariga qarab sanoat navlariga ajratiladi?
10. Tipli saralanmalar nimalarni bildiradi va qanday ishlataladi?
11. Aralashma tuzishning qanday qoidalari mavjud?
12. Yigirish korxonalarida xomashyonni ishlatish qanday amalga oshiriladi?
13. Injener A.A. Sinitzin formulasi qachon ishlataladi?
14. Agar aralashma faqat paxta tolasidan tashkil topgan bo‘lsa, ipning nisbiy uzish kuchi qaysi formula bilan hisoblanadi?
15. Ipning solishtirma notekisligi nimani bildiradi?
16. Ip pishitilishiga tuzatma koeffitsiyenti qanday aniqlanadi?
17. Ipning kritik pishitilish koeffitsiyenti qaysi formula bilan hisoblanadi?
18. Agar aralashma shtapel tolalardan iborat bo‘lsa, ipning solishtirma uzish kuchi qaysi formula bilan hisoblanadi?
19. Ikki xil kimyoviy toladan aralashma tashkil etilsa, ipning solishtirma uzish kuchi qanday hisoblanadi?
20. Ip sifatini baholashda CSP va R_{km} ko‘rsatkichlaridan foydalanish formulalarini keltiring.

3–BOB. TOLALARGA ISHLOV BERUVCHI USKUNALARING TEXNOLOGIK TIZIMLARI. TITISH, ARALASHTIRISH VA TOZALASH JARAYONLARI

1. Tolalarga ishlov beruvchi uskunalarining texnologik tizimlari

Yigirish rejasining birinchi bosqichida toylangan tolalardan titish, tozalash va aralashtirish jarayonlari orqali tarash mashinalari uchun bir tekis qatlam shaklidagi mahsulot tayyorlanadi. Bu vazifa bir texnologik tizimga biriktirilgan mashinalarda (TTA) – titish-tozalash agregatlarida amalga oshiriladi. TTA larining tarkibi ishlatilayotgan tolalarning ifloslik darajasiga, uzunligiga, yigirilayotgan ip assortimentiga qarab tanланади (loyihalanadi yoki qabul qilinadi). Yigirish texnologiyasining taraqqiyoti davomida TTAlar MHD miqyosida tozalash samaradorligiga ko‘ra ajratilgan (tozalash darajasi past – 24%, tozalash darajasi yuqori – 50–55% va tozalash darajasi juda yuqori – 70%). Ushbu TTAlarda texnologik jarayon kuchli zarbiy ta’sirlar vositasida amalga oshirilganligi tufayli tolalar shikastlanishi yuqori darajada bo‘lgan. Fan, texnikaning rivojlanishi, yigirishda avtomatlashirilgan tizimlarning joriy qilinishi, mahsulot sifatiga talabning oshishi TTA tarkibini samarali ishlaydigan, ixcham va tejamkor mashinalar bilan tez-tez o‘zgarishini taqozo etmoqda.

Dunyo mamlakatlarining to‘qimachilik korxonalarida ishlatilayotgan TTA turlari xilma – xil bo‘lib, ularni umumlashtirgan holda quyidagi tarkibga keltirish mumkin:

Universal titib tozalash agregati (UTTA):

1. Avtotoy titgich.
2. Qaytim tola titgich.
3. Dastlabki tozalash mashinasi.
4. Aralashtiruvchi mashina.
5. Asosiy tozalash mashinasi.
6. Aerodinamik tozalash mashinasi.
7. Tola taqsimlash tizimi.


UTTAda tozalash jarayoni uch bosqichda amalga oshirilishi natijasida tolali mahsulotning shikastlanishi va uzun tolalarning nuqsonlarga qo‘silib chiqib ketishi sezilarli darajada kamaytirilgan.

Agregatning tarkibi, garnituralar, ishchi organlar soni, tolali mahsulotdagi chiqindilar miqdoriga va yigirilayotgan ip assortimentiga qarab o‘zgartirilishi mumkin. Agregat mashinalari pnevmotrubalar yordamida o‘zaro biriktirilgan. Pnevmotrubalar asosiy va yordamchi

holatda o‘rnatilgan bo‘lib, tizimdagи mashinani texnologik jarayondan chiqarib qo‘yish imkonini beradi.

Asosiy tozalashdan so‘ng aerodinamik tozalagichlarning ishlatalishi tolalarni nafaqat shikastlanishi, balki chigallanishini ham kamaytiradi.

UTTA mashinalarining parametrlari kompyuter yordamida boshqariladi va shaylanadi. Agregat odatda chiqindilarni ajratib oluvchi va changsizlantiruvchi tizim bilan birgalikda ishlataladi.




5–rasm. Rieter firmasining universal titish-tozalash agregati

1. Avtomatik toytitgich Unifloc A-11; 2. Dastlabki tozalash mashinasi Uniclean B-11; 3. Aralashtiruvchi mashina Unimix B-70;
4. Bir barabanli tozalagich Uniflex B-60


Ushbu agregat universal va samarali hisoblanib, turlicha xomashyolarda, har xil assortimentdagi (xalqali, pnevmomexanik va qayta tarash) iplar tayyorlashda qo‘llanilmoqda. Tozalash mashinalari bir barabanli ishchi organlar bilan jihozlangan bo‘lib, dag‘al nuqsonlar maydalanmasdan ajratilishi ko‘zda tutilgan. «Truetzschnler» firmasining titish – tozalash agregati «modul» qurilma hisoblanadi va ishlatish maqsadiga ko‘ra quyidagi turlarga ajratilishi mumkin.

- qisqartirilgan titish-tozalash agregati;
- uzun tolalarni titish-tozalash agregati;
- universal titish-tozalash agregati;
- kimyoviy tolalarni titish-tozalash agregati;
- unumdorligi yuqori titish-tozalash agregati.




6-rasm. Qisqartirilgan titish-tozalash agregati

1. Avto toytitgich Blendomat BO-A;
2. Ko‘p funksiyali tozalagich SP-MF;
3. Aralashtiruvchi mashina MXI-6 va Cleanomat CL-C4 tozalagichi;
4. Aerodinamik tozalagich SP-F.




7-rasm. Uzun tolalarni titish-tozalash agregati

1. Avto toytitgich Blendomat BO-A;
2. Yong‘inning oldini oluvchi metall va boshqa jismlarni ajratuvchi elektron qurilma;
3. Dastlabki tozalagich CL-P;
4. Aralashtiruvchi mashina MX-I va Cleanomat CL-C1 tozalagichi;
5. Aerodinamik tozalagich SP-F.




8–rasm. Universal titish-tozalash agregati

1. Avto toytitgich Blendomat BO-A;
2. Ko‘p funksiyali tozalagich SP-MF;
3. Dastlabki tozalagich CL-P;
4. Aralashtiruvchi mashina MX-I va Cleanomat CL-C3 tozalagichi;
5. Aerodinamik tozalagich SP-F.



9–rasm. Kimyoviy tolalarni titish-tozalash agregati

6. Avto toytitgich VO-U;
7. Aralashtiruvchi mashina MX-R;
8. Tituvchi mashina Tuftomat TO-T 1.



10–rasm. Unumdorligi yuqori titish-tozalash agregati

1. Avto toytitgich Blendomat BO-A;
2. Ko‘p funksiyali tozalagich SP-MF;
3. Taqsimlagich BR-2W;
4. Aralashtiruvchi mashina MX-I va Cleanomat CL-C4 tozalagichi;
5. Aerodinamik tozalagich SP-F.

Ushbu agregatlar quyidagi xususiyatlarga ega:

- Ko‘p funksiyali moslama (detektorlar) o‘rnatilgan og‘ir bo‘lakchalarni va boshqa rangdagi tolalarni hamda metall jismlarni aniqlab ajratish, yong‘inni cheklash va o‘chirish vazifalarini bajaradi;
- Alo‘hida yoki kombinatsiyada ishlatiluvchi to‘rt xildagi tozalagich ko‘zda tutilgan.
 - ikki barabanli tozalagich CL-P;
 - uzun tolali paxta uchun bir barabanli tozalagich Cleanomat CL-C1;
 - uch barabanli universal tozalagich Cleanomat CL-C3;
 - to‘rt barabanli tozalagich Cleanomat CL-C4;
- Uch usulda aralashtirish.
 - yuqori unumdorlikdagi universal aralashtirgich MX-U;
 - turli tozalagichlar bilan agregatlashtirishga moslashtirilgan aralashtirgich MXI;
 - bunker usulda ishlaydigan aralashtirgich MX-R.
- To‘rt variantda ta’minalash usuli mavjud.
- Tozalangan mahsulotni tarash mashinalariga uzlucksiz uzatuvchi Contifeed sistema ishlatiladi.

O‘zbekiston to‘qimachilik korxonalarida yuqorida keltirilgan titish – tozalash agregatlari samarali ishlatilmoqda. Bulardan tashqari «Marzoli» (Italiya), «Balkan» (Turkiya) va «Jingwei» (Xitoy) firmalarining turli tarkibdagi TTAлari ham ishlatilmoqda.

2. Titish jarayoni

Titish jarayonining maqsadi, tolali mahsulotni tozalashga va aralashtirishga tayyorlashdan iboratdir.

Titish jarayonining mohiyati esa, toylangan tolalarni mayda bo‘lakchalarga ajratib, ularning o‘rtacha og‘irligi va zichligini kamaytirish.

Tolalarni titishning zaruriyligi

Tolalarni titishning zaruriyligini quyidagilar belgilaydi:

1. Aralashma komponentlari yaxshi aralashishi uchun kerakli sharoit titish natijasida yaratiladi.

2. Tolali mahsulotni nuqsonlardan tozalash jarayonini amalga oshirishda titish zaruriy shart bo‘lib, mahsulot kichik bo‘lakchalarga ajratilib, nuqson bilan tolali massanining ilashish kuchi kamayadi va buning natijasida nuqsonlar mexanik tarzda ajratib tashlanadi.

3. Tolalarning to‘g‘rulanishi va chigallikkarning tarqalishida mahsulotni ketma-ket titish katta ahamiyatga ega.

4. Tolali mahsulotni maydarоq bo‘lakchalarga ajratishda titish zarur tadbir hisoblanadi.

3. Titishning usullari

Tolali mahsulotlarni mayda bo‘lakchalarga ajratishda quyidagi titish usullari ishlatiladi:


- chimdib titish;
- takroriy zarbiy kuchlar ta’sirida titish;
- kuchli havo oqimi ta’sirida titish;
- kombinatsiyalashgan vositalar ta’sirida titish.

Titish vositalari

Tolali mahsulotni titish igna sirtli, pichoqli va arrasimon ishchi organlarga ega bo‘lgan mashinalarda amalga oshiriladi.

Igna sirtli mashinalarda titish dastlab qo‘lda, so‘ngra kamera ichidagi ignali panjaralar vositasida bajariladi. Avtotitgichlar esa toyning pastki

yoki ustki qismidan qoziqli, pichoqli va arrasimon diskli ishchi organlar vositasida paxta qatlaming kerakli bo‘lakchasiini ajratib olish orqali titishni amalga oshiradi. Paxta tolasining shikastlanmasligi uchun ishchi organlarning shakli, o‘lchami va tezligini to‘g‘ri tanlash katta ahamiyatga ega.



11–rasm. Titish organlari

a) pichoqli, **b)** arra tishli, **c)** shakldor tishli disklar, **d)** ignali panjara.

4. Titish mashinalari va avtotoytitgichlar

Tituvchi va ta’minlovchi mashinalar

Ta’minlovchi mashina komponentlar ulushining bir me’yorda ta’minlanishini nazorat qilish imkoniyatiga ega. Mashinaning texnologik parametrlari kompyuter dasturlari asosida boshqariladi.

Quyidagi ta’minlovchi mashinalar mavjud:

BO-R – qaytim tolalar uchun;

VO-S – kimyoviy tolalar uchun;


VO-U – universal ta’minlash uchun.

Asosiy titish ignali panjara va tituvchi baraban o‘rtasida amalga oshadi. Ta’minlagichlardan o‘tkazilgan paxta bo‘lakchalarining o‘rtacha og‘irligi, ya’ni titish darajasi $m=0,5 \div 1$ grammni, mashinaning unumdorligi esa $A_n=100 \div 120$ kg/soatni tashkil etadi.

Unumdorlikka va bo‘lakchaning o‘rtacha massasiga, kameraning to‘lganlik darajasi, ignali panjara va tekislovchi panjara tezligi va ular o‘rtasidagi razvodka ta’sir etadi. Ignali panjara tezligi oshishi bilan

unumdorlik ortadi. Razvodkaning ortishi bilan unumdorlik ko‘payadi, lekin titilganlik darajasi pasayadi.

Kameraning paxta bilan to‘lishi 2/3 nisbatda bo‘lishi tavsiya etiladi.



12–rasm. Ta’minlagich-arashtirgich

1–chang havoni so‘rish quviri; 2–tituvchi baraban; 3–ajratuvchi baraban;
4–titilgan paxtani keyingi mashinaga uzatish quviri; 5–ignali panjara;
6–uzatuvchi transportyor; 7–perfopanjara; 8, 9–fotoelement;
10–ta’minlovchi transportyor; 11–ignali panjara tagligi.

Avtotoytitgichlar


Avtotoytitgichlarning tuzilishi va ishlashida umumiylik mavjud, «Uniflok», «Blendomat», V12SB avtotitgichlar tituvchi organlari bilan, kompyuter boshqaruv dasturining parametrlari bilan bir-biridan farq qiladi. Ular tolalarga ishlov berish harakati bo‘yicha ham farqlanadi:

- to‘g‘ri chiziq bo‘yicha ilgarilama – qaytma harakat qiluvchi (A-11, B12SB);
- to‘g‘ri va qiya chiziq bo‘yicha ilgarilama – qaytma harakat qiluvchi (BO-A);
- aylana bo‘ylab «karusel» tarzida harakat qiluvchi.

Ularning unumdorligi 600–1200 kg/soatgacha, titilgan paxta bo‘lakchasing o‘rtacha og‘irligi 20-50 mg ni tashkil etadi.

Avtotoytitgichlar minora, toy titgich, karetka, pnevmosistema, ustunlar va boshqaruv qismlaridan tashkil topgan. Minorada toytitgichning ko‘tarilish, pasayish, burilish, harakat uzatmasi va tola so‘ruvchi-uzatuvchi

potrubkalar joylashgan. Stavkadagi toylar ustida pichoqli baraban ilgarilama-qaytma harakatlanib, har safar stavka chetiga yetgach, belgilangan masofa 4–8 mm ga pasayadi. Stavkadagi toylar kamida 36 ta, ko‘pi bilan 180 tagacha bo‘lishi mumkin. Birinchi tomondagi toylar ishlatalilib bo‘lingach, operator minorani vertikal o‘q bo‘ylab 180^0 ga buradi va ikkinchi tomondagi toylarni titish boshlanadi.



13–rasm. Avtotoytitgichlarning umumiy ko‘rinishi

Kamchiligi: ustidan tituvchi barabanlar paxta bo‘lakchalarini pastki qismgacha to‘la tita olmaydi, chunki toyning quyi qismi 10–15 sm qalinligidagi bo‘lagi so‘ruvchi havo ta’sirida tituvchi valiklarga yopishib titish jarayoni buziladi. Shuning uchun qolgan bo‘lakchalar keyingi stavka toylari orasiga joylashtirib titiladi.

5. Titish jarayonining jadalligi va samaradorligi

Titilganlik darajasi deganda bitta paxta bo‘lakchasiga yoki bitta tolaga ta’sir etuvchi kuchni tushuniladi.

Tolali mahsulotlarning titilganlik darajasini aniqlashda to‘rtta usul qo‘llaniladi:

1. Paxta bo‘lakchalarining o‘rtacha massasini aniqlash;
2. Titilgan tolalar zichligining o‘zgarishini yuk ta’sirida aniqlash;
3. Paxta bo‘lakchalari harakati tezligini yo‘naltirilgan havoda aniqlash;
4. Paxta bo‘lakchalarining ma’lum masofadan erkin tushishi tezligini aniqlash.

Mahsulotning uzunlik yoki massa birligiga to‘g‘ri keladigan zarblar soni titish jadalligini bildiradi. Titish jadalligiga quyidagi omillar ta’sir ko‘rsatadi:

- 1.Titish organlarining turi, garnituralari va o‘lchamlari;
- 2.Ishchi organlar orasidagi razvodka;
- 3.Ta’minlash va titish organlarining harakat tezligi;
- 4.Bunkerlarning (kameralarning) to‘lalik sathi.

Shuni ta’kidlash kerakki, titish samaradorligi mazkur jarayonning jadalligi bilan uzviy mutanosiblikdadir. Jadallik oshgan sari titish samaradorligi ham oshadi, lekin tolalar shikastlanishini ham inobatga olish kerak.

6. Aralashtirish jarayoni

Tayyorlanayotgan mahsulot sifatini oshirishga bo‘lgan zarurat yigirilayotgan ipning ravon, toza, pishiq va elastik bo‘lishini taqozo etmoqda.

Yigirilgan ipning sifatli bo‘lishi, texnologik jarayonlarning barqarorligi faqatgina tolalar aralashmasi tarkibiga bog‘liq bo‘lmay, balki komponentlarni aralashtirish jarayonini oqilona tashkil etishga ham ko‘p jihatdan bog‘liqdir.

Aralashtirish jarayonining maqsadi – tarkibi bir tekis bo‘lgan rovon xomaki mahsulotlar olish, yigirilgan ipning har qanday kesimida asosiy xossalari bir xillagini, belgilangan tannarx va sifat ko‘rsatkichlarini ta’minlashdan iboratdir.

Aralashtirish jarayonining mohiyati – turlicha xossalarga ega bo‘lgan har bir komponent tolalarining dastlab o‘z ichida keyin o‘zaro aralashma tarkibida bir tekisda taqsimlashdan iboratdir.

7. Aralashtirish usullari

Yigirishda tolalarni tasodifiy va uyushgan aralashtirish usullari ishlatiladi.

Tasodifiy usulda aralashtirilayotgan komponentlar bo‘lakchalari aralashmaning turli uchastkalarida tartibsiz va tasodifiy holatda taqsimlangan bo‘ladi.

Masalan: ta’minlovchi-ralashtiruvchi (BO-S) kameralarida, perfobaraban sirtida, tarash mashinasining ajratuvchi barabanida tasodifiy usulni ko‘rish mumkin. Bu usulda aralashma tarkibining doimiyligi ehtimollik tushunchasiga asoslangan bo‘ladi.

Uyushgan usulda aralashtirish natijasida hosil bo‘lgan qatlam ko‘ndalang kesimidagi tolalar soni alohida komponentlar ko‘ndalang

kesimidagi tolalar sonining yig‘indisiga teng bo‘ladi. Bu usulda bir tekis aralashtirish oldindan belgilangan retseptga mos tushadi. Shuning uchun bu usul tuzilishi turlicha bo‘lgan tolalarni aralashtirishda ko‘p ishlatiladi. Uyushgan usulda aralashtirish mahsulotlarni uzunasiga qo‘shish orqali ikki holatda amalga oshiriladi:

1. Bir turdagи mashinalardan olingan, xossalari turlicha bo‘lgan xomaki mahsulot yoki tolalar oqimini qo‘shish;
2. Xossalari bir xil bo‘lgan tolalar yoki bo‘lakchalar oqimini davriy qo‘shish.

Birinchi holat aralashtiruvchi panjaralarda tolali bo‘lakchalar oqimini qo‘shishda, pilta birlashtiruvchi mashina va qayta tarash mashinalarida piltalarni qo‘shishda hamda piliklash va yigirish mashinalarida piliklarni qo‘shishda ishlatiladi.

Ikkinci holat uzluksiz aralashtiruvchi mashinalar kameralarida go‘rizontal qatlamlar hosil qilishda yoki vertikal qatlamlardan panjaralar yordamida tolalarni aralashtirishda, tarash apparatlarida taramlardan qatlam hosil qilishda, pnevmomexanik yigirish mashinalarining kamera ichki sirtida tolalarni qo‘shishda qo‘llaniladi.

Qatlamlar yordamida, mashina kameralarida va piltalarni qo‘shib aralashtirish usullari samarali hisoblanadi.

Qatlamlar yordamida aralashtirish

Alovida komponentlardan qatlam hosil qilinib, ular ustma-ust joylashtiriladi, so‘ngra mahsulot yo‘nalishi bo‘yicha perpendikulyar holatda porsiyalarga ajratilib aralashtiriladi. Aralashtirish samarali bo‘lishi uchun alovida qatlamlar bir xil miqdorda yupqa va uzunlik bo‘yicha bir tekis bo‘lishi kerak. Qancha ko‘p qatlam hosil qilinsa, shuncha yaxshi aralashma olinadi. Qatlamlar yordamida aralashma ikki va undan ortiq komponentlar ishlatilganda qo‘llaniladi. Aralashtiruvchi mashinalarning shaxtalaridan tushayotgan va titilayotgan paxta bo‘lakchalarini aralashtiruvchi panjaralarda ustma-ust qatlamlar hosil qilib aralashishi yoki avtomatik toytigichlarning paxta bo‘lakchalarini titib aralashtirishi ham bunga misol bo‘la oladi.

Mashina kameralarida aralashtirish

Mashina kameralariga paxta bo‘lakchalari mexanik yoki avtomatik tarzda to‘xtovsiz uzatib turiladi. Aralashtiruvchi ta’minlagichlarda va uzluksiz aralashtiruvchi mashina kameralarida aralashtirish amalga oshiriladi. Paxta bo‘lakchalari qancha mayda bo‘lsa, aralashtirish shuncha yaxshi bo‘ladi.


Kamchiligi. Mashinanining ignali ishchi organlarida aralashuvchi tolalar ilashuvchanligi turlicha bo‘lganligi uchun tolalar saralanib ajralish hodisasi sodir bo‘ladi.

Piltalarni qo‘shib aralashtirish

Piltalarni qo‘shib aralashtirish piltalash va pilta birlashtiruvchi mashinalarda amalga oshiriladi. Olingan xomaki mahsulot tarkibida komponentlarning taqsimlanishi bir xil va doimiy bo‘ladi, lekin aralashtirilayotgan piltalar cho‘zishdan so‘ng alohida-alohida bo‘lib ajralib turadi. Bu kamchilikni bartaraf etish uchun qo‘shish va cho‘zish jarayoni takrorlanadi.

8. Igna sirtli aralashtirgichlar

Tolali mahsulotlarni aralashtirishda asosan igna sirtli ishchi organlarga ega bo‘lgan mashinalardan (ta’minlagich, uzluksiz aralashtiruvchi) foydalanilgan. Aralashtirish jarayoni mashina kameralarida amalga oshiriladi.



14–rasm. Igna sirtli aralashtirgich

1–Komponentlar; 2–Transportyor; 3–Igna sirtli panjara; 4–Tituvchi valik; 5–Tozalovchi valik; 6–Ajratuvchi valik; 7–Aralashgan komponentlar.

Bu mashinalarni ishlatish qo‘l mehnatiga asoslangan. Ularda paxta bo‘lakchalari ko‘p qatlamlari to‘sama hosil qilish orqali aralashtiriladi. Vertikal ignali panjara to‘shamadan tikkasiga paxta bo‘lakchalarini «qirqib» olib, keyingi bosqich mashinalariga uzatadi. Agar saralanmada kimyoviy tolalar ishlatilsa, tituvchi valik o‘rniga tituvchi taroq o‘rnataladi.

Igna sirtli aralashtiruvchi uskunalarining ishlash prinsipi tituvchi ta'minlovchi mashinalarga o'xshab ketadi. Igna sirtli aralashtiruvchi mashinalarning asosiy kamchiligi komponentlarning saralanib ajralishi bilan bog'liq. Ushbu turdag'i mashinalar hozirgi vaqtida asosan qaytimlarni aralashtirish uchun ishlatilmoqda.


9. Oqim usulida aralashtirish mashinalari

Komponentlarning saralanib ajralish hodisasini kamaytirish, qo'l mehnatini mexanizatsiyalashtirish va to'liq aralashma hosil qilish maqsadida kamerali aralashtirish mashinalari ishlatilib kelingan. Ularga dozatorli aralashtiruvchi mashina, oqim holatida aralashtiruvchi mashinalar misol bo'la oladi.



15-rasm. Oqim usulida aralashtiruvchi mashina

1—transportyor; 2—ta'minlagichlar; 3—fotoelementlar; 4—qatlamlı aralashma; 5—uzatuvchi valik; 6—chiqaruvchi diffuzor.



16-rasm. MSP-8 rusumli aralashtirish mashinasining texnologik sxemasi

1—aralashtiruvchi kamera; 2,7—foto datchik; 3,6—tola uzatiladigan patrubkalar; 4—tola oqimini to'suvchi va ochuvchi klapan; 5—havo chiqaruvchi patrubka; 8—uzatuvchi silindrlar; 9—lopastli barabanlar; 10—taglik; 11—tituvchi baraban.

Mashinaning ish unumi – 600 kg/soat, kamera sig‘imi – 47 m³ yoki 2300 kg.

Rieter firmasining Unimix V-70 aralashtirish mashinasi




17–rasm. Unimix V-70 aralashtirish mashinasi

Mashinada tolali mahsulot havo yordamida va mexanik tarzda zichlanganligi tufayli kamera sig‘imi yuqori, tuzilishi jihatidan ixcham, olti qatlamlili to‘shamada komponentlar samarali aralashtiriladi, tolalarni taqsimlashda mexanik harakatlanuvchi qismlar qo‘llanilmagan, ishlataligan havo hajmi kam, energiya sarfi tejalgan, unumdoorligi 600 kg/soat, kamera sig‘imi – 250 kg.

10. Ko‘p funksiyali aralashtirgichlar


Trutschler firmasining MM-4, MM-6 mashinalarida komponentlar alohida shaxtalarga joylashtirilib, ta’minlovchi organlar yordamida uzatilib aralashtiriladi.



18–rasm. To‘rt a) va olti b) kamerali aralashtirgichlar

Tuzilishiga ko‘ra bu mashinalar ta’minlovchi uzatuvchi organlari, komponentlarni joylashtirishi va kompyuter tizimi dasturlari bo‘yicha bir – biridan farq qiladi.

Ko‘p funksiyali aralashtirish mashinalaridan MX-U (Trutschler), Unimix V-71 (Rieter) va V 143 (Marzoli) dunyo to‘qimachilik korxonalarida samarali ishlatalmoqda. Ko‘p kamerali aralashtirgichlarning tuzilishi va ishlashi bir-biriga o‘xshash.



19–rasm. Kameralarda va mahsulotda komponenetlarning taqsimlanishi

11. Aralashtirish jarayonining jadalligi va samaradorligi

Komponentlarni dastlab alohida, so‘ngra aralashma tarkibida bir tekisda taqsimlanish takroriyligi aralashtirish jarayonining jadalligini bildiradi. Aralashtirish jarayonining samaradorligi aralashtirish jadalligiga bevosita bog‘liq. Aralashtirish jadalligini oshirish orqali yuqori samaradorlikka erishish mumkin. Ko‘p karrali aralashtirish mashinalarining joriy qilinishi aralashtirish jarayonining samaradorligi yuqori bo‘lishini ta’minlamoqda.

Aralashtirish jarayoni samaradorligini baholashda quyidagi ko‘rsatkich-lardan foydalilanadi:

1. Aralashtirish notekisligi. Buning uchun o‘rtacha kvadratik og‘ish aniqlanadi.

$$\sigma_i = \sqrt{\frac{\sum (P_i - \bar{P})^2}{n}}.$$

Komponentlar kvadratik notekisliklari hisoblanadi.

$$C_i^2 = \frac{\sigma_i \cdot 100}{\bar{P}}, \% \quad i \text{ komponenti uchun.}$$

$$C^2 = \frac{C_1^2 + C_2^2 + \dots + C_k^2}{\kappa} \text{ butun aralashma uchun.}$$

Bu yerda $C_1^2, C_2^2, \dots, C_i^2, \dots, C_k^2$ – $i = 1, 2, \dots, k$ komponentlar kvadratik notekisliklari.

2. Aralashtirish darajasi yoki aralashtirish to‘laligi.

Amaldagi komponent ulushining retseptdagidan farqi

1-komponent uchun

$$\Delta_1 = \frac{|W_1 - P_1|}{P_1} \cdot 100\%;$$

2-komponent uchun

$$\Delta_2 = \frac{|W_2 - P_2|}{P_2} \cdot 100\%;$$

k -komponent uchun aralashtirish to‘laligi

$$\Delta_\kappa = \frac{|W_\kappa - P_\kappa|}{P_\kappa} \cdot 100\%;$$

yoki

$$S = 100 - \frac{1}{\kappa} \sum \frac{|W_i - P_i|}{P_i} \cdot 100\%,$$

R_i – i komponentning retseptdagi ulushi

W_i – i komponentning amaldagi ulushi

S – aralashtirish to‘laligi

12. Tozalash jarayoni

Titilgan va aralashtirilgan tolali mahsulot tozalash jarayonidan o‘tkaziladi. Tozalash ikki bosqichdan iborat:

- tolalar va nuqsonlar orasidagi bog‘lamni buzish;
- nuqsonlarni tolalardan ajratish.

Paxta tolasini tozalash paytida titish ham sodir bo‘ladi. Natijada mahsulot maydarloq bo‘lakchalarga bo‘linadi va nuqsonlar ochilib qolganligi tufayli ular to‘laroq ajratiladi.

Titish va tozalash jarayonlari ko‘pincha bir vaqtida sodir bo‘layotganday kuzatilsa-da, ular alohida-alohida jarayonlar sifatida amalga oshadi. Bo‘lakcha oldin titiladi so‘ngra tozalanadi. Oldin tozalanib keyin titilmaydi. Aynan shuning uchun ham titish va tozalashni ajratib alohida o‘rganish tavsiya etiladi.

Tozalash jarayonining maqsadi – tolali aralashma tarkibidan yumshoq va qattiq nuqsonlarni ajratib, tolalarni tarashga tayyorlashdan iboratdir.

Tozalash jarayonining mohiyati – tola bo‘lakchalarini zarbiy ta’sirlar natijasida yanada mayda bo‘lakchalarga ajratib, nuqson bilan tolaning ilashish kuchini kamaytirish orqali nuqsonlarning oson ajralishini ta’minlashdan iboratdir.

13. Tozalash usullari

Tolali aralashmalarni tozalashda mexanik, aerodinamik va elektropnevmmomexanik usullar samarali ishlatilmoqda.


Mexanik tozalash usulida erkin va qisilgan holatda harakatlanayotgan titilgan tolalar ishchi organlarning zarbiy ta’sirida yanada maydaroq bo‘lakchalarga ajratilib tozalanadi.

Aerodinamik tozalash usulida tolalarning havo oqimi yo‘nalishidagi harakat trayektoriyasini keskin o‘zgartirish orqali ular tarkibidagi nuqsonlarning inersiya kuchlari ta’sirida ajralishi amalgalashadi.

Elektropnevmmomexanik tozalash usulida harakatdagi tola bo‘lakchalari ko‘ndalang kesimlarida elektr zaryadlarining ta’siri natijasida nuqsonlarning ajralishi sodir bo‘ladi.

14. Tozalash organlari va moslamalari


Yigirish korxonalarida dastlabki tozalash, asosiy tozalash, va aerodinamik tozalash mashinalari ishlatilmoqda. Ushbu mashinalar chimidib tozalash, zarbiy tozalash va aerodinamik tozalash organlari yoki moslamalari bilan jihozlangan.



20-rasm. Tozalash organlari

Zarbiy tozalash pichoqlar, qoziqlar, xivichlar va arra tishli disklar bilan jihozlangan bir barabanli, ikki barabanli va olti barabanli tozalagichlarda amalga oshiriladi.

Zarbiy tozalash mashinalarining ishchi organlari disklardan iborat bo‘lib, ularga pichoqlar mahkamlanadi. Pichoqlarning profili to‘g‘ri to‘rburchakli, shakldor hamda bir yoki ikki tamonlama o‘yiqli bo‘lishi mumkin. Bunday ishchi organlar pichoqli baraban deb ataladi, ular gorizontal titgich, qiya tozalagich kabi mashinalarda o‘rnataladi.




21–rasm. Gorizontal ta’minlovchi tozalagich

Tozalashda qatlamning bir me'yorda uzatilishi muhim ahamiyatga ega. Tolali qatlam gorizontal, vertikal va qiya holatda ta’minlovchi juftlar tomonidan tozalash organiga uzatiladi. Tozalash mashinalarida bunkerli ta’minalash usuli ham qo‘llanilmoqda.

Pichoqli, qoziqli, shtiftli, egilgan tishli barabanlar bilan jihozlangan tozalagichlar mahsulotni erkin holatda tozalashda ko‘proq qo‘llaniladi. Ular bir-biridan barabanlar soni, mahsulot yo‘nalishi hamda barabanlarning qiya, gorizontal, vertikal o‘rnatalishi bilan farqlanadi.

Tolali mahsulotni yirik iflosliklardan erkin holatda tozalashda baraban ostiga ajratuvchi pichoqlar, har xil shakldagi kolosniklar, perfosirtlar o‘rnataladi.

Kolosniklar uch qirrali, egilgan va to‘g‘ri plastinkali tuzilishlarga ega. Uch qirrali kolosniklardan ko‘p holatlarda yaxlit panjaralar tashkil etiladi va bu holatda alohida kolosniklarni o‘z o‘qiga nisbatan burish orqali kolosniklar va ishchi organlar o‘rtasidagi razvodka o‘zgartirilib kerakli tozalash samaradorligiga erishiladi.





22–rasm. Kolosniklar a) va ularning o‘rnatalishi b)

Kolosnikli panjaralarni ishlatalishning quyidagi kamchiliklari mavjud:

- Yigirishga yaroqli tolalar nuqsonlar bilan birgalikda chiqindilar kamerasiga o‘tib ketadi.
- Chiqindilar kamerasidagi yengil nuqsonlar havo oqimining ta’sirida kolosniklar orasidan surilib tolali aralashmaga qaytadan qo‘shilishi sodir bo‘ladi.

Ushbu kamchiliklarni bartaraf etish maqsadida tozalash mashinalarida quyida keltirilgan moslamalar ishlatalmoqda.



23-rasm. Tozalash moslamalari

1—yo‘naltiruvchi parrak; 2—uruvchi pichoq; 3—so‘ruvchi qurilma;
φ—rostlash burchagi

15. Tozalash mashinalarining turlari

Yigirish korxonalarida qo‘llanilayotgan tozalash mashinalarini shartli ravishda uch turga ajratish mumkin: Dastlabki, asosiy va aerodinamik tozalash mashinalari. Titib – tozalash agregatlarida tozalash mashinalarining yuqoridagi tartibda ishlatalishi tolalarning shikastlanishi kamayishiga va mahsulot sifati oshishiga xizmat qilmoqda.


Dastlabki tozalash mashinalariga qiya tozalash mashinalari, bir va ikki barabanli tozalash mashinalari misol bo‘la oladi. Ushbu mashinalarda qoziqli, pichoqli, shtiftli garnituralar ishlataladi. Tolali mahsulotni tozalash asosan erkin holatda amalga oshiriladi.

To‘qimachilik korxonalarida Uniclean B11 (Rieter), MAXI-FLO, CL-P, SP-MF (Trutzschler) dastlabki tozalash mashinalari samarali ishlatalmoqda.

Uniclean B11 bir barabanli tozalash mashinasi

Tola gorizontal yo‘nalishda ta’minlanib, tozalash masofasi ikki-uch o‘ramli vintsimon trayektoriyada harakatlanishi uchun uzaytirilganligi natijasida samarali tozalanadi. Qoziqli barabanning takroriy zarbiy ta’sirlari ostida tolalar titilib tozalanadi. Tolaning ta’minlanishi va chiqishi

barabanga nisbatan o‘q bo‘ylab yoki ko‘ndalang yo‘nalgan bo‘lishi mumkin.




24–rasm. Bir barabanli qoziqli tozalagich

a) – kolosniklarning o‘rnatilishi; b) – tolaning harakat trayektoriyasi

Barabanlar sirtidagi qoziqlarning zichligi har xil bo‘ladi. Tolalarning ifloslik darajasiga qarab qoziqlar siyrak yoki zich holatda o‘rnatiladi.

Asosiy tozalash mashinalari

Asosiy tozalash mashinalarida qisilgan yoki erkin holatda harakatlanayotgan tolalar takroriy zarbiy kuchlar ta’sirida jadal titilib samarali tozalanadi. Asosiy tozalash mashinalari bir, ikki, uch va to‘rt barabanli bo‘lib, ular ignali va arra tishli garnituralar bilan jihozlangan. Tola shikastlanmasligi uchun barabanlar tezligi 15 % oshirilib, dastlab yirik va siyrak ignalar so‘ngra o‘rtacha zichlikdagi va oxirida esa mayda zich arra tishli garnituralar qo‘llaniladi. Titilish darajasi bu mashinalarda 0,1 mg ni tashkil qiladi.




25–rasm. Tozalash organlarining garnituralari

Asosiy tozalash mashinalarida tolalarning bir ishchi organdan ikkinchisiga shikastlanmasdan o'tishini ta'minlash maqsadida garnituralarning qiyalik burchagi birinchisidan oxirgisiga qarab kamaytirilgan.

Asosiy tozalagichlarning ishlashi chimdib titishga, ya'ni ishchi organlarida qisilgan (ushlab turilgan) tola tutamiga ignali yoki arra tishli sirt bilan ta'sir ko'rsatishga asoslangan.

Asosiy tozalash mashinalariga UNIflex B60 (Rieter), CL-C 1, CL-C 3, CL-C 4 Sleanomat sistemasi (Trutzschler), V 37, V 38 (Marzoli) modellari misol bo'la oladi.



26–rasm. CL-C3 uch barabanli tozalagich

Mazkur tozalagichda ignali, arratishli organlar birga qo'llanilgan bo'lib, tozalash tizimi qisqaligi bilan ajralib turadi. Ushbu mashina kalta va o'rta tolali paxtani tozalashda samarali ishlatilmoqda. CLEANOMAT sistemasidagi tozalagichlarni mahsulot bilan ta'minlashda ta'minlovchi aralashtiruvchi, bunkerli qurilma, tituvchi tozalovchi va aralashtiruvchi mashinalar ishlatilishi mumkin. Tozalagichda texnologik jarayon quyidagicha amalga oshadi.

Transportyor ustiga to'shalgan tola bo'lakchalaridan bir tekis qalinlikka ega bo'lgan qatlam bosuvchi valik yordamida hosil qilinadi. Zichlangan tolali qatlam bosuvchi valik va ta'minlovchi silindrlar yordamida birinchi qabul barabaniga uzatiladi. Uning sirti ignali bo'lib, unda dastlabki tozalash amalga oshadi. Uning sirtidan tolalar soat strelkasi bo'yicha aylanuvchi ikkinchi tozalovchi qabul barabaniga o'tadi. Bu barabanning sirti arra tishli garnitura bilan qoplangan. Uchinchi barabandan chiqayotgan tola bo'lakchalari 80% gacha alohida tolalarga ajratilganligi tufayli havo oqimi yordamida osongina garnitura tishlaridan ajratib olinadi. Birinchi va uchinchi baraban ostiga, ikkinchi barabanning ustiga uruvchi pichoq, yo'naltiruvchi parrak va so'ruvchi qurilmadan iborat tozalovchi moslama o'rnatilgan. Ushbu moslama titilgan va


maydalangan tola bo‘lakchalaridan nuqsonlarning ajralishiga xizmat qiladi.

Aerodinamik tozalagichlar

Aerodinamik tozalagichlarning vazifasi tolada qolgan chang va kalta tolalardan tozalashdan iborat. Aerodinamik tozalagichlarning ishlash prinsipi ikki xil bo‘lib, ularning birinchisi metall parchalari va boshqa og‘ir jismlarning inersiya kuchi tola inersiyasidan farqlanishiga, ikkinchisi esa perfosirtlarning ikki tomonida havo bosimining farqlanishiga asoslangan. Aerodinamik tozalagichlar bunkerli yoki quvurli ko‘rinishda bo‘lishi mumkin.

Dunyo mamlakatlarining to‘qimachilik korxonalarida Sekuromat, Seporamat, Dustex, LT, LTB va ASTA, SP-MF, SP-F kabi aerodinamik tozalagichlar paxta tolasini tozalashda samarali ishlatilmogda.

Aerodinamik tozalagichlar bir – biridan konstruksiyasi va ishlashi bilan farq qiladi. «Trutzschler» firmasining DUSTEX DX tozalagichida texnologik jarayon quyidagicha amalga oshiriladi.



27-rasm. DUSTEX DX changesizlantiruvchi mashina

1–potrubka; 2–pnevmmoo‘tkazgich; 3–yo‘naltirgich; 4–perfosirt;
5–kamera tubi; 6–to‘rli teshik; 7–ventilyator; 8–pnevmmoo‘tkazgich;
9–chang kamerasi; 10–chiqindi kamerasi; 11–potrubka.

Tolali bo‘lakchalar so‘rvuchi ventilyator 1 yordamida pnevmoo‘tkazgich 2 dan o‘tib, tolalarni bir me’yorda tarqatib beruvchi moslama – zaslonka 3 orqali to‘rli sirt 4 ga urilib, tezligini yo‘qotib pastga tusha boshlaydi. Bunkerning quyi qismi 5 da joylashgan to‘rli teshik 6 dan havoni so‘rib oluvchi ventilyator 7 tolalarni pnevmoo‘tkazgich 8 ga uzatadi. Ajralgan chang va kalta tolalar perfosirt 4 teshiklaridan o‘tib

chang kamerasi 9 ga, kalta tolalar esa kamera 10 ga tushib, pnevmoo‘tkazgich 11 da haydovchi ventilyator yordamida filtr kamerasiga yuboriladi. Changsizlantirilgan tolalar ventilyator 7 orqali keyingi mashinaga uzatiladi.

Mashinaning ishlashi kompyuter yordamida boshqariladi.

16. Tozalash jarayonining jadalligi va samaradorligi

Tozalash jarayonining jadalligi deb mahsulotdagi begona jismlar va nuqsonlar ulushining vaqt birligi ichida tashqi ta’sirlar ostida kamayishiga aytildi.

Tolali mahsulotdan ajratilgan iflosliklarning foizlardagi miqdoriga tozalash samaradorligi deyiladi, unga baraban tezligi, pichoqlar bilan baraban va kolosniklar orasidagi razvodka kattaligi ta’sir ko’rsatadi. Baraban tezligining oshishi bilan tola bo‘lakchalariga ko’rsatiladigan zarb ta’siri ko‘payadi va tola bilan nuqsonlarni bog‘lab turuvchi kuchni yengish osonlashadi.

Pichoqlar va kolosniklar orasidagi razvodkaning kamayishi bilan bo‘lakchalarining maydaroq bo‘lishini ta’minlashga erishiladi. Natijada nuqsonlar ajralishi yengillashib tozalash samaradorligi ham ortadi. Kolosniklar orasidagi razvodka kattalashsa ham tozalash samaradorligi ortadi, chunki kattaroq tirqishdan iflosliklar va nuqsonlarning o’tishi yengillashadi.

Kolosniklar orasidagi razvodka tolalar turiga, ifloslik darajasiga qarab yopiq, yarim ochiq va to‘la ochiq holatda o‘rnataladi. Yopiq holat kimyoviy tolalar va toza tolalar uchun qo‘llanilsa, yarim ochiq va to‘la ochiq holatlar paxta tolasining ifloslik darajasiga qarab qo‘llaniladi.

Bitta mashina uchun tolali mahsulotni tozalash samaradorligi quyidagi formula bilan aniqlanadi.

$$R = \frac{S_{ch}}{S_t \cdot 100\%} .$$

S_{ch} – 1 tonna aralashmaga ishlov berilganda ajralgan chiqindilar tarkibida mavjud qattiq iflosliklar va xas cho‘plar, kg.

S_t – 1 tonna aralashma tarkibidagi qattiq iflosliklar va xas-cho‘plar, kg.

Titish-tozalash agregati uchun tolali mahsulotni tozalash samaradorligi quyidagi formula bilan aniqlanadi.

$$R_{aer} = \frac{(S_{ch1} + S_{ch2} + \dots + S_{ch,n})}{S_t \cdot 100\%} .$$

S_{ch1} , S_{ch2} , ... S_{chn} – alohida mashinalarning chiqindilari tarkibidagi qattiq ifloslik va xas-cho‘plar, (kg) (1tonna aralashmaga ishlov berilganda).

Nazorat savollari

1. TTAlar qanday vazifani bajaradi?
2. UTTA qanday mashinalardan tarkib topgan?
3. «Rieter» firmasi qanday TTAni tavsiya etadi?
4. «Trutzschler» firmasining modul qurilmali TTA lari qanday turlarga ajratiladi?
5. Titish jarayonining maqsadi va mohiyati nimalardan iborat?
6. Tolali mahsulotlarni titishda qanday usullar va vositalar ishlatiladi?
7. Avtotitkichlar bir-biridan qanday farqlanadi?
8. Titilganlik darajasi nimani bildiradi?
9. Aralashtirish jarayonining maqsadi va mohiyati nimalardan iborat?
10. Aralashtirish usullarining afzallik va kamchiliklari nimalardan iborat?
11. Igna sirtli aralashtiruvchi mashinalarning vazifasi nimalardan iborat?
12. Saralanib ajralish hodisasini kamaytirishning qanday choralari mavjud?
13. MSP-8 mashinada texnologik jarayon qanday amalga oshiriladi?
14. Unimix B-71 va MM-6 mashinaning asosiy vazifasi nimalardan iborat?
15. Ko‘p funksiyali aralashtirgichlarning ishlashi va tuzilishida qanday afzalliklar mavjud?
16. Tozalash jarayonining maqsadi va mohiyati nimadan iborat?
17. Tozalashning qanday usullari qo‘llaniladi?
18. Qanday tozalash organlari va moslamalari ishlatiladi?
19. Asosiy tozalash mashinalarida qanday garnituralar ishlatiladi?
20. Qanday aerodinamik tozalash mashinalari va qurilmalari ishlatiladi?
21. Titish, aralashtirish va tozalash jarayonlarining jadalligi va samaradorligini izohlang.

4—BOB. TOLALI CHIQINDILAR. CHANGLI HAVONI TOZALASH

1. Tolali chiqindilarning turlari

Tolali chiqindilar paydo bo‘lishiga qarab ishlab chiqarish va po‘zg‘or chiqindilari, tola turiga qarab paxta, jun, ipak, kanop, kimyoviy tola chiqindilari, qayta ishlash texnologiyasiga qarab paxta tozalash, to‘qimachilik, trikotaj, tikuvchilik sanoati chiqindilariga bo‘linadi. Ular har bir sanoatda kelib chiqishi va xossalariiga qarab turli sinflarga va turlarga bo‘linadi.

Paxta tolasidan ip ishlab chiqarishda yigirish korxonasining o‘timlarida qaytimlar va chiqindilar ajraladi. Ularning miqdori yigirish sistemasiga, ipning chiziqiy zichligiga hamda texnologik tizim tarkibiga kirgan mashina turlariga qarab har xil bo‘ladi.

Qaytimlar deganda tarash, qayta tarash va piltalash mashinalarining piltauzuqlari, piliklash va yigirish mashinalarining pilikuzuqlari hamda yigirish mashinasidan chiqadigan michka va xalqachalar (momiq o‘ramchalari) tushuniladi. Qaytimlarning miqdori odatda 1,5 dan 3,5 % gacha bo‘ladi.

Paxta tolsi tozalanganda xas-cho‘plar, har xil iflosliklar, momiqlar, ya’ni chiqindilar ajraladi. Yigirish jarayonlarida ajralgan chiqindilar ikki turga bo‘linadi:

- qayta ishlatiladigan chiqindilar, ular ko‘rinadigan chiqindilar deyiladi;
- qayta ishlatilmaydigan yoki ko‘rinmaydigan chiqindilar. Bularغا chang, yo‘qotilgan namlik va juda kalta momiqlar kiradi.

Ko‘rinadigan chiqindilar ikkiga bo‘linadi: Yigirishga yaroqli va yigirishga yaroqsiz chiqindilar.

Yigirishga yaroqli chiqindilarga tugunaklar, tarandilar va korxona sexlarining supurindi tolalari kiradi.

Yigirishga yaroqsiz chiqindilarga uzunligi 14–15 mm dan kam bo‘lgan kalta tolalar, valiklarga o‘ralgan va filtrlardan olingan momiqlar kiradi.

2. Tolali chiqindilarni ajratish, yig‘ish va qayta ishlash

TTA va tarash mashinalarining kameralarida xas-cho‘plar va chiqindilar yig‘iladi. Bular ikki usulda tozalanib, chiqindilar bo‘limiga yuboriladi.

Mexanik usul – mashina to‘xtatilib qo‘l yordamida kamera tolali chiqindilardan tozalanadi, ular aravachalarda chiqindilar bo‘limiga olib borilib topshiriladi.


Markazlashtirilgan usul – alohida mashinalarning chiqindilar kamerasi pnevmotrubalar yordamida bir tizimga biriktirilgan bo‘ladi. Chiqindilar kamerasi klapanlari vaqt – vaqt bilan ishga tushirilib, undagi chiqindilar havo yordamida so‘rib olinib chiqindilar bo‘limiga yuboriladi.

Yigirish korxonalarida tolali chiqindilarni qayta ishlovchi texnologik tizimlar o‘rnatilgan bo‘lib uning tarkibiga qadoqlovchi yoki briketlovchi mashinalar kiritiladi. Qayta ishlangan tolali chiqindilar korxonaning o‘zida aralashmaga qo‘shib ishlatalishi yoki ikkilamchi xomashyo sifatida boshqa korxonalarga sotilishi mumkin.

3. Changli havoni tozalash usullari

TTA laridan ajralgan changli havoni tozalash maqsadida avvallari katta hajmli chang yerto‘lasi va minoralar qurilgan. Yerto‘laga to‘plangan changli havo tarkibidagi chang va momiqlar havodan og‘ir bo‘lganligi sababli pastga cho‘kkan, tozalangan havo esa minora orqali atmosferaga chiqarilgan.

Bu usulning quyidagi kamchiliklari mavjud: katta maydonni egallaydi, sexda harorat va namlik bir me'yorda bo‘lmaydi, yerto‘lani tozalash inson salomatligi va ekologiya uchun xavfli.




a – chang erto‘lasi



b – bir barabanli filtr

28-rasm. Changli havoni tozalash

1–ventilyator; 2–chang erto‘lasi; 3–havo kanali; 4–to‘rli baraban;
5–ajratuvchi valik.



29-rasm. Yengli filtr

1—yenglar; 2,3—englар mahkamlangan qutilar; 4—chang
to‘planadigan qop

Yigirish texnologiyasi tarraqqiyotining navbatdagi bosqichida changli havoni tozalash uchun filtrlardan foydalanildi. Dastlab yengli filtrlar, so‘ngra barabanli filtrlar yordamida changli havoni tozalash bir bosqichda amalga oshirildi. Keyinchalik ular kombinatsiyalashtirilib, ikki bosqichli tozalash usullari ishlatila boshlandi. Masalan, FT-2 filtri.

Filtrlar alohida xonaga quriladi, havoni sexga chiqarishdan oldin namlash ventilyatsiya kameralaridan o‘tkaziladi. Bu esa titish – tozalash sexining gigiyenik sharoitlarini yaxshilaydi. Tezyurar kondensorlar va to‘rli barabnlardan changli havo ajraladi. Bitta ventilyator bir soatda 2,5–3,0 ming metr kub dan 5,0 ming kubgacha havoni ajratadi. Titish – tozalash sexida 1 soatda bir necha 10–100 ming m^3 changlangan havo ajraladi.

Sanitariya normasi bo‘yicha toza havoning 1 m^3 ida 3 mgr zarrachalar bo‘lishi mumkin.

So‘nggi yillarda tolali chiqindilarni yig‘ish va changli havoni tozalashni birgalikda uzlucksiz amalga oshiruvchi markazlashtirilgan avtomatik texnologik tizimlar qo‘llanila boshlandi.

4. Changli havoni tozalash tizimlari va jihozlari

To‘qimachilik sanoatida changli havoni tozalash juda muhim masala bo‘lib bunga katta e’tibor beriladi. Bu birinchi navbatda ishlovchilar salomatligiga ta’sir qiladi, ikkinchidan texnologik jarayonning barqarorligiga, sifatli mahsulot ishlab chiqarish va ekologik muhitni yaxshilash bilan bog‘liq masala hisoblanadi.

Hozirgi paytda dunyo to‘qimachilik korxonalarida LTG, Trutzschler va Changshu firmalarining tolali chiqindilarni markazlashgan holda yig‘uvchi va changesizlantiruvchi tizimlari samarali ishlatilmoqda.

*LTG firmasining tolali chiqindilarni va havoni changesizlantiruvchi
avtomatik tizimi*

LTG firmasining tolali chiqindilarni va havoni changesizlantiruvchi avtomatik tizimi TFC-4 filtri, FKC-3 kompaktori va siklon qurilmasidan iborat.


TFC-4 filtri dastlabki A va asosiy tozalash kameralaridan iborat. Changli havo oqimi va tolali chiqindilar dastlabki tozalash kamerasida to‘planib, baraban diskiga 1 yuzasidagi to‘rli sirt yordamida kalta tola va chiqindilar ushlab qolinadi. Disk mayda ko‘zli kapron to‘rdan iborat bo‘lib, minutiga 24 marta aylanib turadi. Disk yuzasida ushlab qolingga tola va chiqindilar ventilyator yordamida harakatlanmaydigan so‘rvuchi soplo 2 orqali so‘rib olinadi va kompaktorga uzatiladi. Kompaktordan chiqqan chala tozalangan havo takroran filtrning dastlabki tozalash kamerasiga uzatiladi.

Changli havoning asosiy oqimi baraban 3 ichiga o‘tib barabanning yuzasiga tarang qilib qoplangan filtrlovchi element 4 orqali filtrlanib (tozalanib) tashqariga chiqadi. Bunda havodagi chang zarrachalari filtrlovchi elementning ichki devorida ushlanib qoladi.

Filtrlovchi element 4 ikki xil material, tukli trikotaj polotnosi (tukli tarafi barabanning ichki tarafiga qaratib qoplanadi) va ignasanchma noto‘qima material (kalandrlangan, silliq, qattiq tarafi barabanning ichki tarafiga qaratib qoplanadi) bilan qoplanishi mumkin. Baraban 3 harakatlanmaydi. Unga qoplangan filtrlovchi elementni tozalash seksiyalar bo‘yicha joylashgan, aylanib turuvchi, so‘rvuchi juft saplolar 5 bilan amalga oshiriladi. Saplar elastik havo quvurlari orqali so‘rvuchi quvurga biriktirilgan.

So‘rvuchi saplolar va tozalash diskiga markaziyo‘naltiruvchi quvur – baraban o‘qi orqali harakatga keltiriladi. Markaziyo‘naltiruvchi quvur 6 esa mufta, zanjir, tishli g‘ildirak va chervyakli uzatma orqali dvigateldan harakat oladi. Bu uzatmalarning hammasi xavfsizlikni ta’minlash maqsadida qobiq bilan qoplanadi.

Markaziyo‘naltiruvchi quvurda chervyak bo‘lib, quvur bilan birgalikda barabanli filtr o‘qi atrofida aylanadi (30-rasm).




30-rasm. LTG firmasining tolali chiqindilar va changli havoni tozalash tizimi

1—uskunalardan kelayotgan tolali chiqindilar; 2—changli havo quvuri;
 3—TFS-4 to‘rt barabanli filtr; 4—toza havoni so‘rvuchi vintilyator;
 5—chang ajratuvchi siklon; 6—chiqindilar uchun kompaktor; 7—xalqali
 yigiruv mashinalaridan chiqqan chiqindilarni so‘rvuchi kompaktor;
 8—avtomatik press.

Truetzscher firmasining ikki bosqichli changli havoni tozalash tizimi

Ikki bosqichli tizim uncha katta bo‘lmagan hajmdagi changli havoni tozalash uchun mo‘ljallangan bo‘lib, asosan uch qismdan, ya’ni dastlabki tozalash A va mayin tozalash B va tozalangan havoni chiqarib yuborish D qismlaridan iborat.

Tizimning ishlash prinsipi changli havoni filtrlashga, ya’ni uni to‘rli yuzalardan qayta-qayta o‘tkazib tozalashga asoslangan.




31-rasm. Truetzscher firmasi SF 50/1800 filtri

A—dastlabki tozalash kamerasi; B—mayin tozalash kamerasi; D—tozalangan havoni chiqarib yuborish kamerasi; 1—aylanib turuvchi to‘rli disk, 2—mayda ko‘zli kapron to‘r bilan qoplangan baraban, 3—chiqindilar va yirik chang zarrachalarini ushlab qoluvchi kompaktor, 4—kompaktordan chiqqan chala tozalangan havoni dastlabki tozalash kamerasiga uzatib beruvchi ventilyator, 5—soplolar orqali so‘rilgan chang zarrachalarini siklonga uzatib beruvchi ventilyator, 6—aylanib turuvchi disk yuzasida to‘plangan changlarni sidirib, so‘rib turuvchi soplo, 7—kameralarda bosim paydo qiluvchi ventilyator, 8—soplolar, 9—siklon (harakatlanmaydigan baraban).

Baraban 2 ichiga kirgan changli havo D kamerasiga o‘tishga harakat qiladi, chunki bu yerdagi bosim B kamerasidagiga nisbatan kichikroqdir. A, B va D kameralardagi bosimlar farqini ventilyator 7 ta’minlab turadi. Natijada mayin tozalash jarayoni sodir bo‘ladi. Mayda chang zarrachalari kapron to‘rning ko‘zlarida ushlanib qoladi va tozalangan havo D kamerasiga o‘tib, ventilyator 7 orqali so‘rilib, atmosferaga chiqarib yuboriladi.

Changshu kompaniyasining changli havoni tozalash tizimi

Changshu kompaniyasining changli havoni tozalash tizimining ishlash prinsipi – changli havoni to‘rli yuzalardan bir necha marta qayta o‘tkazib tozalashga asoslangan.



32—rasm. Changshu kompaniyasining filtri

A—dag‘al tozalash bo‘limi. 1—to‘rli doira; 2—o‘tirgan changni so‘rib oluvchi soplo; 3—aylanuvchi korpus; 4—qo‘zg‘almas quvur; 5—kompaktor; 6—qaytaruvchi quvur; 7—ventilyator; **B**—mayin tozalash bo‘limi. 8—harakatlanmaydigan barabanlar; 9—ventilyator; 10—soploli tayanch; 11—qo‘zg‘almas korpus; 12—mayda ko‘zli kapron qop; 13—chang kamerasi; 14—komposter. **D**—tozalangan havo bo‘limi.

Nazorat savollari

1. Tolali chiqindilar qanday turlarga ajratiladi?
2. Tolali chiqindilarni yig‘ishning qanday usullari mavjud?
3. Changli havoni tozalashning qanday usullari ishlataladi?
4. Changli havoni tozalashning avtomatik tizimlari qanday ishlaydi?
5. Changli havoni tozalash avtomatik tizimlarining qanday turlari mavjud?
6. LTG firmasining havoni changesizlantiruvchi avtomatik tizimining afzalliklari nimalardan iborat?
7. Truetzschnler firmasining havoni changesizlantiruvchi avtomatik tizimining afzalliklari nimalardan iborat?
8. Changshu firmasining havoni changesizlantiruvchi avtomatik tizimining afzalliklari nimalardan iborat?

5–BOB. YIGIRISH MAHSULOTLARI NOTEKISLIGI

1. Notekislik tushunchasi

Ip yigirish sanoati uzlusiz davom etuvchi texnologik jarayonlar majmuasidan iborat bo‘lib, uning ko‘p sonli o‘zaro bog‘liq va shartli omillari mavjud bo‘lgan nazoratsiz tashqi va ichki o‘zgarishlar ishlov berilayotgan mahsulotlarning sifatiga bevosita ta’sir qiladi. Ushbu omillarning alohida yoki birgalikdagi ta’siri oqibatida texnologik jarayonning barqarorligida buzilishlar sodir bo‘lib, xomaki va tayyor mahsulotlarning sifat ko‘rsatkichlarida keskin o‘zgarishlarning yuz berishiga, ya’ni notekislikning paydo bo‘lishiga olib keladi.

Notekislikni oddiyroq qilib mahsulotning uzunligi bo‘yicha yo‘g‘on va ingichka joylarining takrorlanishi deb atash mumkin. Agar yigirilgan ipning butun uzunligi bo‘yicha turli kesimlarda, ko‘ndalang qirqimlarida chiziqiy zichligini, tolalar sonini, pishiqligini va buramlar sonini aniqlab tahlil qilinsa, bu ko‘rsatkichlarning uzunlik bo‘yicha bir xil emasligini kuzatish mumkin. Demak, bu ko‘rsatkichlar bir qirqimdan ikkinchisiga o‘tganda o‘zgaruvchan bo‘lib, ipning tuzilishiga bog‘liq bo‘ladi va notekislikka olib keladi.

Demak, notekislik tushunchasi nazariy jihatdan mahsulot xossalari (chiziqiy zichligi, uzish kuchi, buramlar soni) o‘rtacha qiymatdan qancha miqdorga farqlanishini ifodalaydi.


2. Notekislikning turlari

Notekislikning turlari juda ko‘p bo‘lib, ularni ikkita asosiy guruhga bo‘lish mumkin:

1. Tasodifiy.
2. Tasodifiy bo‘lmagan, sistematik notekeisliklar.

Birinchi tur notekeislik klassifikatsiyasini prof Zotikov V.E. ilmiy asoslab berdi, keyinchalik prof A.G. Sevastyanov uni takomillashtirdi. Unga ko‘ra yigirish mahsulotlari xossalari va strukturasida quyidagi notekeislik turlari uchrashi mumkin.


Davriy notekeislik – mahsulot ko‘rsatkichlarining kattaliklari o‘rtacha qiymatidan chetga chiqishlari davriy holda takrorlanadi, ya’ni og‘ish va og‘ishlar orasidagi masofa bir xil o‘zgaradi.



33–rasm. Davriy notekislik

Masalan, cho‘zish asbobidagi silindr va valiklarning aylanishidagi urilishi (bienie) yoki ekssentrik (markazdan siljilib) holda o‘rnatilishi natijasida davriy notekislik paydo bo‘ladi. Bu turda amplituda va tebranish to‘lqinining uzunligi davriy qonuniyatni ko‘rsatadi.


Nodavriy tasodifiy notekislik – mahsulot ko‘rsatkichlarining o‘rtacha qiymatdan chetga chiqishi vaqt oralig‘ida bir xil bo‘lib, amplituda va tebranish to‘lqinining uzunligi tasodifiy qonuniyatga bo‘ysunadi.



34–rasm. Tasodifiy notekislik


Bunga cho‘zish natijasida hosil bo‘lgan notekislik misol bo‘la oladi.

Funksional notekislik – mahsulot ko‘rsatkichlarining o‘rtacha qiymatdan chetga chiqishi vaqt davomida bir tomonlama o‘zgarib boradi, ya’ni ko‘payib boradi (pulta, pilik qirqimlari misol bo‘la oladi).




35–rasm. Funksional notekislik

Mahalliy hududiy notekislik – mahsulot ko‘rsatkichlarining qisqa vaqt orasida birdan (keskin) o‘zgarishi bilan ifodalanadi. Mashinaning normal ishlashi buzilganda, to‘xtatilib yurgizilganda, xolstcha yangisiga almashtirilganda, cho‘zish asbobi o‘z vaqtida tozalanmaganda va nihoyat sex tozalanayotganda momiqlarni pilik yoki ipga tushib qolishi oqibatida sodir bo‘ladi.



36–rasm. Mahalliy notekislik

Aralash va murakkab notejislik – turli sabablarga ko‘ra paydo bo‘lgan bir necha notejisliklarning qo‘shilishi natijasidir.



Ular go‘yo bir-biri ustiga joylashgandek bo‘lib, murakkab notejislikni tashkil etadi.

37–rasm. Murakkab notejislik

Sinov-tajriba va ilmiy tadqiqot ishlarini bajarishda yigirish mahsulotlarining notejisligini uch turga ajratish mumkin:

1. *Ichki notejislik* – bitta xolstcha, bitta tazdagagi pilik yoki bitta naychadagi ipning notejisligi.
2. *Tashqi notejislik* – bir nechta pakovkalar o‘rtasidagi notejislikdan iborat (masalan 2 ta xolstcha, 2 ta taz pilta, 2 ta g‘altakdagi pilik, 2 ta naycha ip).
3. *Umumiy notejislik* – tadqiq etilayotgan mahsulot uchun to‘laligicha pakovkalarga ajratilmasdan aniqlangan notejislik yoki mashinaning hamma chiqaruvchi organlari bo‘yicha mahsulot notejisligiga aytildi.

Strukturaviy notejislik. Ma’lumki, har bir yigirish mahsuloti tolalardan tuzilgan. Ana shu mahsulotning uzunligi bo‘yicha turli qirqimlarida har xil uzunlikdagi tolalar taqsimlanishining o‘zgarishi strukturaviy notejislikni hosil qiladi.

Shunday qilib, yigirish mahsulotlari notejisligi ko‘p omilli va juda murakkab hodisa bo‘lib, uning kelib chiqish sabablari o‘rganilib, kamaytirish chora-tadbirlari ko‘riladi.

3. Notejislikning kelib chiqish sabablari

Yigirish mahsulotlari notejisligining kelib chiqishiga quyidagilar sabab bo‘lishi mumkin:

1. Ishlatilishi kerak bo‘lgan xomashyo, ya’ni tolalar asosiy xossalaring bir xil emasligi.
2. Tolalar aralashmasida komponentlar miqdorining doimiy bo‘lmasligi, ularning yaxshi aralashmaganligi.
3. Mashinalar holatining yomonligi tufayli texnologik jarayonlar barqarorligining buzilishi.
4. Ishchilar malakasining yetarli emasligi, mehnat noto‘g‘ri tashkil etilishi.

5. Sexdagi harorat va namlik ko‘rsatkichlari nazorati yetarli emasligi.

Notekislikning zararligi

To‘qimachilik mahsulotlarining sifatli bo‘lishi ko‘p jihatdan yigirilgan ipning qanchalik ravon ishlanilishiga bog‘liq. Agar ipning notejisligi yuqori bo‘lsa, uning nisbiy uzish kuchi kamayadi, demak, undan to‘qilgan matoning pishiqligi ham kam bo‘ladi. Notekis ipdan to‘qilgan matoda har xil nuqsonlar paydo bo‘ladi (yo‘l-yo‘llik, zebrasimon va h.k.) tashqi ko‘rinishi yomonlashadi, unga talab kamayadi. Ip notejisligining ko‘p bo‘lishi yigirishda, to‘quvchilik va trikotaj ishlab chiqarishda uzilishlar sonining ko‘payishiga sabab bo‘lib, mehnat unumdarligining keskin kamayishiga, xizmat zonasining qisqarishiga, mahsulot tannarxining oshishiga va korxonaning boshqa iqtisodiy ko‘rsatkichlariga salbiy ta’sir ko‘rsatadi.

4. Notekislikni baholash usullari

1. Notekislikni uni tashkil etuvchi komponentlarga ajratib aniqlash;
2. Korrelyasion tahlil;
3. Spektral tahlil;
4. Notekislik gradiyentini aniqlash usullari mavjud.

Yigirish jarayonlari ehtimollik ko‘rinishida bo‘lganligi sababli mahsulotlar notejisligini aniqlashda ehtimollikning statistik tavsiflari ishlataladi.

Ular quyidagilar:

- o‘rtacha arifmetik qiymat
- o‘rtacha kvadratik og‘ishi
- chiziqiy notejislik
- variatsiya koeffitsiyenti yoki kvadratik notejislik.

Ushbu ko‘rsatkichlarni aniqlash uchun tadqiq etilayotgan mahsulot xossalari bildiruvchi tajriba-sinov natijalaridan iborat to‘plam hosil qilinadi. Odatda bular raqamlar bo‘lib, tajriba natijalari va sonini ifodalaydi.

Notekislikni aniqlashda quyidagi formulalar qo‘llaniladi.

Chiziqiy notejislik H :

$$H = \frac{2 \cdot n_1 (\bar{x} - x_1)}{\bar{x} \cdot n} \cdot 100\% ; \quad x_1 = \frac{\sum x_i \min}{n_1} .$$

\bar{x} – sinov namunalarining o‘rtacha arifmetik qiymati;

x_1 – o‘rtacha arifmetik qiymatdan kichik bo‘lgan sinov natijalarining o‘rtacha qiymati;

n_1 – o‘rtacha arifmetik qiymatdan kichik bo‘lgan sinov natijalarining soni;

n – sinovlarning umumiy soni;

Kvadratik notekislik:

$$C = \frac{\sigma \cdot 100}{\bar{x}} \% ; \quad \sigma = \sqrt{\sum \frac{(x_i - \bar{x})^2}{n}}$$

S – kvadratik notekislik;

σ – o‘rtacha kvadratik og‘ish;

x_i – alohida sinov qiymatlari;

\bar{x} – sinovlarning o‘rtacha arifmetik qiymati;

n – sinovlarning umumiy soni;

5. Notekislikni kamaytirish choralari

1. Aralashma to‘g‘ri tashkil etilishi kerak.
2. LOT (Stavka) dagi toy paxtalarning soni iloji boricha ko‘p bo‘lishi kerak.
3. Aralashmada komponentlar soni ko‘proq bo‘lishi kerak.
4. Qo‘sish va cho‘zish jarayonini to‘g‘ri tashkil etish kerak.
5. Mahsulotni bosqichma-bosqich cho‘zib ingichkalashtirish kerak.
6. Har bir texnologik o‘timda xomaki mahsulotlarning zaxira miqdorini to‘g‘ri tashkil etish kerak.
7. Cho‘zish jarayonida ishlatalayotgan avtorostlagichlarning samarasini oshirish kerak.
8. O‘timlarni kamaytirish, takomillashgan sezgir elementlarni qo‘llash.
9. Kompyuter boshqaruvi samarasini oshirish.

Nazorat savollari

1. Notekislik tushunchasining mohiyati nimalardan iborat?
2. Notekislikning qanday turlari mavjud?

3. Davriy notejislikning hosil bo‘lish sabablari nimalar?
4. Nodavriy notejislik qanday paydo bo‘ladi?
5. Funksional notejisliklarga qanday misollar mavjud?
6. Mahalliy notejislik nima, kelib chiqish sabablari nimalardan iborat?
7. Aralash va murakkab notejislik nimani bildiradi?
8. Yigirishdagi uchta notejislik turlari nimalardan iborat?
9. Yigirish mahsulotlarining notejisligiga nimalar sabab bo‘ladi?
10. Notejislikning zararlari nimalardan iborat?
11. Notejislikni kamaytirishning qanday usullari mavjud?
12. Notejislikni aniqlashning qanday usullari mavjud?

6–BOB. TOLALARNI TARASH JARAYONI. TARASH MASHINALARI

1. Tarash jarayoni

Tolali mahsulotlarga ishlov beruvchi TTA mashinalaridan chiqayotgan tolali massa alohida tolalarga ajralmagan mayda paxta bo‘lakchalaridan iborat bo‘lib, uning tarkibida xas-cho‘p va nuqsonlar mayjud bo‘ladi. Ularni tozalash uchun paxta bo‘lakchalarini alohida tolalarga ajratib, so‘ngra nuqsonlardan tozalash mumkin. Bu vazifani tarash jarayonida amalga oshirish mumkin.

Tarash jarayonining maqsadi nisbatan kalta tolalarni cho‘zish jarayoniga tayyorlash va taralgan pilta shakllantirishdan iborat.

Tarash jarayonining mohiyati tolali tutamni alohida tolalarga ajratish, undagi mayda xas-cho‘p, nuqson va kalta tolalarni tarab tashlashdan iborat.

2. Tarash mashinasining vazifalari

Tarash mashinasining vazifalari quyidagilardan iborat.

1. Paxta tutamini alohida tolalarga ajratish.
2. Mayda, yopishqoq xas-cho‘plar, begona jismlar, nuqsonlar va kalta tolalarni ajratib tashlash.
3. Mahsulotni yuz va undan ortiq miqdorda ingichkalashtirish.
4. Tolalarni aralashtirish natijasida mahsulotning raxonligini ta’minlash.
5. Belgilangan sifat ko‘rsatkichlariga ega bo‘lgan taralgan piltani hosil qilib uni tazga taxlash.

3. Tarash mashinalari

Tarash mashinalari shlyapkali, valikli va momiq tarash mashinalariga ajratiladi.

Shlyapkali tarash mashinalari karda va qayta tarash yigirish sistemalarida paxta tolasini tarash uchun qo‘llaniladi.


Valikli tarash mashinalari jun, lub tolalarini tarashda va paxta tolasini apparat yigirish sistemasida tarashda ishlataladi. Bulardan tashqari momiq tarash mashinalari ham mayjud bo‘lib, past navli paxta tolesi hamda tolali chiqindilardan xo‘jalik paxtasi tayyorlashda ishlataladi.

Dunyo mamlakatlarining yigirish korxonalarida «Truetzscher» (Germaniya), «Rieter» (Shveysariya), «Marzoli» (Italiya) va «Howa» (Yaponiya) firmalarining tarash mashinalari samarali ishlatalmoqda.

Shlyapkali tarash mashinasi

Shlyapkali tarash mashinalari bir qator texnologik xususiyatlarga ega: ta'minlash bunkeri ko'p qismli, ta'minlash stolchasi ta'minlash silindri ustida joylashgan va uchta qabul barabani bilan jihozlangan. Tarash mashinasining parametrlari kompyuter dasturlari yordamida boshqariladi. DK-903 tarash mashinasida texnologik jarayon quyidagicha amalga oshadi.

Directfeed bunkerli ta'minlagichi yuklash, yuqori va quyi seksiyalardan iborat. Yuqori seksiyada mahsulot titib tozalanadi, quyi seksiyada esa bir tekis qatlam hosil qilinadi. Ushbu qatlam sensofeed tizimi yordamida dastlabki tarash zonasi webfeed – qabul barabani uzeliga uzatiladi. Sensofeed tizimi takomillashgan qurilma bo'lib, mahsulot ta'minlovchi silindr ustidan uzatiladi. Tola tutamlari bir tekis uzatilib uchta qabul barabanida ketma – ket taraladi.



38-rasm. DK-903 tarash mashinasi

- 1–bunkerli ta'minlagich; 2–ta'minlovchi silindr; 3–sensofeed;
- 4–yo'naltiruvchilar; 5–webfeed; 6–dastlabki qo'zg'almas segmentlar;
- 7–tola tozalash moslamasi; 8–chang quvurlari; 9–shlyapka polotnosi;
- 10–bosh baraban; 11–so'ruvchi quvur; 12–ajratuvchi baraban;
- 13–tozalovchi valik; 14–ajratuvchi valik; 15–ezuvchi vallar;
- 16–webspeed; 17–pilta uzatuvchi vallar; 18–taz.


Qabul barabani uzelida nuqsonlar ajralib havo yordamida so‘rib olinadi. Uchinchi qabul barabanidan tolali mahsulot bosh baraban sirtiga o‘tadi. Qabul barabani tezligiga nisbatan bosh baraban tezligining kattaligi uchun mahsulot taraladi. Bosh baraban garnituralaridagi tolalar asosiy tarash zonasini hisoblangan shlyapkalar ta’siriga duch keladi. Kalta tolalar shlyapkalar sirtiga o‘tadi, uzun tolalar esa bosh baraban bilan harakatlanishda davom etadi. Mashina qo‘zg‘almas segmentlar bilan jihozlangan bo‘lib, ular ishlatilayotgan tola turiga qarab tanlanadi. Asosiy tarash zonasida mahsulot ikki qismga ajraladi: kalta tolalardan iborat tarandi va uzun tolalardan iborat taramga. Tarandi shlyapkalar polotnosidan ajratuvchi moslama yordamida ajratilib, havo yordamida chiqindilar bo‘limiga jo‘natiladi. Uzun tolalar bosh baraban garnituralaridan ajratuvchi baraban sirtiga o‘tadi (ajratuvchi baraban garnitura sig‘imining kattaligi hisobiga). Taramning o‘tishi birdan sodir bo‘lmay, davriy ravishda amalga oshadi (tezliklar farqi hisobiga). Natijada tolalar davriy qo‘shilib aralashadi va tekislanadi. Ajratuvchi baraban garnituralaridan taram ajratuvchi moslama yordamida ajratilib zichlagichlardan o‘tkazilib piltaga aylantiriladi. Cho‘zish asbobida kerakli chiziqiy zichlikka keltirilgan pilta tazlarga taxlanadi. Taralgan piltaning chiziqiy zichligi avtorostlagichlar yordamida rostlanadi.

4. Tarash mashinasining garnituralari

Tarash mashinalari ishchi qismlarini qoplash uchun qattiq, elastik va yarim qattiq garnituralar ishlatiladi.


Qattiq garnitura shartli ravishda ikki guruhga ajratiladi:

- 1) arra tishli – qabul barabanini jihozlash uchun;
- 2) SMPL – bosh va ajratuvchi barabarlarni jihozlash uchun.



39–rasm. Arra tishli garnitura


t – tishlar qadami, mm,
 α – tishning qiyalik burchagi, rad,
 H – tishlar asosining qalinligi, mm,
 h – garnitura balandligi, mm,
 h_3 – tish balandligi, mm.



40-rasm. SMPL

H – garnitura balandligi, mm,
 B – garnitura asosining qalinligi, mm,
 t – tishlar qadami, mm,
 h₁ – tish balandligi, mm,
 α – tishning old qirrasi qiyalik burchagi, rad,
 r – egriligi radiusi, mm,
 a – tishning yuqori qismi kengligi, mm,
 b₁ – tishning yuqori qismi qalinligi, mm,
 b₂ – tish asosining qalinligi, mm,
 h₃ – garnitura asosining balandligi, mm,

Tipik SMPL tishlari toblangan, asosi toblanmaganligi uchun baraban sirtiga jips yotadi.




41-rasm. Musbat va manfiy burchakli SMPL

Bunday garnitura Yaponiya tarash mashinalarida ishlataladi.

$\alpha = 85^0$: $\alpha_1 = 115^0$ bo‘lgani uchun tishlar oralig‘iga momiqlar kam kiradi.

Tishlarning old qirralari shakldor qilib tayyorlangan bo‘lib, ular bosh baraban sirtini qoplashga tavsiya etiladi.



42-rasm. Shakldor SMPL

Bosh baraban garniturasini tolalarning kam hajmda joylashishini ta’minlab, shlyapkalar bilan kalta tolalarning taralishiga (ajralishiga) yaxshi imkoniyat yaratishi shart.

Ajratuvchi baraban garniturasini esa, ko‘proq hajmda tola joylashishini ta’minlab, bosh barabandan ularning ajralishini yengillashtirishi kerak.


SMPL lar maxsus qurilma yordamida tarash mashinasining o‘zida baraban sirtiga tortib o‘raladi. Ularning uchlari (boshsizligi va oxiri) baraban chetlariga kavsharlanadi.

Qabul barabani va valiklar ustaxonada joylashgan statsionar qurilmada tortilib o'raladi.

Xorijiy firmalar tavsiya etayotgan SMPL tishlarining har biri frezer yordamida charxlanib ularning tayyorlanish aniqligi 0,01 mm gacha yetkaziladi. Shtampovka qilingan SMPL larda esa tayyorlanish aniqligi 0,02 mm.

«Ashvort» (AQSh) firmasi shlyapkalar uchun ham arra tishli garniturlarni tavsiya etmoqda u SMPL qirqimlaridan iborat bo'lib, har bir qirqim 150° qilib egiladi, bir-biriga jiplashtirib mahsus shaklda plastmassa qorishmasi bilan to'ldiriladi. Bu esa shlyapkalarini 2–5 yil charxlamasdan ishlatishni ta'minlaydi.


Elastik garnituralar igna sirtli lenta ko'rinishida, asosi besh qatlamli to'qimadan iborat bo'lib ularga ingichka po'lat simlar (skobalar) o'tkazilgan. Ular tozalovchi ishchi organlarni qoplashda ishlatiladi (№ 100–140). Ishlash muddati 5–7 yil, har 100–110 soatda charxlash tavsiya qilinadi.



43-rasm. Elastik garnitura

Yarim qattiq garnituralar

Asosan shlyapkalarini qoplash uchun ishlatilib qattiq va elastik garnituralar oraliq'idagi xususiyatga ega $0,6 \times 0,25$ mm li yassi po'lat sim (skoba) bo'lib, uning uchlari 18° burchak bilan qiya qilib ishlov berilgan. Asosi 8 qatlam to'qimadan iborat bo'lib maxsus yelim bilan yopishtirilgan.



44-rasm. Yarim qattiq garnitura

Tarandi miqdorini 6 marta, notekislikni 3,5 dan 2,8% gacha kamaytiradi. Ishlash muddati elastik garnituraga nisbatan 2 marta katta.

Ayrim mashinalarda garniturani klipslarsiz mahkamlash uchun asos to‘qimada magnit plastinkadan foydalanilmoqda.

Garnitura parametrlari:

- balandligi;
- tishlar (ignalar) qadami;
- qalinligi (asosining qalinligi);
- igna yoki tishning qiyalik burchagi;
- nomeri;

Garnitura nomeri haqida tushuncha

Garnituralar bir-biridan nomeri, balandligi, tish yoki ignalarining qiyalik burchagi kabi ko‘rsatkichlari bilan farqlanadi.

Garnituralarning nomeri 1 sm^2 yuzaga to‘g‘ri keluvchi tishlar yoki ignalar sonini anglatadi. Garnitura nomeri quyidagi formula bilan aniqlanadi.


$$N = \frac{100}{t \cdot H} \cdot \frac{100}{78};$$

bu yerda, t – tishning qadami, mm


H – arra tishli lentaning qalinligi, mm

Tarash mashinasi ishchi organlariga qoplangan arra tishlar bir-biriga parallel yoki kesishadigan qilib o‘rnatilgan bo‘lishi mumkin.

Tishlar parallel



Tishlar kesishadigan



45–rasm. Arra tishli sirtlarning o‘zaro ta’siri

Tolalar tutamiga garnituraning ko‘rsatayotgan ta’siri tishlarning o‘zaro joylashuviga, tezliklariga va harakat yo‘nalishiga bog‘liq bo‘ladi.

Tarash jarayonida tishli sirtlar o‘zaro to‘rt holatda ishlashi mumkin.

Birinchi holat. Arra tishli sirtlar qarama-qarshi yo‘nalishda harakatda bo‘lib tishlar parallel joylashgan, tezliklar har xil, razvodka kichik. Bu holatda tolalar asosan taraladi, qisman ikkinchi sirtga o‘tadi.

Ikkinchchi holat. Arra tishlar parallel joylashgan bo‘lib, ikkala sirt bir tomonga qarab harakat qiladi, tezliklar har xil ($v_1 > v_2$), razvodka kichik. Bunda ham asosan tarash, qisman o‘tish sodir bo‘ladi.


Uchinchi holat. Arra tishlar bir-biri bilan kesishadigan qilib o‘rnatalgan, ular qarama-qarshi tomonga harakat qiladi, razvodka kichik, tolalar ikkinchi sirtdan birinchi sirtga o‘tadi, qisman tarash sodir bo‘ladi.

To‘rtinchi holat. Arra tishlar bir-biri bilan kesishadigan qilib o‘rnatalgan, lekin ikkala sirt bir tomonga qarab harakatlanadi. Tolalar tezroq harakatlanayotgan sirtga o‘tadi, qisman taraladi.


5. Tarash mashinasini ta’minlash usullari

Yigirish korxonalarining titish-tozalash va tarash mashinalari bir agregatga biriktirilgan bo‘lib, ular kompyuter dasturlari yordamida boshqariladi. Tarash mashinalarini (alohida yoki guruh holatida) to‘xtovsiz ishlashi uchun ularni tolali mahsulot bilan bir tekis ta’minlash muhim ahamiyatga ega. Tarash mashinalarini maxsus taqsimlagichlar yordamida tililgan, aralashtirilgan va tozalangan tolali mahsulot bilan ta’minlanadi. Bitta TTA odatda taralgan piltaning chiziqiy zichligiga qarab 6, 8, 12 yoki 16 ta tarash mashinasini mahsulot bilan ta’minlash vazifasini bajaradi.

Tarash mashinasini mahsulot bilan ta’minlashda aylanma yoki bir tomonlama taqsimlash usuli ishlatiladi.



46–rasm. Aylanma taqsimot




47–rasm. Bir tomonlama taqsimot

1—titish-tozalash mashinalari; 2—ventilyator; 3—havo quvuri; 4—tarash mashinalarisi.

Tarash mashinalariga tolali mahsulotlarni taqsimlashning bir tomonlama usuli aylanma usulga nisbatan ko‘proq ishlatiladi. Aylanma taqsimotda barcha bunkerlar to‘lgandan so‘ng havo quvuridagi tolali

mahsulot TTA ga qaytariladi. Natijada tolalarning sifat ko'rsatkichlariga zarar yetkaziladi. Bunday holat bir tomonlama usulda bartaraf etilgan.


Tarash mashinalariga tolali mahsulotni taqsimlashda Rieter firmasi Aerofeed-U tizimini, Truetzscher firmasi Flexafeed tizimini tavsiya etmoqda.



48-rasm. Aerofeed-U tizimi

1-ta'minlash kanali; 2-taqsimlash qurilmasi; 3-ta'minlanuvchi mahsulot; 4-ajratuvchi valik; 5-nazorat darchasi; 6-chiqaruvchi valik.


Flexafeed tizimi ikki guruhdagi tarash mashinalarini tolali mahsulot bilan ta'minlash imkoniga ega.



49-rasm. Flexafeed tizimi

Ushbu usul ikkala guruhdagi mashinalar soni har xil bo'lsa ham, tolali mahsulotni avtomatik ravishda bir tekis taqsimlaydi. Tizimda BR-TD rusumli T-shaklidagi taqsim-lagich qurilmasi ishlataladi. Bu qurilma ikki guruhdagi tarash mashinalariga tolali mahsulotni taqsimlashda ishlataladi.

Har ikki tomondagi tarash mashinalarining soni har xil bo'lsa ham, havoning sarfi bilan mos ravishda tolali mahsulotni bir tekisda avtomatik taqsimlashni amalga oshiradi.




Bitta guruhdagi tarash mashinalarini bir vaqtida ikkitadan ortiq turdag'i material bilan ta'minlashda maxsus yo'nalishni o'zgarti-ruvchi zaslonka qo'llaniladi. Ular doimo to'g'ri burchakli shaklga ega.

50 – rasm. BR-MC zaslonkasi

Taqsimlash tizimidan kelayotgan tolali mahsulot bunkerlar yordamida bir tekis qatlamga aylantirilgandan so'ng tarash mashinasiga uzatiladi. Bunkerlar mahsulotni tekislashdan tashqari changsizlantirish vazifasini ham bajaradi. Ular bir yoki ikki kamerali (seksiyali) tuzilishga ega bo'lib, ikkinchisi yuqori samara bilan ishlatilmoqda. Turli firmalar ishlab chiqarayotgan ikki seksiyali bunkerlar tuzilishi jihatidan o'xshash bo'lib, ayrim parametrlari bilan bir-biridan farq qiladi.

Directfeed – bunkerli ta'minlagich

Ustki bunker tolali mahsulotni 1200 mm kenglikda bir tekis uzlusiz uzatishni ta'minlaydi. 5 ta segmentga bo'lingan stolcha yordamida zichlangan va ta'minlovchi valik uzatayotgan mahsulotni ignali tituvchi baraban ohista avaylab titadi (neps hosil qilmasdan).



51–rasm. Directfeed bunkerli ta'minlagich

1–katta hajmli ustki bunker; 2–havo oqimini integralli taqsimlagich;
3–ustki seksiyaning ta'minlovchi valigi; 4–tolani ta'minlovchi stolcha;
5–tituvchi valik; 6–ventilyator o'rnatilgan havo aylanadigan yopiq
kontur; 7–havo chiqaruvchi taroqli moslama.


Pastki bunkerning maxsus shakli va mahsulot harakat yo‘lining kattaligi sababli bir tekis qatlam hosil bo‘lishi uchun qulay sharoit yaratilgan. Havo bosimining bir xilligi tufayli qatlam zichligi o‘zgarmasligi ta’minlanadi.

Sensofeed tizimining ta’minlovchi valigi oldida havoni muntazam so‘rib chiqaruvchi taroqli moslama joylashgan. Shuning uchun ham pastki bunkerning toraygan joyida tolalar birlashib bir tekis qatlam hosil bo‘ladi.

Sensofeed tizimi

Sensofeed tizimi ta’minlovchi silindr, ta’minlovchi stolcha va mahsulot qalinligini nazorat qiluvchi richaglar (plastinkalar) dan iborat. Ta’minlovchi stolcha mahsulot qatlamini zichlashtiradi va nazorat qiluvchi richag tomon yo‘naltiradi. Bu richagda ma’lum kenglikka ega bo‘lgan bir nechta prujinali plastinkasimon elementlar joylashib, ular o’tkir uchlari bilan pastga qaratilgan.

Prujinali elementlarning juda nafis ishlangan qirralari tolali materialni ignali garnitura qoplangan dastlabki tituvchi barabanga yo‘naltiradi. Shuningdek har bir alohida prujinali element kelayotgan mahsulotning qalinligiga aniq moslashadi. Demak, prujinali elementlar har birining alohida og‘ishi natijasida hosil bo‘luvchi elektr signali qisqa vaqt ichida to‘g‘rilash (korrektirovka) uchun haqiqiy qiymat o‘rnida qo‘llaniladi.



52–rasm. Sensofeed tizimi


1—maxsus garniturali ta’minlovchi silindr; 2—prujina bilan yuklanuvchi ta’minlovchi stolcha; 3—prujina bilan yuklanuvchi nazorat richagi; 4—plastinkali element; 5—Webfeed tizimining birinchi qabul barabani

6. Qabul barabani uzeli

Avvalgi tarash mashinalarining qabul barabani uzeli ta'minlovchi silindr, ta'minlovchi stolcha, nuqson ajratuvchi pichoq, panjaralar va ishchi juftliklardan iborat bo'lgan. Hozirgi tarash mashinalarida Sensofeed va Webfeed tizimlardan iborat bo'lgan qabul barabani uzeli ishlatalmoqda.

Qabul barabani uzelida quyidagi vazifalar bajariladi:

- tolalar tutamini dastlabki tarash;
- xas cho'p va nuqsonlarni qisman ajratish;
- taralgan tolalarni bosh barabanga uzatish.



53–rasm. Ta'minlovchi sirt qirralari

$a + b$ ishchi qirralar,
 a – stolchaning qiyalik burchagi,
“ a ” qirra tutamning
taralmaydigan
qismi,
“ b ” qirra tutamni taraladigan
qismi.



54–rasm. Rieter firmasi tarash mashinasining qabul barabani uzeli


1–ta'minlovchi silindr,
2–ta'minlovchi stolcha,
3–qabul barabani.

Trutzschler firmasi tarash mashinasining qabul barabani uzeli (Webfeed tizimi)

Webfeed tizimi uchta ketma-ket joylashgan tituvchi va tozalovchi barabanlardan iborat. Paxta bo'lakchalari oddiy qabul barabaniga nisbatan maydaroq va avaylab tililadi.

Birinchi qabul barabani ignali garnitura bilan jihozlangan bo'lib, odatdagи tarash mashinalariga nisbatan ancha sekin aylanadi. Bu sezilarli darajada tolalarning shikastlanishini kamaytiradi. Ikkinchi va uchinchi barabanlarning garniturasini arra tishli bo'lib, bo'lakchalarni qo'shimcha

taraydi. Barabanlar tezligi mahsulot harakati yo‘nalishi bo‘yicha ortib boradi. Natijada tolalar borgan sari yaxshiroq taraladi.



55–rasm. Webfeed tizimi

- 1–ta’milovchi silindr;
- 2–ta’milovchi stol;
- 3–sensor;
- 4–qo’zg’almas tarash segmentlari;
- 5–so’ruvchi patrubkalar;
- 6–birinchi baraban;
- 7–ikkinci baraban;
- 8–uchinchchi baraban;

Tarash jarayoni normal o‘tishi uchun qabul barabani sirtidagi tolalar bosh baraban sirtiga to‘liq o‘tishi shart. Agar bu shart buzilsa, tugunaklar miqdori ko‘payib, tarash sifati pasayadi.

Tolalarning qabul barabanidan bosh barabanga o‘tishi


1. Bosh baraban tishlari bilan qabul barabani tishlarining o‘zaro kesishib joylashishi tolalarni osonlik bilan o‘tishini ta’milaydi.
2. Bosh barabanning tezligi qabul barabani tezligidan katta.
3. Sirtlar orasidagi razvodka kichik.
4. $\vartheta_{bosh} > \vartheta_{q.b.} \approx 1,2 \div 1,3$ marta.
Bundan tashqari quyidagi shartlar ham bajarilishi kerak.
5. Bosh baraban tishlarining ilashuvchanlik qobiliyati qabul barabaninikidan yuqori.
6. Markazdan qochma kuch ham qabul barabanining sirtidagi tolalarni bosh baraban sirtiga o‘tishini ta’milaydi.
7. Qabul barabani sirtida hosil bo‘ladigan havo kuchi bosh baraban sirtida hosil bo‘ladigan havo kuchidan ikki barobar ko‘p bo‘lishi kerak.

7. Bosh baraban bilan shlyapkalarining o‘zaro ishlashi

Bosh baraban tolalarni harakat yo‘nalishi bo‘yicha shlyapkalariga uzatadi. Bosh baraban va shlyapkalar garniturasi tishlari orasida **asosiy tarash** jarayoni sodir bo‘ladi. Bu yerda tola bo‘lakchalari alohida-alohida tolalarga ajratiladi, nuqsonlar, mayda iflosliklar va kalta tolalar ajratib tashlanadi. Bosh baraban va shlyapkalar birga ishlaganda bosh baraban


sirtida qatlam hosil bo‘ladi va u *ishchi qatlam* deb yuritiladi. Bu qatlam ajratuvchi barabanga bosqichma-bosqich o‘tadi (bir qismi oldin, qolgani keyin). Bosh baraban bilan shlyapkalar orasida razvodka kichik bo‘lgani uchun kalta tolalar bilan birga xas-cho‘plar ham shlyapkalariga o‘tadi. Shlyapkalar sirtiga yarim qattiq garnituralar qoplangan bo‘lib, uzluksiz zanjirga mahkamlanadi. Garnitura ignalarining uchlari maxsus dastgohda charxlanib indikatorda tekshiriladi.

Katta o‘lchamli tarash mashinalarida o‘rnatilgan 110 ta shlyapkadan 39–41 tasi ishchi bo‘lib, tarashda ishtirok etadi, kichik o‘lchamli mashinalarda esa 72 tadan – 24 tasi tarashda ishtirok etadi. Katta o‘lchamli xorijiy mashinalarda o‘rnatilgan 80 ta shlyapkadan 30 tasi ishchi hisoblanadi. Asosiy tarash zonasini shartli ravishda uchta tarkibiy qismlarga ajratish mumkin. Dastlabki tarash qismi qabul barabani – bosh barabandan shlyapkagacha hisoblanib unda tolali mahsulot shlyapkada tarashga tayyorlanadi. Shlyapkada tarash qismida asosiy tarash amalga oshiriladi. Yakuniy tarash qismida tolalarning alohidaligi va ularning oriyentatsiya holatini saqlab qolish vazifasi bajariladi.



56-rasm. Asosiy tarash zonasining tarkibiy qismlari
1—dastlabki tarash; 2—shlyapkada tarash; 3—yakuniy tarash.

Tarash mashinalarida tarash jarayoni Webclean tizimi yordamida amalga oshiriladi.




57-rasm. Webclean tizimi

- 1—shlyapkalarini tozalash moslamasi;
- 2—shlyapka polotnosi;
- 3—ajratuvchi pichoq; 4—Twin Top qo‘zg‘almas elementlari;
- 5—ajratuvchi pichoq-pnevmoqurilma;
- 6—bosh barabanosti qoplamasni;
- 7—ajratuvchi barabanning qo‘zg‘almas segmentlari

Shlyapkalarining harakatlanishi

Shlyapkalar oldinga, ya’ni bosh baraban harakati yo‘nalishiga mos (to‘g‘ri) harakatlanganda uning garniturlari tezda chiqindilarga (tarandiga) to‘lib qoladi va shlyapkalarining tarash qobiliyati kamayadi.


Shlyapkalar orqaga, ya’ni teskari harakatlanganda tarash samarali bo‘lib, taram sifati yaxshilanadi, lekin tarandi miqdori ko‘payadi.



58–rasm. Shlyapkalarining harakati

Shlyapkalarni rostlovchi presizion PFS tizimi

Sifatli taralgan piltani tayyorlashda bosh baraban va shlyapkalar orasidagi razvodka katta ahamiyatga ega. Agar razvodka juda kichik bo‘lsa, garnituralar tez ishdan chiqadi, agar razvodka katta bo‘lsa, piltada nepslar miqdori ortib ketadi. PFS shlyapkalarni rostlash prezitsion tizimi bir necha soniyada bosh baraban va ishchi shlyapkalar orasidagi razvodkani markazlashgan holda rostlab o‘rnatadi.




59–rasm. PFS tizimi

1—egiluvchan metall yoy; 2—yo‘naltiruvchi maxsus plastina; 3—rostlovchi richag;

4—prezitson alumin shlyapka; 5—kulachokli tishli tasma; 6—razvodka shkalasi.

8. Shlyapka garnituralarining o‘rnatilishi

Tarash mashinasida uzlusiz zanjir yordamida shlyapka polotnosi hosil qilinadi. Har bir shlyapka alumin profilli bo‘lib, yengil va bir xil shaklga ega.




60-rasm. Alumin kolosnikli shlyapka


1–alyumin profilli kolosnik; 2–shlyapka garniturasi; 3–sirpanuvchi sterjen;
4–silliq plastinka; 5–yo‘naltiruvchi plastinka.

Ular qo‘shimcha mahkamlash elementlarisiz kulachoklar yordamida mahkamlanadi va ikki tishli tasmalar orqali harakatlanadi. Shlyapkaning ikki cheti qattiq qotishmali sterjen shaklida yasalgan va u maxsus silliq plastina ustida sirpanib harakatlanadi. Yarim qattiq garnitura alumin profilli shlyapkaga maxsus moslama yordamida mahkamlanadi.

Trutzschler firmasi shlyapka garniturasini o‘rnatishning ikki xil moslamasini tavsiya etmoqda. Birinchisi alumin profilli shlyapka, ikkinchisi Magnotop shlyapka moslamasi. Magnotop moslamasi shlyapkalarining 100% mustahkam o‘rnatilishini va ekspluatatsiya qilinishini ta’minlaydi. Garniturani kalosnikka o‘rnatish va yechib olish uchun maxsus dastgoh talab etilmaydi. Moslamadagi magnit plastinkasi garnitura ignalarini doimo gorizontal va jips holatda bo‘lishini ta’minlaydi.



61–rasm. Oddiy shlyapka




62–rasm. Magnotop shlyapka


1–alumin profilli kolosnik; 2–garniturani ushlab turuvchi plastinka,
3–garnitura lentasi, 4–tekislovchi elim qatlam, 5–magnit plastinkasi,
6–yupqa metall asos.

9. Tarash segmentlari va ularning ishlashi

Bosh baraban atrofi zonasida qo‘zg‘almas tarash segmentlari o‘rnatalishi hisobiga dastlabki va yakuniy tarash yuzasi kattalashgan, ya’ni bosh baraban bilan tarash zonasi kengaytirilib, shlyapkalaridan tashqari yuza Webclean tizimi bilan qamrab olingan.



64–rasm. Dastlabki tarash sirti





65– rasm. Yakuniy tarash sirti

Nazorat elementi havo oqimi ta’sirini maqsadli yo‘naltirish natijasida bosh baraban sirtidagi tolalarning holatini yo‘qotmasdan shlyapkalar zonasiga yetib olishini ta’minlaydi.


Kardali element Twin Top deb atalib, ikkita uzun garnituradan iborat. Tolali mahsulot turiga qarab har xil garniturlar qo‘llaniladi.

Tozalovchi element xas-cho‘p, iflosliklarni yo‘qotish uchun kanalli uruvchi pichoqdan iborat. U mayda xas-cho‘p, iflosliklar, maydalangan chigit bo‘laklari va changni yo‘qotishni ta’minlaydi.



66–rasm. Tarovchi segmentlar

Tabiiy va kimyoviy tolalarni tarashda turli konstruksiyadagi qo‘zg‘almas segment elementlari qo‘llaniladi.



67-rasm. Qo‘zg‘almas tarash segmentlari

- paxta uchun
- viskoza uchun
- sintetika va paxta aralashmasi uchun
- juda yuqori unumdorlikda paxta uchun
- juda yuqori unumdorlikda sintetik tolalar uchun

10. Tarashga ta’sir etuvchi omillar

1. Garnituralarning holati. Garnituralarni to‘g‘ri tanlash katta ahamiyatga ega. Tolaning uzunligi, iflosligiga qarab garnitura nomeri tanlanadi. Garniturani charxlab, o‘tkirlab turish shart, ayniqsa shlyapkalarini.
2. Razvodka. Tavsiya qilingan razvodka o‘rnatilsa, tarash jarayoni samarali bo‘ladi.
3. Shlyapkalarining harakat yo‘nalishi.
 $V_{shlyapka} = 60 \div 100 \text{ mm/min}$. To‘g‘ri harakatlanganda.
 $V_{shlyapka} = 26 \div 40 \text{ mm/min}$. Teskari harakatlanganda.
4. Baraban tezligi.

Bosh barabanning tezligi tolalarning taralish sifatiga katta ta’sir ko‘rsatmaydi, lekin tarash jarayonini boshqarishda bu omil katta ahamiyatga ega.

11. Ajratuvchi baraban uzeli

Tarash mashinasining asosiy tarash zonasida tolali mahsulot taram va tarandiga ajraladi. Uzun tolalardan iborat bo‘lgan taram bosh baraban sirtida harakatlanib, ajratuvchi baraban garniturasini tishlariga borib uriladi va uning sirtiga o‘tadi. Ajratuvchi baraban garniturasini tishlarining qiyalik burchagi bosh barabannikiga qaraganda katta bo‘lganligi tolalarni bosh barabandan ajratuvchi barabanga o‘tishini ta’minlaydi, ammo tolalarning hammasi ham ajratuvchi barabanga o‘tmaydi (ular birin-ketin o‘tadi) tolalar qisman bosh baraban sirtida qoladi, unga qoldiq qatlama deyiladi.

Ajratuvchi baraban tezligi juda kichik, bosh baraban tezligi ancha katta, shuning uchun ajratuvchi baraban sirtiga o‘tgan tolali mahsulot qalinlashib (tolaning ustma-ust qo‘shilishi hisobiga) tekislanadi.

Tolalarni bosh barabandan ajratuvchi barabanga o‘tish shartlari


1. Bosh baraban bilan ajratuvchi baraban tishlarining o‘zaro parallel joylashganligi va ularning harakat yo‘nalishlari mosligi;
2. Bosh baraban sirtida hosil bo‘ladigan markazdan qochma kuchning ajratuvchi baraban sirtidagidan 400–500 marta ko‘pligi;
3. Ajratuvchi baraban garnitura tishlarining qiyalik burchagi kattaligi tufayli tolalarni ushlab qolish imkoniyatiga egaligi;
4. Ajratuvchi baraban garniturasi tolalar qatlamini ajratib olish uchun o‘ta tozalangan holda kelishi.
5. Havo bosimi kuchining kattaligi, havo kuchi yo‘nalishining tola ajralishiga ijobiy ta’siri.
6. Bosh va ajratuvchi barabanlar orasidagi razvodka kichikligi.

12. Tolali taramni ajratish

Ajratuvchi baraban sirtidagi tolali taram quyidagi moslamalar yordamida ajratib olinadi: tebranma taroqli mexanizm, valikli mexanizm, rotatsion mexanizm, pnevmatik moslama, elektrostatik moslama.

Tebranma taroqli mexanizm

Tebranma taroq po‘lat plastina bo‘lib, uning pastki qirrasi butun uzunligi bo‘ylab tishlardan iborat. Plastinaning eni 24 mm, qalinligi 1,5 mm va uzunligi 1025 mm ni tashkil etadi.




68–rasm. Taroqli mexanizm

1—ajratuvchi baraban; 2—tebranma taroq; 3—tirsak (richag); 4—val.


Tebranma taroq 1200–1800 teb/min gacha tebranib, garnitura sirtidan tolalarni urib tushiradi.

Rotasision valik ichi bo'sh silindr 1, silindrni radial yo'nalishda kesib o'tgan teshiklar 2, silindrning ichiga o'rnatilgan val 3, valga mahkamlangan taroqlar 4 lardan iborat. Silindr bilan val bir tomoniga qarab sinxron aylanadi, lekin val o'qi silindr o'qiga nisbatan ekssentrik tarzda o'rnatilgan. Shuning uchun taroqlarning har biri navbat bilan silindr teshigidan chiqib, ajratuvchi baraban sirtidan tolalar qatlamini tushiradi.



69-rasm. Rotatsion mexanizm

Fransiya tarash mashinalarida taramni ajratishda pnevmatik moslama ko'proq uchraydi. Bu usulda tolali taram ajratuvchi baraban sirtidan pnevmatik soplo yordamida tortib olinadi va ajratib uzatuvchi valikka beriladi.




70-rasm. Pnevmatik moslama

Elektrostatik moslama

Bu moslamada taram dastlab elektrostatik maydon ta'sirida garnitura sirtlaridan ajratilib so'ngra uzatuvchi valikka beriladi.

Valikli mexanizm

Ushbu mexanizm tarash mashinalarida keng ko'lamda qo'llanilib, tolalarning yaxshi to'g'rilanishiga va taramdagi tugunchalarning kamayishini ta'minlaydi.



71-rasm. Valikli mexanizm

1—ajratuvchi baraban; 2–3 – ajratuvchi valik; 4 – ezuvchi vallar;
7—zichlagich; 8—cho‘zish juftlari.


Bu mexanizmda tolali taram erkin holatda ajralishi uchun quyidagi shart bajarilishi lozim.

$$\vartheta_{\text{ajr.b.}} < \vartheta_{\text{ajr. uzat. valik}} < \vartheta_{\text{ajr. valik}} \text{ va } R \geq 350 \text{ sN.}$$

13. Tarash mashinasida pilta shakllantirish

Tarash mashinasining ajratuvchi baraban sirtidagi tolali qatlam (taram) ajratuvchi valik, ezuvchi vallar, zichlagich, cho‘zish asbobi yordamida piltaga aylantirilib so‘ngra pilta taxlagichda tazga joylanadi.

TC-03 tarash mashinasida taramni ajratish tizimi takomillashgan bo‘lib, taram ajratuvchi barabandan Webspeed pilta shakllantiruvchi moslamaga avtomatik yo‘naltiriladi. Webspeed taramni bir joyga to‘plab uni o‘lchovchi zichlagichga yo‘naltiradi.



72-rasm. Webspeed tizimi

1—ajratuvchi baraban; 2—ajratuvchi valik; 3—Nepcontrol moslamasi;
4—ezuvchi vallar; 5—taramni ko‘tarib turuvchi lotok; 6—pulta shakllantiruvchi Webspeed qurilmasi; 7—datchik; 8—jipslovchi vallar.

Nepslar miqdorini aniqlovchi Nepcontrol TC-NCT qurilmasini ajratuvchi baraban zonasida yo‘naltiruvchi profil o‘rniga o‘rnatish mumkin.


Bu moslama nepslar miqdori, xas-cho‘p, iflosliklar va maydalangan chigit bo‘laklarini aniqlab boshqarish tizimiga axborot uzatadi.

Ezuvchi vallar

Tolali taram tarkibida tozalanmay qolgan iflosliklar va xas-cho‘plarni ezuvchi vallar katta kuch ta’sirida maydalaydi, ularning tola bilan ilashish kuchi kamaytiriladi. Natijada maydalangan xaslar cho‘zish asbobigacha o‘z og‘irligi bilan tushib ketadi. Ezuvchi vallar diametri 76 mm bo‘lib, qattiq po‘latdan tayyorlanadi va sirti nikel yoki xrom bilan qoplanadi. Ularning aylanishdagi chayqalishi 0,01 mm dan oshmasligi kerak.

Zichlagich

Tolali taramdan pilta shakllantirish zichlagichlar yordamida amalga oshiriladi. Zichlagich taralgan tolalarni (taramni) bir joyga (markazga) yig‘adi va harakat yo‘nalishi bo‘ylab zichlashishiga xizmat qiladi. Zichlagichlarning konstruksiyasi turlicha bo‘lib, ularning takomillashgani mahsulot qalinligini o‘lchash va nazorat qilish funksiyalarini ham amalga oshiradi. Eng muqobili ellips shaklidagi uzaytirilgan zichlagichlar hisoblanadi.



73–rasm. Zichlagich



74–rasm. Pilta shakllantirish

1–pulta; 2–o‘lchovchi zichlagich; 3–o‘lchovchi richag; 4–signal o‘zgartirgich; 5–datchik.

Uzun qirqimlarda rostlash

Datchik chiqaruvchi voronkada piltaning chiziqiy zichligini o‘lchaydi. Bu signalga mos ravishda ta’minlovchi silindrning aylanish

sonini o'zgartiradi. Datchik pilta chiziqiy zichligining barcha diapozonida nazorat qiladi.

Kalta qirqimlarda rostlash

TC-03 rusumli tarash mashinasi kalta kesimda piltaning chiziqiy zichligini boshqarish tizimi bilan jihozlangan. Bu tizim piltaning bir tekisligini sezilarli darajada yaxshilaydi. U 1 m dan kam uzunlikda ishlaydi. Sensofeed integral tizim pilta chiziqiy zichligini uzlusiz o'lchab, ular asosida ta'minlovchi silindrning aylanishlar sonini o'zgartiradi.


Cho'zish asbobi

Cho'zish asbobi ajratuvchi barabandan chiqqan taramni $1,5 \div 2,5$ marta ingichkalashtiradi. Cho'zish asbobi zichlagichdan kelayotgan signal asosida cho'zish juftligi tezligini avtomatik o'zgarishini amalga oshirib, bir tekis pilta chiqarish vazifasini bajaradi.

Cho'zish asbobi ayrim holatlardagina piltaning chiziqiy zichligini pasaytirishi yoki ko'paytirishi mumkin.

Trutzschler firmasining tarash mashinalari pilta taxlagich qurimasida IDF cho'zish asbobi ishlatilmoqda. U quyidagi afzallikkarga ega:

- ikki zonali 3×3 cho'zish asbobi va servouzatmalar bilan jihozlangan;
- kichik inersiya massasi hisobiga yuqori dinamik boshqarish xususiyati 300% gacha cho'zish imkonini beradi.
- pilta chiqarish tezligi 500 m/min gacha oshirilgan.



75-rasm. IDF cho'zish asbobi

1—yo'naltiruvchi rolik; 2—piltaning chiziqiy zichligini o'lchovchi zichlagich; 3— 3×3 cho'zish asbobi; 4—sifat datchigi chiqishdagi o'lchovchi zichlagich; 5—chiqaruvchi valik; 6—pulta taxlagich tarelkasi.


Cho‘zish asbobi piltaning harakat trayektoriyasida o‘rnatilgan. 6 yoki 8 ta piltani cho‘zishga mo‘ljallangan piltalash mashinasining ishini yengillashtiradi. Unga qaraganda qisqa cho‘zish asbobi ancha arzon. Ustki valikning yuklanishi pnevmatik usulda amalga oshiriladi

Pilta taxlagichlar


Pilta taxlagich zichlovchi valiklar, ularni yuklovchi moslama, ustki va pastki tarelka hamda tarelkalarni harakatlantiruvchi moslamalardan iborat. Ustki tarelkada maxsus qiya naycha bo‘lib, u markazga nisbatan ekssentrik holda o‘rnatiladi. Pilta taxlanganda quyidagilarga e’tibor berilishi shart:

1. Taz ko‘proq to‘lg‘azilishi kerak.
2. Keyingi bosqichda pilta tazdan erkin chiqishi ta’minlanishi kerak.

Katta hajmdagi tazlarda pilta siyrak taxlanishi istiqbolli hisoblanadi, chunki piltaning tazdan chiqishi yengillashib sifati pasaymaydi.



*76-rasm. Pilta taxlagich
Avtorostlagichlar va sezgir elementlar*



77-rasm. Avtorostlagich

Avtorostlagichlar elektron qurilma bo‘lib, zichlagichning sezgir elementi aniqlagan signalni kuchaytirgich yordamida uzatadi. Avtorostlagichlar ta’minlovchi silindr tezligini o‘zgartirish asosida ishlaydi.

14. Tarash darajasi

Tarash mashinasi ishini baholash uchun tarash darajasi qabul qilingan. Tarash darajasi bosh baraban sirtidagi tolalar qatlamining qalnligini yoki bitta garnitura tishiga qancha tola to‘g‘ri kelishini bildiradi. Ta’minlovchi silindr tezligi oshirilsa, mashinaga berilayotgan tolali qatlam miqdori ortadi va bitta tishga to‘g‘ri keladigan tolalar soni ko‘payadi. Demak, tola yaxshi taralmaydi, tarash darajasi pasayadi. Aksincha ta’minlovchi silindr tezligi kamaytirilsa, mashinaga berilayotgan tolali qatlam yupqalashadi, natijada bitta tishga kamroq tola to‘g‘ri keladi. Demak, tolalar yaxshi taraladi, tarash darajasi ortadi – taram (pilta) sifati yuqori bo‘ladi.

Tarash darajasini quyidagicha aniqlash mumkin:

$$S = \frac{\vartheta_{b.b}}{\vartheta_{t.s}} = \frac{\pi \cdot d_{b.b} \cdot n_{b.b}}{\pi \cdot d_{t.s} \cdot n_{b.b}},$$

bu yerda: $\vartheta_{b.b}$ – bosh barabanning chiziqli tezligi, m/min.

$\vartheta_{t.s}$ – ta’minlovchi silindrning chiziqli tezligi, m/min .

$d_{b.b}$ – bosh baraban diametri, mm.

$n_{b.b}$ – bosh barabanning aylanishlar soni, min^{-1} .

$d_{t.s}$ – ta’minlovchi silindr diametri, mm.

15. Tarash mashinasining unumdorligi

$$A = \frac{\pi \cdot d_{a.b} \cdot n_{a.b} \cdot 60 \cdot e \cdot T_p}{1000^2} \quad [\text{kg/soat}],$$

bu yerda. $d_{a.b}$ – ajratuvchi baraban diametri, mm.

$n_{a.b}$ – ajratuvchi baraban tezligi, min^{-1} .

T_p – piltaning chiziqiy zichligi, teks.

e – cho‘zish asbobi va pilta taxlagich orasidagi xususiy cho‘zilish miqdori ($1,5 \div 2,5$).

Nazorat savollari

1. Tarashning maqsadi va mohiyati nimalardan iborat?
2. Tarash mashinasining vazifalari nimalardan iborat?
3. Mashinada asosiy tarash qayerda amalga oshadi?
4. Garnitura nomeri nimani bildiradi va u qanday aniqlanadi?
5. Tarashda qanday garnitura turlari qo'llanadi?
6. Bir kamerali va ikki kamerali bunkerli ta'minlagichlar qanday ishlaydi?
7. Qabul barabani uzelining vazifalari nimalardan iborat?
8. Qabul barabani uzelining qanday turlari mavjud?
9. Sensofeed tizimi qanday afzalliklarga ega?
10. Webfeed tizimi qanday afzalliklarga ega?
11. Arra tishli sirtlarning qanday holatlarida tarash sodir bo'ladi?
12. Qabul barabandan bosh barabanga tolalar o'tishining qanday shartlari mavjud?
13. Asosiy tarash zonasida qaysi ishchi organlar ishtirok etadi?
14. Shlyapkalarning qanday harakat yo'naliishlari mavjud?
15. Asosiy tarash zonasi qanday tarkibiy qismlardan iborat?
16. Asosiy tarash jarayonida ishlataladigan taroqli segmentlar qanday vazifani bajaradi?
17. Tarash sifatiga qanday omillar ta'sir etadi?
18. Tolalarni bosh barabandan ajratish barabaniga o'tish shartlari nimalardan iborat?
19. Tolali taramni ajratishda qanday organlar ishtirok etadi?
20. Taramni ajratuvchi moslamalarning qanday turlari mavjud?
21. Valikli mexanizmning afzalliklari nimada?
22. Ezuvchi vallarning vazifalari nimalardan iborat?
23. Taram qanday qilib piltaga aylantiriladi?
24. Zichlagichlar qanday vazifalarni bajaradi?
25. Tarash darajasi nimani bildiradi?
26. Avtorostlagichlar qanday ishlaydi?
27. Tarash maninasining unumdorligi qaysi formula bilan aniqlanadi?

7-BOB. QAYTA TARASH JARAYONI

Tarash mashinasi piltasida turli uzunlikdagi, ajratilmagan tolalar, tugunaklar, tolali chigit po'stlog'i va iflosliklar sezilarli miqdorda (1 g taramda 1–1,5 % gacha) mavjud bo'ladi. Hatto birinchi nav paxta tolalarini ishlatganda ham 1 g taram tarkibida 100–180 ta nuqsonlar saqlanib qoladi. Bularni bartaraf etish maqsadida qayta tarash sistemasi qo'llaniladi. Bu sistemada olingan ip pishiqligi, ravonligi, silliqligi, elastikligi, jilvalanishi va tozaligi bilan ajralib turadi.

Qayta tarash jarayonining maqsadi bir tekis, jips va silliq ingichka ip ishlab chiqarish uchun qayta taralgan pilta tayyorlashdan iborat.

Qayta tarash jarayonining mohiyati qisilgan tolalar tutamini bir necha taroqlar yordamida dastlab old uchlarini, so'ngra orqa uchlarini tarab, ignalar yordamida alohida-alohida tolalarga ajratib, ularni parallel joylashtirib tekislashdan, kalta tolalar va mayda nuqsonlarni tarab tashlashdan iboratdir. Qayta tarash jarayonining kamchiligi shundan iboratki, keltirilgan birorta vazifa to'la bajarilmaydi.

1. Qayta tarash-yigirish sistemasining xomashyosi

Qayta tarash iplarini tayyorlash uchun, odatda 1a; 1b; 1; 2; 3 tiplarga mansub tolalar ishlatiladi. Qayta tarash iplarining tannarxini kamaytirish maqsadida, ularni tayyorlashda 4–5 tip o'rta tolali paxtani ishlatish tajribasi ham qo'llanilmoqda. Bularidan tashqari kimyoviy shtapel va paxta tolalari aralash-masidan qayta tarash iplari tayyorlash ham talabga muvofiq qo'llanishi mumkin. Kimyoviy shtapel tolalarni paxta bilan aralashtirish piltalash mashinasida amalga oshirilganda komponentlar doimiyligi saqlanib, yuqori sifatli qayta taralgan iplar olinadi.

2. Mahsulotni qayta tarashga tayyorlash usullari

Tarash piltasi tarkibidagi tolalarning to'g'rilanish koeffitsiyenti, ya'ni to'g'rilanmagan tola uzunligining to'g'rilangandan keyingi uzunligiga nisbati past ($\eta=0,5-0,6$) bo'lib, uni qayta tarashda to'g'ridan-to'g'ri ishlatilsa, kalta tolalar bilan birgalikda uzun tolalar ham tarandi tarkibiga o'tib ketadi. Shuning uchun mahsulot qayta tarashga tayyorlanadi.

Mahsulotni qayta tarashga tayyorlashning maqsadi qayta tarash jarayonini bir maromda o'tishini ta'minlashga xizmat qiluvchi bir tekis

tuzilishdagi tolali mahsulot (xolstcha) tayyorlash va taralgan piltadan qayta taralgan pilta hamda ip chiqish miqdorini oshirishdan iboratdir.

Mahsulotni qayta tarashga tayyorlashning mohiyati esa cho‘zish asbobi orqali mahsulotni cho‘zish natijasida tolalarning uchlarini tekislash, parallellashtirish, mahsulotni qo‘shish orqali ko‘ndalang va bo‘ylamasiga tuzilishi bir xil bo‘lgan, g‘altakka o‘ralgan xolstcha tayyorlashdan iborat.

Mahsulotni qayta tarashga tayyorlashning uch va ikki bosqichli usullari mayjud:

1. Uch bosqichli usul:

- taralgan piltadan piltalash mashinasida piltalangan pilta olinadi;
- olingan mahsulotdan piltabirlashtiruvchi mashinada xolstcha tayyorlanadi;
- xolstcha xolst cho‘zish mashinasida cho‘zilib, tolalari to‘g‘rilangan bir tekis xolstchalarga aylantiriladi.

2. Ikki bosqichli usul:

- taralgan piltadan piltalash mashinasida piltalangan pilta olinadi;
- 16, 24, 32, 48 ba’zan 60 tagacha piltalangan piltalar piltabirlashtiruvchi mashinasidan o‘tkazilib, xolstcha shakllantiriladi.

Mahsulot qayta tarashga qanchalik sifatlari tayyorlansa, qayta tarash jarayoni shunchalik yaxshi o‘tadi, tarandi kam chiqadi, qayta taralgan piltaning miqdori ortadi. Qayta tarashga tayyorlangan mahsulot – xolstchani tashkil etuvchi tolalarning to‘g‘rilanganlik koeffitsiyenti $\eta=0,86$ gacha yetadi.


3. Xolstcha shakllantiruvchi mashinalar

«Tekstima» firmasining 1576 modelidagi piltabirlashtiruvchi mashinada og‘irligi 24–27 kg bo‘lgan xolstchalar soatiga 300–350 kg unumdoorlikda tayyorlanadi. Mashina 24 ta piltani qo‘shib, chiziqli zichligi 60–80 kteks bo‘lgan eni 265 mm, diametri 380 mm xolstchalar tayyorlashga mo‘ljallangan.

Ta’minlovchi stol atrofiga diametri 500 mm va undan katta bo‘lgan balandligi 1000 mm li tazlar joylashtiriladi. Tazlardagi piltalar tortib uzatuvchi silindr va valiklar juftligi yordamida harakatlantirilib stolchaga yo‘naltiriladi.

Stolchaning sirti sayqallanib (xromlangan) silliqlangan bo‘lib yashirin cho‘zilishning oldini oladi. Stolchada harakatlanayotgan alohida-alohida piltalar yassilovchi vallarga uzatiladi va piltalar tekislanib

(yassilanib), zichlab o‘rovchi mexanizmga uzatiladi. Ushbu mexanizmda piltalardan xolstcha shakllantiriladi.




78–rasm. 1576 pilta birlashtiruvchi mashina

1, 2–yo‘naltiruvchilar; 3–yassilovchi vallar; 4–o‘rovchi vallar; 5–g‘altak; 6–xolstcha; 7–taz, 8–silindr; 9–signal lampasi.

Angliyaning Lap-Forms xolst shakllantiruvchi mashinasida 48 piltalangan pilta, Amerikaning Super Lap xolstcha shakllantiruvchi mashinasida 60 ta piltalangan piltadan (3 guruhga bo‘lingan 16–20 ta pilta) xolstcha tayyorlash usuli mavjud.


Platt firmasi LAP-former 701 modelli pilta birlashtiruvchi mashinasida 48 tagacha piltalangan piltani qo‘shib 2–5 marotaba cho‘zib diametri 600 mm, eni 300 mm, massasi 27 kg bo‘lgan xolstcha tayyorlash mumkin. Dunyo to‘qimachilik korxonalarida Marzoli (Italiya), Xova, Tayota (Yaponiya), Uayting (AQSh), Trutzschler (Germaniya), Rieter (Shveysariya) firmalarining piltabirlashtiruvchi mashinalari xolstcha shakllantirishda samarali ishlatilmoqda.




79–rasm. Super Lap xolstcha shakllantiruvchi mashina

1–piltalar; 2–«3×3» sistemasidagi cho‘zish asbobi; 3–qo‘shilgan piltalar;

4–5–6–yassilovchi valiklar; 7–stolcha; 8–tekislovchi stol; 9–yassilovchi-ezuvchi vallar; 10–o‘rovchi silliq ustki val; 11–o‘rovchi qirrali pastki val; 12–xolstcha.



80-rasm. “Trutzschler” firmasining SL-1 piltabirlashtiruvchi mashinasi



81–rasm. “Rieter” firmasining Omega Lap-35 piltabirlashtiruvchi mashinasi

4. Piltabirlashtiruvchi mashina unumdorligi

Piltabirlashtiruvchi mashinaning nazariy unumdorligi quyidagi formula yordamida hisoblanadi:

$$A_n = \frac{\pi \cdot d_{o'r.v.} \cdot n_{o'r.v.} \cdot 60 \cdot T_x}{1000} \text{ yoki } A_n = \frac{g_{o'r.v.} \cdot 60 \cdot T_x}{1000}, \text{ [kg/s];}$$

bu yerda:

$d_{o'r.v.}$ – o‘rovchi val diametri, mm;

$n_{o'r.v.}$ – o‘rovchi val aylanishlar chastotasi, min^{-1} ;

T_x – xolstchaning chiziqiy zichligi, kteks;

$g_{o'r.v.}$ – o‘rovchi valning chiziqiy tezligi, m/min.

5. Qayta tarash mashinalari

Paxta tolasini qayta tarashda asosan davriy ishlovchi bir tomonli mashinalar ishlatalmoqda. Qisqichlar va ajratuvchi moslamalar ishlashiga ko‘ra qayta tarash mashinalarini quyidagi turlarga ajratish mumkin:

1. Qo‘zg‘almas qisqichli va qo‘zg‘aluvchan ajratuvchi moslamali mashinalar –

G-4 «Penztekmash» (Rossiya);


2. Qisqichlari davriy harakatlanuvchi mashinalar – GD-12 «Penztekmash» (Rossiya); 140-CA «Sako-Lauell» (AQSh);

3. Qisqichlari uzlusiz harakatlanuvchi mashinalar 1532; 1533 «Tekstima»; TCO-1 «Trutzschler» (Germaniya); Senchuri-720 «Platt» (Angliya); E-62, E-72 «Rieter» (Shveysariya); MCI «Marzoli» (Italiya); Kartori-K «Xova» (Yaponiya).

Qayta tarash mashinalarida bir vaqtning o‘zida 4,6,8 yoki 12 ta xolstcha ishlatalishi mumkin. Qayta tarash jarayoni davriy bo‘lib, siklik diagramma asosida boshqariladi.

Mashinada dastlab qisqichlarga qisilgan tolalar tutamining old uchlari taroqli barabanchaning taroqlari bilan taraladi, so‘ngra tolalar tutamining orqa uchlari ustki taroq ignalari orasidan o‘tkazib taraladi.

«Tekstima» firmasining 1532 modelidagi qayta tarash mashinasida bir vaqtning o‘zida 8 ta xolstcha ishlatalib, ulardan 2 ta pilta shakllantiriladi va tazga joylanadi.



82-rasm. Qayta tarash mashinasi

1—yumalatuvchi valiklar; 2—ta’minlovchi silindrlar; 3—ustki qisqich; 4—ustki taroq; 5—ajratuvchi valiklar; 6—zichlagich; 7—ezuvchi vallar; 8—pilta yo‘naltirgich; 9—yo‘naltiruvchi stol; 10—ajratuvchi silindrlar; 11—tozalovchi valik; 12—perfobaraban; 13—taroqli segment; 14—taroqli barabancha; 15—pastki qisqich.


Mashina davriy ishlashga moslashgan bo‘lib, 4 ta davr asosida mahsulotni qayta taraydi. Tarab ajratilgan kalta tolalar va nuqsonlar tozalovchi shchyotka orqali ajratilib perfobaraban sirtida havo yordamida so‘rilib yig‘iladi va umumiylashtiriladi. Tarab tozalangan uzun tolalardan pilta shakllantirilib, ular to‘rtta-to‘rttadan birlashtiriladi va cho‘zish asbobida cho‘zilib ikkita piltaga aylantirilgach, pilta taxlagich yordamida tazga joylanadi.

Uzun tolali paxta ishlatilganda 25 foizgacha, o‘rta tolali paxta ishlatilganda esa 8–15 foizgacha qayta tarash tarandisi ajratiladi.


Qayta tarash mashinasining ishlash davrlari

Qayta tarash mashinasida bir sikl 4 davrdan iborat bo‘lib, u juda qisqa vaqt 0,3–0,4 sekund (soniya) oralig‘ida davom etadi.

Birinchi davr – tolalar tutamining oldingi uchlarini taroqli barabancha bilan tarash.




Ikkinci davr – Taralgan tolalar tutamini ajratishga va orqa uchlarini tarashga tayyorlash.



Xolstchaning uchlari tutam shaklida qisqichlarga qisilgan holatda osilib turadi. Taroqli segment ignalari bilan ularni tarab, kalta tolalardan va nuqsonlardan tozalaydi. Uzun tolalar alohida tolalarga ajraladi, to‘g‘rulanadi va parallelashadi.


Qisqichlar oldinga harakatlanib, ochila boshlaydi va taralgan tolalar tutamini ajratuvchi moslamaga yaqin olib boradi. Ajratuvchi moslama avvalgi siklda taralgan tolalar tutami porsiyasini ozgina orqaga qaytaradi. Orqadagi ajratuvchi valik faqat harakatlanib qolmasdan, silindr ustida yumalab tutamni pastga bosib, uzatilayotgan porsiya bilan tutashishiga qulay sharoit yaratadi. Ustki taroq oldinga qarab harakatlanib, tolalarning orqa uchlarini tarashga tayyor holatga keltiradi.

Uchinchi davr – tolalar tutami orqa uchlarini tarash, ajratish va porsiyalarni ulash.



Ajratuvchi moslamaga keltirilgan old uchlari taralgan tolalar tutami avval ajratilgan porsiyaga ulanib orqa juftlikda qisiladi. Ajratuvchi silindrlar harakat yo‘nalishini o‘zgartirib, katta tezlikda ustki taroq ignalariga sanchilgan tolalarni tortib oladi. Tolalar tutamining orqa uchlarini ustki taroq ignalarida taraladi. Qisqichlar oldinga harakatlanishini davom ettiradi.

To‘rtinchi davr – Tolalar tutami oldingi uchlarini tarashga tayyorlash.




Ajratuvchi moslama tolalar tutami porsiyasini olib chiqishda davom etadi. Qisqichlar va ustki taroq yo‘nalishini o‘zgartirib orqaga qarab harakatlana boshlaydi va sekin yopila boradi. To‘rtinchi davrning oxirida qisqichlar to‘la yopiladi, tolalar tutami ular orasida qisilib, osilgan holatga keladi.

83–rasm. Qayta tarash mashinasining davrlari a), b), d), e)


Siklik diagramma

Qayta tarash mashinasining barcha ishchi organlari o‘zaro mutanosib ishlashi va operatsiyalarni ketma-ket amalga oshishini ta’minlashi kerak. Shuning uchun ishchi qismlar 40 bo‘linmaga ajralgan indikatorli disk yordamida sozlangan bo‘ladi. Taroqli barabancha yordamida tarash siklining 12,5 % ini, ustki taroq yordamida tarash esa 30 % ini tashkil etadi. Umumiylar tarash bir siklining 42,5 % vaqtida davom etadi. Siklining qolgan 57,5 % i tutamning old va orqa uchlarini tarashga tayyorlashga sarflanadi.




84–rasm. Textima 1532 qayta tarash mashinasining siklik diagrammasi.

Marsoli firmasining MCI modelidagi qayta tarash mashinasida sakkizta alohida xolstchadan nuqsonlar va kalta tolalar ajratilib, bitta qayta taralgan pilta shakllantiriladi.



85–rasm. MCI qayta tarash mashinasining ishchi organlari
1–ajratuvchi silindrlar; 2–ustki taroq; 3–ustki va pastki qisqichlar; 4–
ta'minlovechi silindr; 5–tolalar tutami.

Tolali mahsulot taralgandan so‘ng bir juft silindrlar orasidan o‘tib tekislanadi va zichlagichdan o‘tib pilta shakliga keltiriladi. Silliq stolchada 8 ta pilta birgalikda harakatlanib, cho‘zish asbobida cho‘zilib bitta qayta taralgan pilta tayyorlanadi va tazga tahlanadi.




86–rasm. MCI qayta tarash mashinasining ishlash davrlari


1. Tolalarning oldingi uchlarini tarash
2. Taralgan tolalarni orqaga harakatlantirish
3. Tolalarning orqa uchlarini tarash
4. Tolalar oldingi uchlarini tarashga tayyorlanish.

Qayta tarash


1–davr: Taroqli segment tolalar tutamining oldingi uchlarini taraydi. Qisqichlar orqaga harakatlanib to‘xtaydi. Qisqichlar bilan ajratuvchi silindrlar orasidagi masofa minimal darajada bo‘ladi. Ta’minlovchi silindr va ustki taroq harakatlanmaydi.



2–davr: Oldin taralgan tolalar orqaga harakatlantirilib, uzatilayotgan tolalar tutami bilan birlashtiriladi. Ustki taroq pastga tusha boshlaydi, ajratuvchi silindrlar teskari harakatlanadi, qisqichlar ajratuvchi silindrlar tomon harakatlanib ochila boshlaydi. Ta’minlovchi silindr va ustki taroq harakatlanmaydi.



3-davr: Ajratuvchi silindrlar o‘z yo‘nalishida aylanib, tolalarni oldinga siljitadi. Ustki taroq ignalari tolalar tutamiga to‘la sanchilib, tolalarning orqa uchlarini taraydi. Qisqichlar butunlay ochilib, ajratuvchi silindrlarga juda kichik masofada yaqinlashadi va o‘zining harakatini qaytadan boshlaydi.



87-rasm. MCI qayta tarash mashinasining birinchi *a*), ikkinchi *b*), uchunchi *d*) davrlari

MCI qayta tarash mashinasining uchta davrda mutanosib ishlashi kompyuter dasturlari yordamida boshqariladi. To‘rtinchi davrdatolaning oldingi uchlarini tarashga tayyorlanadi.


6. Qayta tarash mashinasining asosiy mexanizmlari

Qayta tarash mashinasasi ta’minlash mexanizmi, qisqichlar, taroqli barabancha, ustki taroq, ajratuvchi mexanizm kabi asosiy ishchi organlardan iborat. Ularning o‘zaro mutanosib ishlashi qayta tarash jarayoni samaradorligini ta’minlaydi.

Ta'minlovchi mexanizm

Ta'minlovchi mexanizm asosan xostchaning ta'minlash uzunligiga teng qismini ta'minlash silindrlari yordamida tarash jarayoniga uzatish vazifasini bajaradi. Ta'minlovchi mexanizm ikkita yumalatuvchi valik, ikkita ta'minlovchi silindr dan iborat bo'lib, xolstchani yumalatuvchi valiklar uzlusiz yoyib, lotok orqali ta'minlovchi silindr larda qisilgan holda ushlab turadi. Ta'minlovchi silindr lar davriy holda harakatlanib, 4-davrda ta'minlash uzunligining bir qismini tarashga uzatadi.

Taroqli barabanchaning bir marta aylanishi davomida xolstcha yoyilgan qismining tarangligini ikki qismidan iborat yig'ma lotoklar – kompensator rostlaydi.



88–rasm. Ta'minlash mexanizmi

1–ustki ta'minlovchi silindr; 2–pastki ta'minlovchi silindr; 3–ustki qisqich; 4–pastki qisqich; 5–xropovik; 6–suruvchi ilgak.


Ta'minlovchi silindr lar bir siklning 1/3 qismida harakatlanadi, yumalatuvchi valiklar esa uzlusiz harakatda bo'ladi. Ta'minlash uzunligi silindrning uzatayotgan tolalar tutami uzunligi bilan ifodalanib, uning kattaligi «Tekstima-1532» mashinasida 6,5; 5,9 va 5,4 mm ga, Rieter firmasining E 72 qayta tarash mashinasida esa 5,9 va 4,3 mm ga teng.

Qisqichlar oldinga harakat qilganda ta'minlovchi silindr 1, 2 lar ma'lum uzunlikdagi xolstchani uzatadi. Har bir siklda ta'minlovchi silindr lar qisqichlar 3,4 bilan birga ajratuvchi silindr lar tomon harakat qiladi va xropovik 5 tishlari orasiga ilgak 6 kirib uni bitta tishga aylantiradi. Qisqichlar orqaga qaytganda esa ilgak xropovik tishlari ustida sirpanib keyingi bitta tishga siljib o'tadi, lekin xropovikni aylantirmaydi. Ustki silindr 1 kuch ta'sirida pastki silindr 2 ga bosilib, ishqalanish orqali uni harakatlantiradi.

Qisqichlar

Qo‘zg‘aluvchan qisqichlar 1, 2 xolstcha tutamini mahkam qisib, taroqli barabancha 3 tolalarni tarash vaqtida tutib turishga va taralgan tolalar tutamini ajratuvchi mexanizm 4 ga uzatishga xizmat qiladi.

Qisqichlar tayanchli mayatnik tipida bo‘lib, ular qisqichlar ramasi 5 ga joylashtirilgan. Qisqichlar ramasiga pastki qisqich 2 mahkamlangan bo‘lib, ular birgalikda mahsus o‘q 6 ga osib qo‘yilgan. Tebranma harakatni qisqichlar o‘z vali 8, 9 dan richag 7 va 15 lar orqali oladi. Qisqichlar vali kulisali mexanizm orqali harakatga keltiriladi. Qisqichlar oldinga sekin, orqaga esa tez harakatlanadi.



89-rasm. Qisqichlar

1–ustki qisqich; 2– pastki qisqich; 3– taroqli barabancha; 4– ajratuvchi mexanizm; 5– qisqichlar ramasi; 6– o‘q; 7– kronshteyn; 8– oldingi qisqichlar vali; 9– orqa qisqichlar vali; 10–rostlanuvchi tortgich; 11–richag; 12– xalqa; 13–sterjen; 14–prujina; 15–kronshteyn; 16,17–richaglar.


Tarandi miqdori ustki qisqich va ajratuvchi mexanizm orasidagi razvodka bilan rostlab turiladi.

Razvodka 18–19 mm bo‘lganda 10% miqdorida, 21–22 mm bo‘lganda esa 20% miqdorida tarandi ajraladi.

Taroqli barabancha

Taroqli baraban tezligi bir sikl davomida o‘zgaruvchan bo‘ladi. 1–davrda taroqli barabancha maksimum tezlik bilan harakatlanadi, qolgan davrlarda esa tezlik kamayadi. Tezlikning o‘zgarishi differensial mexanizm orqali boshqarib turiladi.


Taroqli barabanchaning aylanish chastotasi 1532 «Tekstima» mashinasida $180\text{--}200 \text{ min}^{-1}$, «Senchuri» mashinasida $250\text{--}300 \text{ min}^{-1}$, «Xova» mashinasida $225\text{--}250 \text{ min}^{-1}$, MCI «Marzoli» mashinasida 350 min^{-1} , E 72 «Rieter» mashinasida 400 min^{-1} ga teng.



90-rasm. Taroqli barabancha

1—baraban; 2—val; 3—4—6—10—bolt; 5—planka; 7—taroq; 8—igna; 9—segment.

Barabanchada taroqli segment 1 o‘rnatilgan bo‘lib, u konstruksiyasi bo‘yicha yig‘ma yoki quyma bo‘lishi mumkin. Yig‘ma segment keng tarqalgan unda taroqlar soni 14 tadan 21 tagacha bo‘ladi. Har bir taroq 2 signalari bittadan planka 3 ga mahkamlangan bo‘lib, plankalar bir-biriga bolt 4 yordamida qotiriladi.



91-rasm. Yig‘ma segment

1—taroqli segment; 2—taroq; 3—planka; 4—bolt.

1—qator ignalar yo‘g‘on va siyrak. Undan keyingisi ingichkaroq va zichroq joylashtiriladi. Ignalarning joylashishiga qarab guruhlarga bo‘linadi, ya’ni birinchi 3—4 qator siyrakroq, keyingi qatorlar sal zichroq, oxirgi qatorlari esa zich qilib va mayda ignalardan terilgan segment bo‘lishi mumkin. Shuning uchun tolalar uzilmaydi va shikastlanmaydi.

Qayta tarash mashinasida ko‘ndalang kesimli har xil bo‘lgan ignalar ishlatalidi.




92–rasm. yumaloq **a)** va ovalsimon **b)** ignalar

– Ko‘ndalang kesimi yumaloq shakldagi igna juda ham katta dinamik kuchlarga bardosh bera oladi, lekin ularning uchlari tez-tez deformasiyalanib ishga yaroqsiz bo‘lib qoladi.

– Ovalsimon kesimli ignalarda tarash jarayoni juda yaxshi amalga oshiriladi, chunki bu turdagি ignalarda tolaning metall sirtda sirpanish maydoni yumaloq ignalarga nisbatan kattaligi natijasida ishqalanish kuchining miqdori ham ortadi va tarash darajasining oshishiga olib keladi.

Ustki taroq

Ustki taroqning asosiy vazifasi tolalar tutamining orqa uchlarini tarashdan iborat. Ustki taroq plastinka 1 ning pastki egilgan qismi yuzasiga ignalar 2 ma’lum tartibda kavsharlangan. Ustki taroq maxsus o‘yiqga joylashgan bo‘lib, uning holati bolt – gayka juftligi 3 bilan rostlanadi.



93–rasm. Ustki taroq

1–plastinka, 2–ignalar

Ustki taroq oldinga, ya’ni ajratuvchi mexanizmga qarab harakatlanganda pastga tushadi va tutamga sanchiladi. Orqaga qaytishda ajratuvchi mexanizmdan uzoqlashadi va ko‘tariladi.


Ajratuvchi mexanizm

Ajratuvchi mexanizm ikkita old va orqa silindr dan va ular ustiga yuk ta’sirida bosilib turuvchi elastik qoplamlari valiklardan iborat.

Ajratuvchi silindrlar planetar uzatma orqali reversiv (harakat yo‘nalishi o‘zgaruvchan) harakatni krivoshipli mexanizmdan oladi. Silindrlar ikki xil harakatda bo‘ladi:

- tezlik va yo‘nalishi doimiy (asosiy);
- tezlik va yo‘nalishi o‘zgaruvchan (qo‘shimcha).

Bunday o‘zgaruvchan tezliklar differensial mexanizm yordamida hosil qilinadi.



94—rasm. Ajratuvchi mexanizm

1—ajratuvchi silindrlar; 2—ajratuvchi valiklar; 3—ustki taroq ignalari;
4—ustki taroq plastinkasi; 5—ustki taroqqa harakat uzatuvchi val;
6—taroqli barabancha.

Asosiy tezlik bilan qo‘shimcha tezlik harakat yo‘nalishi bo‘yicha mos kelsa, taram mashinadan chiqariladi. Agar qo‘shimcha tezlik asosiy tezlikga qarama-qarshi yo‘nalishda bo‘lsa, silindr orqaga harakatlanib, ilgari taralgan taramni ulanishi uchun orqaga qaytaradi.

7. Tolalarning uzunliklari bo‘yicha saralanishi

Qayta tarash jarayonida mahsulotni uzun va kalta tolalarga, ya’ni taram va tarandiga ajralishini saralanish hodisasi deb tushuniladi. Bu hodisa salbiy hisoblanib, noaniq saralanuvchi tolalar miqdorini kamaytirish maqsadida tegishli chora-tadbirlar qo‘llaniladi.

Taroqli barabancha tolalar tutamining faqat qisqichlardan tashqaridagi, ya’ni qisilmagan uchlarini taraydi.

Har bir siklda ajratuvchi mexanizm yordamida ta’minalash uzunligiga teng bo‘lgan tolalar tutami – taram piltaga aylanadi.

Tolalar tutamining uzunligi qisqichlar bilan ajratuvchi mexanizm o‘rtasidagi razvodkaga, ta’minlash uzunligiga, taroqli barabancha bilan ustki taroqning tezliklari nisbatiga bog‘liq bo‘ladi. Ushbu omillar yordamida tolalarning saralanib ajralishini boshqarish mumkin.

8. Tarash darajasi va karraligi

Taroqli barabancha ignalarining tolalarga intensiv ta’sirini tarash darajasi bilan baholash mumkin. Tarash darajasi tolalar tutamidagi bitta tolaga to‘g‘ri keladigan ignalar soni bilan izohlanadi.

Tarash darajasi quyidagi omillarga bog‘liq:

m – barabanchaning 1 sm eniga to‘g‘ri keladigan ignalar soniga;

B – tolalar tutamining eniga;

R – ajratuvchi mexanizm bilan pastki qisqich orasidagi razvodkaga;

L – ajratish jarayoni tugagandan keyingi tolalar tutamining uzunligiga; ($L_{\text{tot}} = R + A + (1 - \alpha) \cdot F$)

F – ta’minlash uzunligiga;

A – ajralish jarayonida qisqichlar bilan ustki taroq yo‘llari ayirmasiga;

r – tolalar tutamining orqa qismi (taroqli barabancha taramaydigan) uzunligiga;

α – mashinaga berilayotgan xolstchaning ulushini hisobga oluvchi koeffitsiyentga;

ℓ – ajralib chiqqan porsiya tolalarining o‘rtacha uzunligiga;

n – xolstcha ko‘ndalang kesimidagi tolalar soniga;

T_x – xolstchaning chiziqiy zichligiga;

T_t – xolstchadagi tolalarning o‘rtacha chiziqiy zichligiga;

y – mashinadan chiqayotgan tarandi miqdoriga;


E – ajralish jarayonidagi cho‘zish miqdoriga.

Ignali baraban sirtidagi ignalarning umumiy soni:

$$M = m \cdot B \text{ ga teng.}$$

Xolstchadan kalta tolalar ajratib tashlangandan keyin uning ko‘ndalang kesimidagi tolalar soni quyidagicha aniqlanadi.

$$n = \frac{T_x}{T_t} \cdot \frac{100 - y}{100}.$$



95–rasm. Tarash karraligi

Bir siklda taralayotgan tolalar tutamidagi har bir tolaga o‘rtta hisobda barabanning q ignasi ta’sir qiladi.

$$q = \frac{M}{n} = m \cdot B \cdot \frac{T_t}{T_x} \cdot \frac{100}{100-y}.$$

Har bir tola mana shunday ta’sirga bir necha sikl davomida duch keladi. Qisqichlarda qisilib turgan tolalar tutamining old uchlari ko‘p taraladi, ya’ni

$$K = \frac{L-r}{F} = \frac{R+A+(1-\alpha)F-r}{F}.$$

Bu yerda: K – tarash karraligi.

Agar tarash karraligini tolalar tutamidagi har bir tolaga to‘g‘ri keladigan ignalar soniga ko‘paytirsak, tarash darajasining formulasi hosil bo‘ladi.

$$S = q \cdot K = m \cdot B \cdot \frac{T_t}{T_x} \cdot \frac{R+A+(1-\alpha)F-r}{F} \cdot \frac{100}{100-y}.$$

Ustki taroqning tarash darajasi

Ustki taroqning tarash darajasi ham katta ahamiyatga ega. Ustki taroqning tarash darajasini bitta tolaga to‘g‘ri kelgan ignalari soni bilan o‘lchash mumkin.

Bitta siklda ustki taroq orqali o‘tgan tolalarning o‘rtacha soni ajralgan porsiya ko‘ndalang kesimidagi tolalarning o‘rtacha soniga teng bo‘ladi, ya’ni:

$$n_u = \frac{T_x}{T_t} \cdot \frac{F}{F \cdot E_{\text{axc}} + \ell} \cdot \frac{100-y}{100} ;$$

n_u – bu ustki taroqdan o‘tayotgan tolalar soni

$$M_u = m_u \cdot B ;$$

m_u – ustki taroqning 1 sm uzunligiga to‘g‘ri keladigan ignalar soni.

B – taramning eni, sm.

Shunday qilib, ustki taroqning tarash darajasi

$$S_u = \frac{M_u}{n_u} = m_u B \frac{T_t}{T_x} \left(E_{aj} + \frac{\ell}{F} \right) \frac{100}{100-y} \quad \text{hisoblanadi.}$$

9. Qayta taralgan taramning strukturasi

Har bir qismdan chiqayotgan porsiya oldingi porsiya ustiga ma’lum bir uzunlikda joylashadi va bu uzunlik ulanish uzunligi deb ham ataladi.

$$L_s = L_n - L_{\text{sam.}} = F \cdot E_o + l_{\text{max}} - L_{\text{sam.}}$$

Taramni bir sikl davomida samarali uzatish mashina ishchi organlari kinematikasiga bog‘liq bo‘lib, turli modeldag‘i mashinalar uchun turlicha bo‘ladi.

$$L_n = 85-160 \text{ mm.} \quad L_{\text{sam.}} = 36-110 \text{ mm.}$$

Taramning chiziqiy zichligi.

$$T_{\text{taram}} = \frac{T_x F}{L_{\text{sam.}}} = \frac{(100-y)}{100} = \frac{T_n \cdot L_n}{L_{\text{sam.}}} \quad (\text{teks}) .$$

Taramning tuzilishi bir tekis-ravon bo‘lishi uchun quyidagi ikki shart bajarilishi kerak:

- 1) Ajralish jarayonida porsyaning cho‘zilishi doimiy bo‘lishi, shundagina siljish uzunligi bir xil bo‘ladi.
- 2) Samarali uzatish uzunligi bitta porsyaning orqa va oldingi tolalarga siljishiga mos holda o‘rnatalishi zarur bo‘ladi.


Bu ikki shart bajarilib bir tekis taram-porsiya hosil qilish uchun

$$L_{sam} = 0,5F \cdot E_o$$

qilib tanlanishi kerak bo‘ladi.

10. Taramdan pilta shakllantirish

Ikkala uchlari taralgan tolalar tutamchalari biroz siljib, bir-birining ustiga qo‘yib ulanadi, natijada uzlucksiz taram hosil bo‘ladi.



86–rasm. Pilta shakllanish parametrlari

Har bir tutamcha bir-biriga nisbatan siljib, oldingi tutamchaning ustiga S masofada joylashadi. Bu masofa ulanish uzunligi deyiladi. Har bir alohida tutamchaning uzunligini L bilan, ikkita porsiya o‘rtasidagi oraliq d bilan belgilanadi.

Taramning piltaga aylanishi (pilta shakllanishi) davomida, taramdag‘i tolalar zichlagichning bir chetga siljitib o‘rnatilganligi tufayli lotok sirtida turlicha uzunlikdagi yo‘lni bosib o‘tadi va mahsulotning tekislanish darajasi oshadi.

11. Qayta tarash jarayonining jadalligi va samaradorligi

Qayta tarash jarayonining jadalligi bir qancha omillarga bog‘liq. Ularning asosiyлари: tarash organлари ignalarining ingichkaligi, ularning zich o‘rnatilganligi, kelayotgan mahsulotning qalnligi, strukturasi, mashinaning ish rejimi, tarash karraligi, tarash darajasi. Ushbu parametrlar to‘g‘ri tanlansa, mahsulot sifatli bo‘ladi, pilta ko‘p, tarandi kam chiqadi.

Qayta tarash jarayonining samaradorligi taram sifatiga, tolalarning saralanishiga, tozalanishiga va ularning to‘g‘rilanib, bir-biriga parallelashiga katta ta’sir qiladi.

12. Qayta tarash mashinasining unumdorligi

$$A = \frac{F \cdot n_b \cdot a \cdot 60 \cdot T_x}{1000^2} \frac{(100 - y)}{100}, \text{ kg/s}$$

bu yerda: F – ta'minlash uzunligi, mm.

n_b – taroqli barabanning aylanishlar chastotasi, min^{-1} .

a – ta'minlash organlari soni.

T_x – xolstchaning chiziqiy zichligi, kteks.

y – tarandi miqdori, %.

Qayta tarash mashinasining unumdorligini oshirish maqsadida yuqorida aytilgandek taroqli barabancha aylanish chastotasi n_b oshirilib, 400 min^{-1} ga yetkazilgan.

Nazorat savollari

1. Qayta tarash jarayonining maqsadi va mohiyati nimalardan iborat?
2. Mahsulotni qayta tarashga tayyorlashning qanday usullari mavjud?
3. Mahsulotni qayta tarashga tayyorlashning maqsadi va mohiyati nimalardan iborat?
4. Xolstcha tayyorlash (shakllantirishda) qanday mashinalar ishlatiladi?
5. Pilta birlashtiruvchi mashinaning unumdorligi qanday aniqlanadi?
6. Qayta tarash mashinasining qanday turlari mavjud?
7. Qayta tarash mashinasida qanday operatsiyalar amalga oshiriladi?
8. Ishchi organlarning o'zaro mutanosib ishlashi qanday sozlanadi?
9. Ta'minlash uzunligi nimani bildiradi?
10. Qisqichlar qanday vazifalarni bajaradi?
11. Qayta tarash tarandi miqdori qanday rostlanadi?
12. Taroqli segment plankalari qanday biriktiriladi?
13. Ustki taroq qanday vazifani bajaradi?
14. Ajratuvchi mexanizm qanday vazifalarni bajaradi?
15. Qayta tarash jarayonida tolalarning saralashish hodisasi nimani anglatadi?
16. Taroqli baraban tarash darajasi qanday omillarga bog'liq?
17. Tarash karraligi nimani anglatadi?
18. Ustki taroqning tarash darajasi qanday aniqlanadi?
19. Tarash jadalligiga qaysi omillar ta'sir ko'rsatadi?
20. Tarash samaradorligi nimani bildiradi?
21. Ulanish uzunligi nimani bildiradi?
22. Qayta tarash mashinasining unumdorligi qaysi formula bilan ifodalanadi?

8–BOB. BIR TEKIS PILTA TAYYORLASH

1. Cho‘zish jarayoni


Cho‘zish jarayonida mahsulot bir yoki bir nechta juftli cho‘zish asbobidan o‘tib ingichkalashadi, ya’ni mahsulot bo‘yicha uzunlashadi, ko‘ndalang kesimida esa kichiklashadi. Boshqacha aytganda, tolalarning bir-biriga nisbatan siljishi natijasida mahsulot uzaysa, tolalar soni o‘zgarishi – kamayishi natijasida mahsulotning ko‘ndalang kesimi kichiklashadi. Cho‘zish natijasida tolalar bir-biriga nisbatan sirpanib harakatlanib, old va orqa uchlari to‘g‘rilanadi va parallellashadi. To‘g‘rilangan va tekislangan tolalar bir tekis, ravon va pishiq ip tayyorlashga zamin bo‘ladi.

Cho‘zish jarayonining maqsadi tolali mahsulotni ingichkalashtirib, uni tashkil etuvchi tolalarni to‘g‘rilash hamda paralellashtirish.

Cho‘zish jarayonining mohiyati cho‘zilayotgan mahsulot tolalarini bir- biriga nisbatan siljitib, ularni kattaroq uzunlikda taqsimlash.

Cho‘zish nazariyasi haqida tushuncha

Cho‘zish jarayonini amalga oshirish uchun ikki va undan ortiq juftlikdan iborat cho‘zish asboblari ishlataladi.



97–rasm. Cho‘zish parametrlari

1–cho‘zuvchi silindrlar; 2–bosuvchi valiklar; R_1 , R_2 —yuklovchi kuchlar; ϑ_1 , ϑ_2 —juftliklarning chiziqiy tezligi; l_1 —mahsulotning cho‘zishdan oldingi uzunligi; l_2 —mahsulotning cho‘zishdan keyingi uzunligi; t —cho‘zish vaqt; m_1 – cho‘zishdan oldin mahsulot ko‘ndalang kesimidagi tolalar soni; m_2 – cho‘zishdan keyin mahsulot ko‘ndalang kesimidagi tolalar soni; N_1 – mahsulotning cho‘zishdan oldingi nomeri; N_2 – mahsulotning cho‘zishdan keyingi nomeri; T_1 — mahsulotning cho‘zishdan oldingi chiziqiy zichligi; T_2 – mahsulotning cho‘zishdan keyingi chiziqiy zichligi.

Mahsulotni qabul qiluvchi juftlik orqa cho‘zish juftligi, mahsulotni chiqaruvchi juftlik esa oldingi cho‘zish juftligi deb ataladi.

Cho‘zish sodir bo‘lishi uchun $\vartheta_2 > \vartheta_1$ sharti bajarilishi kerak.

Cho‘zish miqdorini aniqlash

Mahsulotning uzunligi cho‘zishdan keyin cho‘zish miqdori – E ga teng marotaba ortadi, ya’ni

$$\frac{l_2}{l_1} = E \quad (1)$$

Agar cho‘zish t vaqt davomida amalga oshsa, o‘tayotgan mahsulot uzunligi birinchi juftlikda $l_1 = \vartheta_1 \cdot t$, ikkinchi juftlikda esa $l_2 = \vartheta_2 \cdot t$ ligi inobatga olinsa, tenglama (1) dan

$$\frac{l_2}{l_1} = \frac{\vartheta_2 \cdot t}{\vartheta_1 \cdot t} = \frac{\vartheta_2}{\vartheta_1} = E \quad (2) \text{ ifodasi hosil bo‘ladi.}$$

Demak, oldingi silindrning chiziqiy tezligi, orqa silindrnikidan cho‘zish miqdoriga teng marotaba katta bo‘ladi.

Agar cho‘zish t vaqt davomida cho‘zish juftliklaridan o‘tayotgan mahsulot massasi q o‘zgarmasligini hisobga olsak, (1) tenglamadan

$$\frac{l_2}{l_1} = \frac{l_2 / q}{l_1 / q} = \frac{N_2}{N_1} = E \quad \text{ebru } E = \frac{T_1}{T_2} \quad (3) \text{ ifoda hosil bo‘ladi.}$$



Demak, cho‘zish paytida mahsulot chiziqiy zichligi ham cho‘zish miqdoriga teng kattalikda o‘zgaradi.

Agar $m_1 = T_1 / T_t$ va $m_2 = T_2 / T_t$ tenglamalaridan $T_1 = m_1 \cdot T_t$; $T_2 = m_2 \cdot T_t$ ligini hisobga olsak, (T_t –tolaning chiziqiy zichligi), yuqoridagi tenglamalarni quyidagicha yozish mumkin.

$$E = \frac{l_2}{l_1} = \frac{\vartheta_2}{\vartheta_1} = \frac{N_2}{N_1} = \frac{T_1}{T_2} = \frac{m_1 \cdot T_t}{m_2 \cdot T_t} = \frac{m_1}{m_2} \quad . \quad (4)$$

Demak, cho‘zish natijasida mahsulot ko‘ndalang kesimidagi tolalar soni ham cho‘zish miqdoriga teng marotaba kamayadi.

Cho‘zish qiymatini mashinaning kinematik sxemasidan foydalanib, uzatishlar soni orqali ham aniqlash mumkin.




98–rasm. Bir zonali cho‘zish asbobi

d_2, d_1 – silindrlar diametri; n_2, n_1 – silindrlar aylanishlar soni.

$$E = \frac{g_1}{g_2} = \frac{\pi d_1 n_1}{\pi d_2 n_2} = \frac{d_1}{d_2} \cdot i \quad (5)$$

Agar cho‘zish asbobi uchta juftlikdan iborat bo‘lsa, xususiy cho‘zishlar quyidagicha aniqlanadi.



99–rasm. Ikki zonali cho‘zish asbobi

$$e_1 = \frac{g_2}{g_1}; \quad e_2 = \frac{g_3}{g_2};$$

Umumiy cho‘zish

$$E = \frac{g_2}{g_1} \cdot \frac{g_3}{g_2} = \frac{g_3}{g_1} \quad (6) \quad \text{tenglamasi}$$

orqali hisoblanadi.

2. Cho‘zish turlari

Mahsulotni cho‘zib ingichkalashtirish uchun unga ma’lum bir kuch bilan ta’sir etish kerak, bu kuch tolalar o‘rtasidagi ishqalanish va ilashish kuchlarini yengishi va tolalarni bir-biriga nisbatan siljitishi lozim. Agar cho‘zish darajasi juda kichik bo‘lsa, tolalar bir biriga nisbatan siljimaydi, ammo mahsulot biroz uzayadi, lekin bu uzayish tolalarning to‘g‘rulanishi hisobiga yuz beradi.


Birinchi tur cho‘zish deb tolalarning to‘g‘rulanishi va qisman deformatsiyalanishi natijasida mahsulotning uzayishiga aytildi.

Ikkinci tur cho‘zish deb tolalarning bir-biriga nisbatan siljishi natijasida mahsulotning uzayishiga aytildi.

Cho‘zish usullari. Mahsulotni cho‘zishda *mexanik* va *aerodinamik* usullar ishlataladi. Mexanik usul – cho‘zish asboblarida, aerodinamik usul esa konfuzorlarda, ya’ni tola harakati yo‘nalishida ko‘ndalang kesimi kamayib boruvchi trubkalarda amalga oshiriladi.

3. Cho‘zish maydonida tolalar harakatini boshqarish

Tolali mahsulot cho‘zish asbobidan o‘tayotganda tolalar avval orqa juft tezligida harakatlanadi, so‘ngra old juft tezligiga o‘tadi. Tolalarning bir tezlikdan ikkinchisiga o‘tishi bir onda yuz bo‘ladi. Tolalarning qanday harakat qilishi va qaysi joyda bir tezlikdan ikkinchisiga o‘tishi mahsulotning ravonligiga ta’sir etadi. Mahsulot E marta cho‘zilsa, ko‘ndalang kesimidagi tolalar soni ham E marta kamayadi. Tolalar o‘rtasidagi siljish E marta ortadi.



100-rasm. Cho‘zish maydonida tolalar harakati

Yuqoridagi chizmadan:

$$a = \mathcal{G}_2 \cdot t \quad a_1 = \mathcal{G}_1 \cdot t \quad t = a / \mathcal{G}_2$$

$$a_1 = \frac{\mathcal{G}_1}{\mathcal{G}_2} \cdot a = a \cdot E \quad demak \quad a_1 = a \cdot E$$

Cho‘zish maydonida tolalar uzunligiga qarab nazoratda va nazorasiz (suzuvchi) harakatda bo‘lib, ikki guruhgaga ajratiladi. Agar tolaning uzunligi ta’minlovchi va cho‘zuvchi juftliklar orasidagi masofaga teng va undan katta bo‘lsa, bunday tolalar nazoratdagi tolalar deb ataladi.

Agar tolaning uzunligi ta’minlovchi va cho‘zuvchi juftliklar orasidagi masofadan kichik bo‘lsa, bunday tolalarga nazorasiz harakatdagi (suzuvchi) tolalar deb ataladi, chunki ular orqa juftlik ta’siridan chiqgach, oldingi juftlik ta’siriga yetguncha ma’lum bir vaqt o‘tib, bu vaqtida suzib harakatlanadi. Ular boshqa tolalarga ilashishi hisobiga orqa yoki oldingi juftlik tezligi bilan harakatlanadi. Bunday harakat o‘zgaruvchan bo‘lib, mahsulotning notekis bo‘lishiga olib keladi. Shuning uchun harakati nazoratda bo‘lmagan tolalar miqdorini kamaytirishga katta e’tibor beriladi.

Umumiy cho‘zishni xususiy cho‘zishlarga ajratish

Prof. N.A. Vasilyev cho‘zish jarayoni bir maromda o‘tishi uchun mashinadagi umumiy cho‘zishni bir necha xususiy cho‘zishlarga ajratishni tavsiya etadi.

$E = e_1 \cdot e_2 \cdot e_3 \dots e_n$ bu yerda:

E – umumiy cho‘zish; $e_1 \cdot e_2 \cdot e_3 \dots e_n$ – xususiy cho‘zishlar;

n – xususiy cho‘zishlar soni.


Agar cho‘zish asbobi uch silindrli bo‘lsa,

$$E = e_1 \cdot e_2; \quad e_1 = \frac{2E}{E+1}; \quad e_2 = \frac{E+1}{2};$$

Agar cho‘zish asbobi to‘rt silindrli bo‘lsa

$$E = e_1 \cdot e_2 \cdot e_3; \quad e_1 = \frac{3E}{2E+1}; \quad e_2 = \frac{2E+1}{E+2}; \quad e_3 = \frac{E+1}{3};$$

Cho‘zish juftliklarida razvodka va shablon



101–rasm. Razvodkani o‘rnatish a) va shablon b)

Ikki cho‘zish juftliklari o‘qlari orasidagi masofaga razvodka deyilib R harfi bilan belgilanadi. Amalda uni o‘lchanash qiyinligi bois silindr, valiklar sirtlari orasidagi masofa shablon deb ataluvchi plastinkasimon asbob bilan o‘lchanadi. Razvodkani tanlashda tolaning uzunligi l_{sht} ga tuzatma α qo‘silishi yoki shablon bilan ikki yondosh silindrler diametrlari inobatga olinib quyidagi formulalardan foydalilanildi.

$$R = l_{sht} + \alpha \quad \text{yoki} \quad R = III + \frac{d_1 + d_2}{2}; \quad \text{bu yerdan} \quad III = R - \frac{d_1 + d_2}{2}$$

l_{sht} – tolaning shtapel uzunligi, mm.

α – tuzatish koeffitsiyenti (uning kattaligi cho‘zish asbobining tuzilishiga bog‘liq bo‘ladi).

III – jo‘zish juftlari orasidagi shablon.
 d_1 va d_2 – birinchi va ikkinchi silindr diametrlari.

4. Qo‘shish jarayoni

Ip ishlab chiqarishda ikki va undan ortiq mahsulotlarni bo‘ylamasiga birlashtirib, mahsulot tayyorlashga *qo‘shish* deb ataladi.

Qo‘shish jarayonining maqsadi xomaki mahsulot chiziqiy zichligi, tarkibi va strukturasi bo‘yicha ravonlashtirishdan iborat.

Qo‘shish jarayonining mohiyati esa turlicha xossalarga ega bo‘lgan mahsulotlarni bo‘ylama birlashtirishdan iboratdir.

Ip ishlab chiqarishda mahsulotlarni qo‘shish orqali chiziqiy zichligi, ko‘ndalang kesimidagi tolalar soni va tarkibi bo‘yicha notekisligi kamaytiriladi.

Qo‘shilgan mahsulotning chiziqiy zichligi qo‘shilayotgan mahsulotlar chiziqiy zichligining yig‘indisiga teng.

$$T = T_1 + T_2 + T_3 + \dots + T_m$$

Bunda: m – qo‘shilayotgan mahsulotlar soni.

Agar qo‘shilayotgan mahsulotlar bir xil chiziqiy zichlikda bo‘lsa,

$$T = m \cdot T_o \text{ bo‘ladi.}$$

Qo‘shish jarayonining kamchiliklari

1. Qo‘shish mahsulotni yo‘g‘onlashga olib keladi, demak, uni yana cho‘zish kerak, natijada yangidan notekislik hosil bo‘ladi.
2. Qo‘shish natijasida mahsulot bir oz tekislanadi, ya’ni faqat qo‘shish orqali notekislikni yo‘qotib bo‘lmaydi.
3. Qo‘shish jarayonida olinayotgan mahsulotning o‘rtacha chiziqiy zichligini bir xilda saqlab bo‘lmaydi.

Cho‘zishdagi notekislik

Cho‘zish jarayonida qo‘shimcha notekislik yuzaga keladi. Uning qiymati quyidagi formula yordamida aniqlanadi.

$$C_{ch} = \sqrt{C_o^2 + 2r \cdot C_0 \cdot C_1 + C_1^2},$$

Bu yerda S_{ch} -cho‘zishdagi notekislik;

S_o -mahsulotning cho‘zishdan oldingi notekisligi;

S_1 -cho‘zishdan so‘ng hosil bo‘lgan notekislik;

r – korrelatsiya koeffitsiyenti.

Agar $r = 0$ bo'lsa,

$$C_{ch} = \sqrt{C_o^2 + C_1^2} \quad \text{ga teng bo'ladi.}$$

Cho'zishda hosil bo'ladigan notekislik sabablari:

1. Tolalarning birinchi cho'zish juftligidan ikkinchi cho'zish juftligiga o'tishining oldinroq sodir bo'lishi.
2. Oldingi cho'zish juftligiga tolalarni yetarli miqdorda kelmasligi.
3. Tolalarning uzunlik bo'yicha katta notekislikka ega bo'lganligi
4. Cho'zish maydonida harakati nazorasiz tolalarning mavjudligi.
5. Silindr va bosuvchi valiklarning qoniqarsiz holatda bo'lishi.
6. Silindr va bosuvchi valiklarning chayqalib aylanishi.

Bir tekis pulta olish shartlari

$E = \frac{g_2}{g_1} = const$, ya'ni o'zgarmas bo'lishi asosiy shart hisoblanadi.

Cho'zish juftlarining chiziqli tezligi nisbati doimiyligini ta'minlash uchun kichik modulli tishli uzatmalarni qo'llash kerak.

Bir tekis pulta olishda quyidagi omillar katta ahamiyatga ega:

1. Mahsulotni cho'zishga yaxshilab tayyorlash
2. Cho'zish asbobi detallarini tayyorlash aniqligini oshirish.

Birinchi omil tadbirlari:

- a) Cho'zish bir me'yorda o'tishi uchun uzunroq va ingichkaroq tola ishlatalishi kerak;
- b) tolalarning titilish va ajralish darajasi yuqori bo'lishi kerak;
- d) tolali aralashma yaxshi tozalangan bo'lishi kerak;
- e) tolalar bir tekis aralashtirilishi zarur;
- f) cho'zishgacha tolalar kerakli miqdorda to'g'rilanib tekislanishi shart;

Ikkinchi omil tadbirlari:

- a) nazorasiz tolalar sonining kam bo'lishini ta'minlash;
- b) silindr va valiklarning chayqalib aylanmasligini ta'minlash;
- d) cho'zish juftliklarida razvodkani to'g'ri tanlash (kam bo'lsa, «kraks» katta bo'lsa, tolalar to'p-to'p bo'lib qoladi);
- e) juftliklarni kerakli miqdorda yuklash;

- f) cho‘zish miqdorining ma’lum qonuniyat asosida taqsimlanishini ta’minalash;
- g) mahsulot cheklagichlarini va zichlagichlarini joriy qilish;
- h) bosuvchi valik qoplamlari sifatini oshirish.

5. Piltalash mashinalari

Cho‘zish va qo‘shish jarayonlari piltalash mashinalarida amalga oshiriladi. Piltalash mashinalarining asosiy vazifasi mahsulotni cho‘zib ingichkalashtirish, tolalarni to‘g‘rilab bir-biriga parallelashtirishdan iborat.

Piltalash mashinalari bir-biridan tuzilishi va ishlash prinsipidan tashqari avtorostlagichlar bilan farqlanadi.

Dunyo to‘qimachilik korxonalarida quyidagi piltalash mashinalari samarali ishlatilmoqda:

SB-D-22; RSB-D-22; SB-D-35; RSB-D-35; SB-D-40; RSB-D-40 (Rieter)

HS-1000; HSR-1000; TD-02; TD-03 (Truetzscher)

Vouk; UMTN; UMTRN; Unimax; Duomax (Marzoli)

Piltalash mashinalari quyidagi vazifalarni bajaradi:

1. Mahsulotni cho‘zib ingichkalashtirish.
2. Tolalarni to‘g‘rilash.
3. Tolalarni bir-biriga nisbatan parallel holatga keltirish.
4. Mahsulotni qo‘shib tekislash.
5. Qo‘shish natijasida mahsulotni aralashtirish.
6. Zichlagichlar ta’sirida mahsulotni tashkil etuvchi tolalarni jipslashtirish.


Piltalash mashinalari bir, ikki yoki uchta o‘timda ishlatilishi mumkin. 6 yoki 8 ta pilta ta’minalovchi stolcha sirtida sirpanib uzatuvchi juftlik yordamida cho‘zish asbobiga kiritiladi. Unda cho‘zilib yupqalashgan mahsulot zichlagich tirqishiga yo‘naltirilib piltaga aylangach, yassilovchi valiklardan yo‘naltiruvchi kanal orqali o‘tib, pilta taxlagich valiklari yordamida tortib olinadi va tazga taxlanadi.

Turli davrlarda bir, ikki yoki to‘rtta chiqaruvchi organlarga ega bo‘lgan piltalash mashinalari ishlatilgan.

Pilta chiqarish tezligiga ko‘ra piltalash mashinalarini sekin, o‘rtacha va tezyurar mashinalarga ajratish mumkin.

Piltalash mashinalarining texnik tavsiflari

Nº	Mashin a modella ri	Chiqaruvchi organlar	Mahsulot chiqarish tezligi,	Cho‘zish asbobining turi	silindr diametri,	Valiklarni yuklash tizimi	Umumiy cho‘zish	Chiqarilayo tgan piltaning
1.	HSR-1000	1	1000-1200	4×3	38	pnevmatik	4,5–11,6	1,25–7,0
2.	TD-03	1	1000-1200	4×3	38	pnevmatik	4–11	1,25–7,0
3.	RSB-D-35	1	1000	4×3	38	prujinali	4,5–11,6	1,25–7,0
4.	Unimax	1	1050	3×4	38	pnevmatik	4–11,6	1,25–8,0
5.	Duoma x	2	1050	3×4	38	pnevmatik	4–10	1,25–8,0



102-rasm. HSR-1000 piltalash mashinasi


1-tazlar; 2-pilta; 3-ta'minlovchi valik; 4-yuklovchi valik; 5-ta'minlash qurilmasi; 6-uzatuvchi valiklar; 7-yuklovchi valik; 8-zichlagich; 9-rostlagichning ta'minlash juftligi; 10-cho'zish asbobi; 11-zichlagich; 12-chiqaruvchi valiklar; 13-pilta taxlagichning ustki tarelkasi; 14-piltalangan piltali taz.

6. Piltalash mashinasining ishchi organlari

Piltalash mashinasining asosiy ishchi organlari ta'minlash qurilmasi, cho'zish asbobi, avtorostlagich, nazorat datchiklari, pilta taxlagich va harakat uzatish mexanizmidan iborat.

Ta'minlash qurilmalari

Piltalash mashinalarining ta'minlash qurilmalari ustunlari balandlik bo'yicha rostlanuvchi va turli diametr va balandlikdagi tazlarni ishlatishga moslangan. Ta'minlash qurilmasida turli diametrdagi tazlarni ikki, uch yoki to'rt qator qilib joylashtirish mumkin.



103-rasm. Ta'minlash qurilmasi

1—ustun; 2—tasmali uzatma; 3—uzatuvchi valik; 4—ustki valik.

Qurilmalar ta'minlash zonasida va uzatuvchi valiklar zonasida pilta uzelishini nazorat qiluvchi sezgir fotorelelar bilan jihozlangan.



104-rasm. 1—uzilgan pilta; 2,3—fotorelelar


a) taz – ta'minlovchi valiklar zonasida piltaning uzelish holati;

b) ta'minlovchi – yo'naltiruvchi valiklar zonasida piltaning uzelish holati.

Cho'zish asboblari


Piltalash mashinalarida turli tuzilishdagi cho'zish asboblari ishlatiladi.

Piltalash mashinalarida quvvati o'rtacha «2x3», «4x5», «4x4», «3x3» va quvvati yuqori «4x3», «3x4» cho'zish asboblari ishlatilmoqda. Cho'zish maydonida tolalar harakatini nazorat qilish maqsadida turli moslamalar yordamida egri cho'zish chizig'ini hosil qilish katta samara bermoqda.



105–rasm. HSR-1000 piltalash mashinasi «4×3» cho‘zish asbobi
1—silindrlar ustuni polzunkalari; 2—riflyali silindrlar; 3—yuklovchi sterjen;
4—elastik valiklar.

Cho‘zish asboblari silindr va valiklar soni, cho‘zish chizig‘ining to‘g‘ri va egriligi, valiklarni yuklash usullari, ta‘minlovchi yoki chiqaruvchi silindrlarning tezligi, cho‘zish miqdori, zichlagichlari va pnevmososo‘rish moslamalarining tuzilishiga ko‘ra bir-biridan farqlanadi.




106–rasm. «3×4» cho‘zish asbobi

Yuqoridagi ko‘rsatkichlardan tashqari cho‘zish asboblari parametrlari bo‘yicha ham farqlanadi (silindr va valiklarning diametrлари, valiklarga qo‘yilgan yuk qiymati, silindr va valiklar orasidagi razvodka, silindr va valiklarning tezligi).

Ustki valiklarni yuklashda prujinalardan va zichlangan havodan foydalanilmoqda.

Prujinalardan foydalanilganda vaqt o‘tishi bilan ularning qayishqoqligi kamayib yuk o‘zgaruvchan bo‘lib qoladi, natijada cho‘zish ham o‘zgarib notekislik sodir bo‘lishiga sabab bo‘ladi. Pnevmatik usulda havo bosimining doimiyligi natijasida yuk o‘zgarmas bo‘ladi, zichlangan havo avtomatik tarzda mashina ishlagandagina beriladi, mashina to‘xtaganda esa berilmaydi. Pnevmatik usulda yuk miqdori kompyuter yordamida boshqarilib, cho‘zish jarayonini samarali o‘tishiga va sifatli pilta tayyorlashga xizmat qiladi.




107-rasm. Pnevmayuklash tizimi


1—yuklovchi shtok, 2—pnevmaporshen, 3—siqilgan havo trubkasi.

Avtomatik rostlagichlar

Avtorostlagich (AUTO DRAFT) sistemasini tabiiy va kimyoviy tolalar uchun ishlatish mumkin. Avtorostlagich ishini pilta uzunligini hisobga oluvchi tizim **Servo Draft** korrektirovka qilib turadi. Truetzschlor firmasining zichlagichli o‘lchagichi pilta harakati nazoratini juda aniq amalga oshiradi. Bitta zichlagich hamma diapozonda kerakli chiziqiy zichlikdagi piltani o‘lchash imkoniyatini ta’minlaydi. O‘lchovchi element sezilarli darajada kichik massaga ega bo‘lib, u hamma kirayotgan piltalar qalinligini o‘lchaydi.




108-rasm. SERVO DRAFT qurilmasi




109-rasm. Qalinlik datchigi
1—pulta; 2—o‘lchovchi voronka;
3—o‘lchovchi richag; 4—signal
o‘zgartirgich; 5—datchik.

Piltaning qalinligi o‘zgarishi bilan datchik signalni kompyuter – boshqarish tizimiga uzatadi. Piltalash mashinasining boshqarish tizimi kiruvchi datchikning signalini qayta ishlaydi va ijrochi organlar – tegishli cho‘zuvchi silindrлar tezliklarini o‘zgartiradigan ikkita yoki uchta servodvigatellarga uzatadi.




110–rasm. Rieter firmasi
avtorostlagichi



111–rasm. Truetzschler firmasi
avtorostlagichi

Pilta taxlagich

Cho'zish asbobidan kelayotgan mahsulot pilta taxlagichning zichlagichidan tortuvchi –yassilovchi valiklar yordamida o'tkazilib pilta shakliga keltiriladi. Pilta taxlagich ustki va pastki tarelkadan tashkil topgan bo'lib, ular bir-biriga nisbatan ekssentrik holatda o'rnatilganligi tufayli ustki tarelkaning spiralsimon kanalidan chiqayotgan pilta giposikloid shaklida tazga taxlanadi. Pilta taxlagichlar ishlatalayotgan tazlarning o'lchamlariga ko'ra turli konstruksiyada tayyorlanadi. Piltalash mashinalari tazlarni avtomatik almashtiruvchi moslamalar bilan jihozlanmoqda.



112–rasm. Pilta taxlagich ustki tarelkasi

1 – zichlagich; 2 – yassilovchi valiklar; 3 – disk; 4 – spiralsimon kanal;
5 – ustki tarelka; 6 – taz.

7. Piltalash mashinasining unumdorligi

$$A_n = \frac{\pi \cdot d \cdot n \cdot a \cdot 60 \cdot T_p}{1000^2}, \text{ kg/s.}$$

Bu yerda: d – pilta taxlagich valigining diametri, mm;

n – pilta taxlagich valigining aylanishlar chastotasi , min^{-1} ;
 T_p – piltaning chiziqiy zichligi, kteks;
 a – chiqaruvchi organlar soni.

Nazorat savollari

1. Cho‘zish jarayonining maqsadi va mohiyati nimadan iborat?
2. Cho‘zish sodir bo‘lishi uchun qanday shartlar bajarilishi kerak?
3. Cho‘zish miqdori qanday aniqlanadi?
4. Birinchi va ikkinchi tur cho‘zish nimani bildiradi?
5. Cho‘zish maydonida tolalarning qanday harakatlari mavjud?
6. Qanday tolalar harakati nazoratdagi tolalar deyiladi?
7. Umumiylar cho‘zish xususiy cho‘zishlarga qanday taqsimlanadi?
8. Qo‘shish jarayonining maqsadi va mohiyati nimalardan iborat?
9. Mahsulot qanday holatlarda qo‘shiladi?
10. Qo‘shish jarayonining qanday kamchiliklari mavjud?
11. Bir tekis pilta olishda cho‘zish asbobida qanday qo‘shimcha vositalar ishlataladi?
12. Piltalash mashinalarining vazifalari nimalardan iborat?
13. Piltalash mashinalari qanday farqlanadi?
14. Piltalash mashinasida qanday cho‘zish asboblari ishlataladi?
15. Piltalash mashinasining asosiy ishchi organlari nimalardan iborat?
16. Mashina unumдорлиги qanday aniqlanadi?

9 – BOB. PILIK TAYYORLASH

Yigirish sistemasining piliklash o‘timida piltalangan piltadan pilik tayyorlanadi. Pilik tayyorlashda cho‘zish, pishitish va o‘rash jarayonlari qo‘llaniladi.

Piliklashning maqsadi ip yigirishga yaroqli piltaga nisbatan ingichka va ravon xomaki mahsulot – pilik olishdan iborat.

Piliklashning mohiyati esa piltani kerakli miqdorda ingichkalashtirish, unga buramlar berib pishitish va g‘altakka o‘rashdan iboratdir.

1. Piliklash mashinalari

Piliklash mashinasining vazifasi piltani kerakli chiziqiy zichlikgacha ingichkalashtirish, mahsulotni pishitish va g‘altakka o‘rashdan iborat. Pilta cho‘zish asbobida ingichkalashtiriladi, uni tashkil etuvchi tolalarning uchlari to‘g‘rlanadi, tekislanib parallellashtiriladi va undan nozikroq pilik hosil qilinadi. Piltachaga pishitish mexanizmi yordamida buramlar berilib pishitiladi – pilik shakllantiriladi. Pilikni keyingi bosqichda ishlatishga qulay bo‘lishi uchun o‘rash mexanizmi vositasida g‘altakga o‘rab, undan pakovka hosil qilinadi.

Piliklash mashinalari bir, ikki va uch o‘timda ishlatilib kelingan. Fan texnika taraqqiyotining natijasida o‘rtacha chiziqiy zichlikdagi iplarni bir o‘timli, past chiziqiy zichlikdagi iplarni esa ikki o‘timli piliklash mashinalarida tayyorlash imkonи yaratildi.


Piliklash mashinalari tayyorlanayotgan pilikning chiziqiy zichligiga qarab quyidagi turlarga bo‘linadi:

1. Yo‘g‘on pilik tayyorlovchi mashinalar.
2. Yo‘g‘onligi o‘rtacha pilik tayyorlovchi mashinalar.
3. Ingichka pilik tayyorlovchi mashinalar .

Bundan tashqari piliklash mashinalari tarkibiy qismlari – ta’minalash zonasи, cho‘zish asbobi va pishitish-o‘rash mexanizmining tuzilishi bilan ham farqlanadi.

Hozir piliklash mashinalarida to‘la pakovkani ajratib olish va bo‘sh g‘altaklarni joylashtirish avtomatik mexanizmlar yordamida amalga oshirilmoqda.

Piliklash mashinalarining ishlashi deyarli bir xil. Ular bir-biridan ta’minalash qurilmasi, cho‘zish asbobining tuzilishi, cho‘zish miqdori, rogulka o‘lchami, soni va ular orasidagi masofa hamda pakovka massasi kabi parametrlari bilan farq qiladi.



113–rasm. Zinser-668 piliklash mashinasi

1–ta'minlash qurilmasi; 2–cho'zish asbobi; 3–buram taqsimlagich;
4–rogulka; 5–g'altakli karetka; 6–g'altakni o'rnatish moslamasi;
7–g'altakning harakat uzatmasi; 8–g'altakli karretkaning harakat
uzatmasi.

Cho'zish asbobiga kiritilgan pilta kerakli miqdorda cho'zilganda uni tashkil etuvchi tolalar uchlari yanada to'g'rilanib, tekislanib parallellashtiriladi va undan yupqa piltacha hosil qilinadi. Piltachani pishitish mexanizmi yordamida o'z o'qi atrofida aylantirib – buramlar berib pilik shakllantiriladi. Hosil qilingan xomaki mahsulot – pilik keyingi bosqichda ishlatishga qulay bo'lishi uchun uni o'rash mexanizmi vositasida g'altakka o'rab pakovka hosil qilinadi.

Mashinadagi texnologik jarayon kompyuter dasturi yordamida boshqariladi. Pilta va pilik uzilishini nazorat qiluvchi moslamalar o'rnatilgan bo'lib, mashinani avtomatik to'xtatishga xizmat qiladi.

2. Ta'minlash qurilmasi va cho'zish asboblari

Ta'minlash qurilmasi

Piliklash mashinasida piltali tazlar mashinaning orqa tomoniga joylashtiriladi. Tazlarning diametri nisbatan katta maydonni egallaydi (ular 4 qator qilib joylashtiriladi).

Ta'minlash qurilmalari quyidagi talablarga javob berishi shart:

1. Qurilma balandligi xizmat ko'rsatuvchining bo'yini hisobga olgan bo'lishi kerak.
2. Qurilma balandligini o'zgartirish imkoniyati bo'lishi shart.
3. Tazlarni joylashtirish qulay va oson bo'lishi kerak.
4. Uzatilayotgan piltalar bir-biriga tegmasligi kerak.

Ta'minlash qurilmalarida turli konstruksiyadagi bir yoki bir necha yo'naltiruvchi val va pilta ajratkichlar ishlataladi.


Piliklash mashinalarining texnik tavsifi

Ko'rsatkichlar	P-260-5	Zinser-668	F-15/F-35	FT 2N	TJ FA 458A	PT-132
Ishlab chiqaruvchi firma (Davlat)	Rossiya	Germaniya	Rieter	Marzoli	Xitoy	Rossiya
Pilikning chiziqiy zichligi, teks	182–130	2222–200	1450–179	1470–170	1000–200	435–125
Rogulkalar orasidagi masofa, mm	260	260	260	220–260	216	132
Rogulka o'lchami, mm	135–155	150–400	150–400	150–400	152–400	180–200
Mashinadagi rogulkalar soni	120	192 gacha	160 gacha	192 gacha	120	120
Pakovka massasi, kg	1,2–1,5	4,0	4,0	4,0	4,0	0,35–0,22
Rogulkaning aylanishlar chastotasi, min ⁻¹	700–1200	1500	1500	1500	1200	1000–1200
Cho'zish asbobining turi	4x4; 3x3	3x3; 4x4	3x3; 4x4	3x3; 4x4	3x3; 4x4	4x4
Cho'zish miqdori	2,4–18	3,0–15,8	4–20	4–20	4,2–12	8–18
Buramlar miqdori, bur/m	20–100	10–100	17–96	12–140	18,5–80	20–100


silliq val



xalqali yo‘naltirgich




pilta ajratgich



114—rasm. Pilta yo‘naltirgichlar

Baland ramkali ta’minalash qurilmalarida yashirin cho‘zilishning oldini olish uchun uzatuvchi yo‘naltiruvchi vallar ko‘paytirilib, pilta joylashgan tazlarda prujinali disklar qo‘llanilmoqda.



115—rasm. Zinzer-668 piliklash mashinasining ta’minalash qurilmasi


1—piltali tazlarning birinchi guruhi; 2—piltali tazlarning ikkinchi guruhi; 3—ta’minalash qurilmasining ustuni; 4—olti qirrali yo‘naltiruvchi val; 5—pilta ajratgichlar; 6—fotorele (pilta uzilishini sezuvchi); 7—kronshteyn.

Cho‘zish asboblari

Cho‘zish asboblari tuzilishi, cho‘zuvchi juftliklar soni, cho‘zish zonalari, xususiy va umumiy cho‘zish miqdori, bosuvchi valiklarning yuklanishi, silindr va valiklarning diametri, cho‘zish juftliklaridagi razvodka kabi ko‘rsatkichlari bilan farqlanadi. Bundan tashqari cho‘zish

jarayonida ajraladigan momiqlarni tozalovchi va so‘rib oluvchi moslamalarning ishlashi bilan ham farq qilishi mumkin.

Yaqin vaqtlargacha ishlataligancha piliklash mashinalari quyidagi cho‘zish asboblari bilan jihozlangan:




$$E = 6,25 \div 12,45$$

$$R_{1-2} = 35 \div 50 \text{ mm}$$

$$R_{2-3} = 28 \div 45 \text{ mm}$$

116–rasm. Uch 14silindrli zichlagichli cho‘zish asbobi (P-260-3)



$$E = 8 \div 18$$

$$R_{1-2} = 38 \div 55 \text{ mm}$$


$$R_{2-3} = \text{mm}$$

$$R_{3-4} = 37 \div 50 \text{ mm}$$

$$P_{2,3,4} = 59 \div 69 \text{ H}$$

$$P_1 = 78 \div 83 \text{ H}$$


117–rasm. To‘rt silindrli uch zonalni cho‘zish asbobi (PT-132-3)



$$E = 3,4 \div 30;$$

$$P = 90 \div 110 \text{ H}$$

118–rasm. To‘rt silindrli ikki zonalni cho‘zish asbobi (P-168-3; P-192-3)




$E = 20$
 $R_{I-II} = 50 \text{ mm}$
 $R_{II-III} = 47 \div 55 \text{ mm.}$
 $P_1 = 160 \text{ H}$
 $P_2 = 120 \text{ H}$
 $P_3 = 140 \text{ H}$

119-rasm. Uch silindirli ikki tasmalı cho‘zish asbobi (P-192-5; P-260-5)


Ushbu cho‘zish asboblarining asosiy kamchiligi ular detallarining tayyorlanish aniqligi pastligi, ishlatilgan materiallarning yetarli darajada sifatli emasligi, harakat uzatmasida shovqin ko‘rsatkichining yuqori ekanligi va elastik qoplamlarning chidamsizligi hisoblanadi.

Piliklash mashinalarida ishlatilayotgan 3×3 va 4×4 tizimidagi cho‘zish asboblarida yuqoridagi kamchiliklar deyarli bartaraf etilgan.



I – chiqaruvchi cho‘zish juftligi.
 II – oraliq cho‘zish juftligi.
 III – ta’minlovchi cho‘zish juftligi.
 A – dastlabki cho‘zish zonasasi.
 B – asosiy cho‘zish zonasasi.

120-rasm. 3×3 tizimidagi cho‘zish asbobi



1 – chiqaruvchi cho‘zish juftligi.
 2 – oraliq cho‘zish juftligi.
 3 – ta’minlovchi cho‘zish juftligi.
 4 – qo‘shimcha cho‘zish juftligi.

121-rasm. 4×4 tizimidagi cho‘zish asbobi

Ushbu cho‘zish asbobi ikki zinchlagichdan, ikki tasmachadan, to‘rt silindr va to‘rtta valikdan tashkil topgan bo‘lib, cho‘zish uch zonada amalga oshiriladi. Valiklar silindr o‘qlariga nisbatan ma’lum masofaga siljitimlib (2, 4, 5, 6 mm gacha) o‘rnatilgan. Siljish masofasi universal holatda 3 mm bo‘lib, paxta tolasi uchun 2 mm, sintetik tolalar uchun 4 mm tavsiya etiladi.

3×3 va 4×4 cho‘zish asboblari yetakchi firmalar tomonidan deyarli bir xil konstruksiyada ishlab chiqarilmoqda. Ularda cho‘zish va pishitish chizig‘i bir xil qiyalikda o‘rnatilgan.


Zichlagichlar

Piliklash mashinalarining yetaklovchi mexanizmi ta'minlanayotgan mahsulotga ilgarilama-qaytma harakat berib, valiklarning elastik qoplamlari bir tekis yemirilishga xizmat qilgan va ularning xizmat muddatini uzayishiga olib kelgan.


Piliklash mashinalarida maxsus konstruksiyadagi zichlagichlar qo'llanilishi natijasida yetaklovchi mexanizmga ehtiyoj qolmadi.

Zichlagichlardan o'tayotgan mahsulotning yoyilib harakatlanishi elastik qoplamlarning ishlash muddati uzayishiga olib keldi.

Piliklash mashinalarida ishlatiladigan zichlagichlar ochiq va yopiq bo'lishi mumkin. Mahsulot zichlagich teshigidan o'tayotganda tarkibidagi tolalar zichlashib, bir-biriga yaqinlashadi, ular orasidagi kontakt ko'payib ishqalanish kuchi, ularning ilashuvchanligi ortadi. Natijada cho'zish jarayoni har tomonlama yaxshilanadi, ya'ni tolalarning to'g'rilanish va parallelash darajasi ortadi.



122-rasm. Zichlagichlarning
o'rnatilishi



1-ta'minlash
zonasidagi
zichlagich

2-dastlabki
cho'zish
zonasidagi
zichlagich



3– asosiy cho'zish zonasidagi
qo'shaloq zichlagich

3. Pishitish jarayoni

Mahsulotni pishitish jarayoni ip ishlab chiqarishda muhim tadbirdardan biri hisoblanadi. Pishitish jarayoni piliklash, yigirish va pishitish mashinalarida qo'llaniladi.

Pishitish jarayonining maqsadi nisbatan kalta tolalardan kerakli pishiqlikka ega bo‘lgan yumaloq shakldagi mahsulotni hosil qilishdan iborat.

Pishitish jarayonining mohiyati esa o‘zaro parallel tolalarni mahsulot o‘qi atrofida burash orqali ularni vintsimon chiziq bo‘ylab joylashtirib, uzuvchi kuchlarga qarshiliginini (pishiqligini) oshirishdan iborat.


Mahsulot pishitilganda tolalarning zichlanishi natijasida ularning bir-biriga bosimi ortib, o‘zaro ishqalanish kuchi paydo bo‘ladi. Aynan shu kuch mahsulotning uzuvchi kuchlarga qarshiliginini ta’minlaydi.

Mahsulotning buralishi tolalarning vintsimon chiziqlar bo‘ylab joylashishiga va uzunligining ma’lum miqdorda qisqarishiga olib keladi. Bu hodisaga pishitishdagi kirishish deyiladi.

Pishitish darajasi

Pilikni shakllantirishda cho‘zish asbobidan chiqayotgan piltachaga pishitish mexanizmi yordamida buramlar beriladi. Natijada mahsulot nisbatan zichlashib, yumaloq shaklga keltiriladi.

Urchuq yoki rogulkaning o‘z o‘qi atrofida bir marta aylanishi pilikka bitta buram beradi. Bir metr mahsulotga to‘g‘ri kelgan buramlar soni *pishitilganlik* deb ataladi.



123-rasm. Pilikning o‘ng a) va chap b) pishitilishi, o‘ram d), o‘ram yoyilmasi e)

O‘ng va chap pishitilganlik mavjud bo‘lib, ular quyidagicha belgilanadi.

Z – o‘ng pishitilganlik bo‘lib, soat strelkasi bo‘ylab yo‘nalgan bo‘ladi.

S – chap pishitilganlik bo‘lib soat strelkasiga teskari yo‘nalgan bo‘ladi.

d – mahsulot diametri, mm.

h – bitta buramning balandligi, mm.

β – pishitish burchagi.

Pishitilganlikni quyidagicha aniqlash mumkin

$$K = \frac{n_u}{g_1} \quad [\text{buram / metr}].$$

K – pishitilganlik, buram/metr.

n_u – urchuq yoki rogulkaning aylanishlar soni, min^{-1} .

g_1 – oldingi silindrning tezligi, m/min.

Yuqoridagi chizmadan.

$$K = \frac{1000}{h} \quad [\text{buram / metr}].$$

Pishitilganlik koeffitsienti pishitishning fizikaviy mohiyatini ifodalaydi va buramlar (pishitish) burchagini hisoblash orqali aniqlanadi. Pishitilganlik koeffitsienti yordamida turli chiziqiy zichlikdagi mahsulotning pishitilganligini aniqlash mumkin.

$$K = \frac{\alpha_t \cdot 100}{\sqrt{T_p}}.$$

α_t – pishitilganlik koeffitsiyenti.

T_p – pilikning chiziqiy zichligi, teks.

Pishitilganlik koeffitsiyenti tolaning uzunligiga, chiziqiy zichligiga, mahsulotning chiziqiy zichligiga va saralanma tarkibiga asoslanib tanlanadi.

Agar tolanning uzunligi ortsa, pishitilganlik koeffitsiyenti unga mos ravishda kamayadi. Tola va undan ishlanadigan pilikning chiziqiy zichligi ortishi bilan pishitilganlik koeffitsiyenti ham ko‘payadi.

Saralanma qancha past navlardan tashkil topsa, pishitilganlik koeffitsiyenti shunchalik katta bo‘ladi.

Amaliy pishitilganlik koeffitsiyenti bilan birga kritik pishitilganlik koeffitsiyenti ham ishlatiladi. Kritik pishitilganlik koeffitsienti mahsulotning maksimal pishiqlik chegarasini bildiradi.

Kritik pishitilganlik koeffitsiyentini qo‘llash tavsiya etilmaydi, odatda amaliy pishitilganlik koeffitsiyentini kritik qiymatdan 10–15% kam miqdorda tanlanadi.


4. Pishitish mexanizmi

Piliklash mashinasida cho‘zish asbobidan chiqayotgan piltachaga buramlar berish uchun pishitish mexanizmidan foydalaniladi. Tuzilishi va

ishlashiga ko‘ra pishitish mexanizmini shartli ravishda ikki turga ajratish mumkin (urchuqli va urchuqsiz).

Urchuqli pishitish mexanizmi

Piliklash mashinalari urchuqli pishitish mexanizmi bilan jihozlangan bo‘lib, mahsulotni pishitish va o‘rash vazifasi birgalikda amalga oshirilgan (urchuqning bir aylanishi natijasida bitta buram berilgan, rogulka va g‘altak tezliklari farqi hisobiga o‘rash sodir bo‘ladi).



124–rasm. Urchuqli pishitish mexanizmi


Urchuqli pishitish mexanizmi ustki va pastki karetkalardan, reykali uzatish moslamasidan, urchuq va unga o‘rnatilgan rogulkadan, urchuq hamda g‘altakka harakat uzatish moslamasidan iborat bo‘lib, urchuqning tezligi cheklanganligi sababli mashina unumdorligi va pakovka massasi talab darajasidan past bo‘ladi.

Pakovka o‘lchamlarini oshirish urchuq va rogulkaning aylanishida katta chayqalishlarga sabab bo‘lganligi ham mexanizmning asosiy kamchiliklaridan hisoblanadi.

Rogulka ishchi va muvozanatlovchi shoxchalardan tuzilgan. Ishchi shoxcha g‘ovak, tirqishli va maxsus shaklga ega bo‘lib, pilikni uzilmasdan pishitilib o‘tishini ta’minlaydi. G‘ovak shoxchadagi tirqish pilikni shaylash qulayligini ta’minlaydi. Rogulkadagi lapkacha o‘ralayotgan pilikning tarangligini rostlashga (bir xil zichlikda o‘ralishiga) xizmat qiladi.

Urchuqli pishitish mexanizmi kamchiliklarini bartaraf etish, rogulka tezligi va pokovka massasini oshirish maqsadida urchuqsiz pishitish mexanizmlari qo‘llanilmoqda.

Rogulkaning osma ravishda ustki panelga o‘rnatilganligi va tasmali uzatma yordamida harakatlanganligi sababli uning tezligini oshirish imkoniyati yaratildi.




125–rasm. Urchuqsiz pishitish mexanizmi

1–cho‘zish asbobining chiqaruvchi juftligi; 2–mexanizmning ustki paneli; 3–buram taqsimlagich; 4–rogulka; 5–rogulkaning tasmali harakat uzatmasi; 6–lapka (barmoqcha); 7–g‘altak yo‘naltirgich.

Ushbu mexanizmda pishitish ikki zonada amalga oshiriladi. Birinchi zona chiqaruvchi juftlik – buram taqsimlagich orasida bo‘lib, cho‘zish asbobidan chiqayotgan piltachaga aylanuvchan buram taqsimlagich sirti qirralari yordamida (yumalatib) dastlabki buramlarni beradi. Ikkinci zona buram taqsimlagich – rogulkaning g‘ovak shoxchasi orasida bo‘lib, uning elkasi shakllanayotgan pilikka asosiy buramlarni beradi. Ustki panelga o‘rnatilgan buram taqsimlagichlarning balandligi hisobiga oldingi va keyingi qatorlarda pilikning bir xil taranglikda pishitish amalga oshiriladi.

Buramlarni bir tekisligini ta’minalash maqsadida har xil tuzilishdagi buram taqsimlagichlar ishlatiladi. Ularning ishchi sirtlari va riflya – o‘yiqlari har xil tuzilishga ega bo‘lib tola turlariga qarab tanlanadi. Buram taqsimlagichlar piltachaga berilayotgan buramlarni oldingi silindrgacha etib borishini ta’minalaydi, pilik tolalarini zichlashtirib pishiqligini oshiradi va uzelishlarni kamaytiradi.



126–rasm. Buram taqsimlagichlar

a – taqsimlagichning sirti yumaloqlashtirilib, riflyalari sezgir qilib ishlangan, u universal hisoblanib, paxta va kimyoviy tolalardan chiziqiy zichligi 500 teksgacha bo‘lgan pilik tayyorlashda ishlatiladi.

b – taqsimlagichning sirti yumaloqlashtirilmay, o’tkir riflyalar bilan jihozlangan, u paxta, viskoza va boshqa kimyoviy tolalardan chiziqiy zichligi 1000 teksgacha bo‘lgan pilik ishlab chiqarishda qo‘llaniladi.

d – taqsimlagichning sirti yumoloqlashtirilgan o’tmas riflyali qilib ishlangan, u paxta va kimyoviy tolalar aralashmasidan chiziqiy zichligi 500 teksdan kam bo‘lgan pilik ishlab chiqarishda qo‘llaniladi. Shunday qilib, piliklash mashinasi unifikatsiyalashtirilgan.

5. O‘rash jarayoni

O‘rash jarayonining maqsadi – yigirish o‘timlarida xomaki mahsulotlar sifatiga ziyon yetkazmasdan qayta ishslash, saqlash va transportirovkalash uchun qulay, iloji boricha katta hajmdagi zich, kompakt pokovka hosil qilishdan iborat.

O‘rash jarayonining mohiyati esa – chiqaruvchi organdan kelayotgan mahsulotni ma’lum qonuniyatlar asosida g‘altakka joylashtirib, belgilangan pakovkani shakllantirishdan iborat.

Pilik ishlab chiqarishda asosan silindrik tuzilishdagi chetlari konussimon o‘rash turi qo‘llaniladi.

Pilikni o‘rash shartlari

Shakllangan pilik o‘z vaqtida maxsus pokovka shaklida o‘ralishi shart. Pilikni o‘rash g‘altak tezligining oshib borishi yoki kamayib borishi hisobiga amalga oshiriladi. Paxta tolasi ishlatilganda piliklash mashinalarida g‘altakning tezligi urchuq tezligidan katta, zig‘ir va jun tolalari ishlatilganda esa urchuqning tezligi rogulkadan katta bo‘ladi.

Pilikni o‘rashda quyidagi talablarga amal qilinadi:

1. O‘rash shakli – «pokovka» keyingi mashinani ta’minlash uchun qulay bo‘lishi kerak;
2. Pokovka o‘ramlari keyingi bosqichda ishlatilganda titilib ketmasligi kerak;
3. Pokovka transportirovka uchun qulay bo‘lishi kerak;
4. G‘altakka o‘ralgan pilikning uzunligi yoki massasi mumkin qadar maksimal bo‘lmog‘i shart.

Pilikni o‘rash kompyuter dasturlari yordamida boshqariladi, ya’ni:

- g‘altakning tezligi har bir qatlama kamaytiriladi;
- g‘altakli karetkaning tezligi har bir qatlama oxirida kamaytiriladi;
- g‘altakli karetkaning harakat qulochi har bir qatlama kamaytiriladi;

- g‘altakli karetkaning harakat yo‘nalishi har bir qatlam so‘ngida o‘zgartiriladi.

O‘rashning birinchi sharti.

$$n_{o'rash} = \frac{g_1 \cdot e_0}{\pi d_{o'rash}}$$

tenglamasidan kelib chiqadi, ya’ni oldingi silindr dan qancha mahsulot chiqarilsa, shuncha pilik g‘altakka o‘ralishi kerak, demak:

$$n_{g'altak} = n_{urchug} \pm \frac{g_1 \cdot e_0}{\pi d_{o'rash}},$$

bu yerda:

$n_{g'altak}$ – g‘altakning aylanishlar soni, min^{-1} ;

g_1 – oldingi silindrning chiziqli tezligi, m/min ;

$d_{o'rash}$ – o‘ralayotgan pokovka diametri, mm.

e_0 – g‘altak bilan oldingi silindr oralig‘idagi cho‘zilish ($e_0=1,01 \div 1,03$).

Pokovkaning diametri ortib borgan sari g‘altakning aylanishlar soni kamayib borishi *o‘rashning birinchi shartini* belgilaydi.

O‘rashning ikkinchi sharti $g_{karetka} = n_{o'rash} \cdot h$ tenglamasidan kelib chiqadi, bu yerda:

$g_{karetka}$ – karetkaning chiziqli tezligi, m/min .

$n_{o'rash}$ – o‘ralayotgan pokovkaning aylanishlar soni, min^{-1} .

h – bitta o‘ramning balandligi.

$$g_{karetka} = \frac{g_1 \cdot e_0}{\pi d_{o'rash}} \cdot h.$$


Demak, o‘rash diametri ortgan sari g‘altakli karetkaning chiziqli tezligi kamayib borishi *o‘rashning ikkinchi shartini* belgilaydi. Pokovkaning konussimon qismi hosil bo‘lishi uchun karetka va u bilan birga g‘altak o‘zgaruvchan quloch bilan harakatlanishi *o‘rashning uchinchi shartini* belgilaydi.

Pokovkaning qatlamlari hosil bo‘lishi uchun karetka yuqoriga va pastga ilgarilanma-qaytma harakatlanishi *o‘rashning to‘rtinchi shartini* belgilaydi.

6. Piliklash mashinasining o‘rash mexanizmi


Mashinaning o‘rash qurilmasi g‘altakli karetka, g‘altak va harakat uzatish moslamasidan iborat.

G‘altakli karetka konsollarga o‘rnatilgan bir qancha segmentlar birikmasidan tuzilgan, ularga g‘altaklarning tayanch qismi va tasmali uzatmasi joylashtirilgan bo‘lib, alohida servomatordan harakat oladi.



127–rasm. Piliklash mashinasining g‘altak karetkasi
1–g‘altakli karetka, 2–g‘altakli karetkaning segmentlar paneli, 3–segmentlarni o‘rnatish uchun konsollar, 4– pakovkaning tayanch uzeli.

Ikki konusli o‘ram shakllanishini uchun g‘altakli karetka yuqoriga va pastga harakatlanib, pilik o‘ramlarini bir xil qadamda tashlab boradi. Boshqarish tizimi orqali g‘altakli karetka harakat qulochining doimiy kamayib borishi hisobiga pokovkaning ikki konusi hosil bo‘ladi. Pilikning ustki va pastki qirrasi o‘rash parametrlari hisoblanib kompyuter dasturi yordamida boshqariladi.



128–rasm. Ikki konusli o‘ram shakli
 α – konus burchagi, karda piligi uchun $\alpha = 50^\circ$, qayta tarash piligi uchun $\alpha=58^\circ$

O‘rash davrini shartli ravishda uch qismga ajratish mumkin:

- pilik uchini g‘altakning yopishqoq belbog‘iga ulash;
- asosiy o‘rash vaqt;
- o‘rashning tugash vaqt.

Pilik mashinasining ikkala qatoridagi g‘altaklarda bir xil zichlikdagi pakovka hosil qilishda pilikning tarangligi muhim omil hisoblanadi. Pilik tarangligi shaylash usullari bilan rostlanadi.

O‘rashdagi shaylash usullari



129-rasm. Pilikning orqa A va oldingi B qatorida o‘ralishi

7. Piliklash mashinasining unumdorligi

$$A_n = \frac{n_u \cdot 60 \cdot T_p \cdot m}{K \cdot 1000^2} \quad [\text{kg / soat}];$$

bu yerda:

A_n – nazariy unumdorlik, kg/soat.

n_u – urchuq yoki rogulkaning aylanishlar soni, min^{-1} .

T_p – pilikning chiziqiy zichligi, teks.

K – pilikning pishitilganlik miqdori, buram/metr.

m – mashinadagi urchuqlar soni.

Nazorat savollari

1. Piliklashning maqsadi va mohiyati nimalardan iborat?
2. Piliklash mashinasi qanday vazifalarni bajaradi?
3. Piliklash mashinasining qanday turlari ishlatilmoqda?
4. Piliklash mashinasining asosiy ishchi organlari nimalardan iborat?
5. Ta’minalash qurilmasiga qanday talablar qo‘yiladi?
6. Ta’minalash qurilmalarida qanday yo‘naltiruvchi vallar ishlatiladi?
7. Baland ramkali ta’minalash qurilmasi qanday afzalliklarga ega?
8. Cho‘zish asboblarining qanday turlari mavjud?
9. Piliklash mashinalarida zichlagichlarning qanday turlari ishlatiladi?
10. Pishitishning maqsadi va mohiyati nimada?
11. Pishitish darajasi qanday aniqlanadi?
12. Pishitilganlikning qanday turlari mavjud?

13. Pishitilganlik koeffitsiyenti nimani bildiradi?
14. Pishitish mexanizmi qanday qismlardan iborat?
15. Pishitish mexanizmining qanday turlari mavjud?
16. O‘rashning maqsadi va mohiyati nimada?
17. O‘rashning qanday shartlari mavjud?
18. Piliklash mashinasining o‘rash qurilmasi qanday qismlardan iborat?
19. G‘altakli karetka qanday vazifalarni bajaradi?
20. Piliklash mashinasining unumdorligi qanday aniqlanadi?

10-BOB. HALQALI USULDA IP YIGIRISH

Yigirish mashinasining asosiy vazifasi pilik yoki piltadan ip shakllantirishdan iborat. Yigirish mashinasi pilikni ingichkalashtirish, uni pishitish va keyingi bosqichda ishlatish uchun qulay shaklga ega bo‘lgan o‘ram – pakovka hosil qilish vazifalarini bajaradi. Yuqori sifatli ip yigirishda jarayon uzluksiz yoki davriy o‘tishi mumkin.

Yigirishning maqsadi xomaki mahsulotdan belgilangan xossalarga ega bo‘lgan ip tayyorlashdan iborat.

Yigirishning mohiyati esa xomaki mahsulotni ma’lum chiziqiy zichlikkacha cho‘zib ingichkalashtirish, buramlar berish orqali pishitish, belgilangan tartibda o‘rab muayyan pokovka hosil qilishdan iborat.

1. Halqali yigirish mashinalari

Pilikdan ip tayyorlashda xalqali yigirish mashinalari ishlatiladi. Halqali yigirish mashinalari ishlash usuliga qarab davriy va uzluksiz yigirish mashinalariga ajratilgan. Davriy mashinalar selfaktorlar deb atalib, o‘ta ingichka (3,33 – 5,0 teks) iplarni yigirishda ishlatiladi. Uzluksiz ishlaydigan mashinalar keng tarqalgan bo‘lib, turli chiziqiy zichlikdagi iplar yigirishda ishlatiladi. Davriy yigirish mashinalari ip sifatini ta’minlasa-da, unumdorligi pastligi uchun keng qo‘llanilmaydi.

Halqali yigirish mashinasida asosan uchta texnologik jarayon – ***cho‘zish, pishitish va o‘rash*** jarayonlari bajariladi.

MDH korxonalarida chiziqiy zichligi kichik bo‘lgan iplar П-66–5M6, П-66–5M7, ПУ-66–5M6, ПУ-66–5M7 mashinalarda, chiziqiy zichligi o‘rtacha va yuqori bo‘lgan iplar esa П-76–5M6, П-70, П-83–5M mashinalarida yigirilmoqda. O‘zbekiston to‘qimachilik korxonalarida horijiy firmalarning Zinser-350, 351, 360 (Zinser), G 33, G 35 (Rieter), RST-1, MP1N (Marzoli), RX 220, 230 (Toyoda), JWF 1510, 1516 (Jingwei) yigirish mashinalari samarali ishlatilmoqda.

Yigirish mashinalarining tuzilishi va ishlashi deyarli bir xil bo‘lib, odatda ikki tomonli qilib tayyorlanadi. Ular bir-biridan urchuqlarning soni, xalqalar orasidagi masofa, cho‘zish asbobi va pishitish – o‘rash mexanizmining tuzilishi bilan farqlanadi.


Halqali yigirish mashinalarida to‘lgan naychalarni ajratish va bo‘shlarini urchuqlarga joylash avtomatik tarzda amalga oshiriladi, ajratilgan naychalar vertikal holatda qayta o‘rash avtomatlariga

transportirovka qilinadi. Ushbu yigirish mashinalarining ishchi parametrlari kompyuter tizimi tomonidan boshqariladi.

Halqali yigirish mashinalarining texnik tavsifi

Ko'rsatkichlar	Π 66–5M6	Zinser-350	G 35	MP1N	JWF 1510
Ishlab chiqaruvchi firma (Davlat)	O'zbekiston	Zinser	Rieter	Marzoli	Jingwei
Ishlatiladigan tola uzunligi, mm	40 mm gacha	60 mm gacha	60 mm gacha	60 mm gacha	60 mm gacha
Ip chiziqiy zichligining diapazoni, teks	5,88 – 100	4 -167	3,7 – 132	4 – 150	7,9 – 97,2
Urchuqlar orasidagi masofa, mm	60	70;75;82,5	70;75	70;75	70
Urchuqning aylanishlar chastotasi, min ⁻¹	14000 gacha	25000	25000	25000	12000 dan 25000 gacha
Urchuqlar soni, dona	432	180 -1680	144 – 1632	432 - 1344	384 – 516
Halqa diametri, mm	44,5	36 -58	36 – 54	36 – 54	35 – 45
Cho'zish asbobining turi	3x3	3x3	3x3	3x3	3x3
Cho'zish miqdori, E	60	8 -80	8 – 120	7,05 – 80	10 – 50
Buramlar miqdori, bur/m	300 – 1600	100 -3500	200 – 3000	160 – 2000	230 – 1740
Naycha uzunligi, mm	240	180 -260	150 – 250	180 – 260	180 – 205

Halqali yigirish mashinasiga quyidagi asosiy qismlardan tashkil topgan: ta'minlash qurilmasi; cho'zish asbobi; yetaklovchi moslama; pishitish – o'rash mexanizmi; harakatga keltirish moslamasi.



130-rasm. Zinser-350 xalqali yigirish mashinasi

1—pilikli g‘altak; 2—yo‘naltiruvchi chiviq; 3—zichlagich; 4—cho‘zish asbobi; 5—momiq so‘rgich; 6—momiq so‘rgich tizimi; 7—ip o‘tkazgich; 8—ip ajratkich; 9—ballon cheklagich; 10—yugurdak; 11—xalqa; 12—urchuq; 13—pakovka; 14—urchuqlarning harakat uzatmasi; 15—urchuqlar brusi.

Ta’minalash qurilmasining osma tutqichidagi g‘altak o‘ramlaridan yo‘naltiruvchi chiviqlarni qamrab ajralib chiqayotgan pilik yetaklovchi mexanizm zichlagichidan o‘tib, cho‘zish asbobining ta’minalovchi juftiga keladi. Cho‘zish asbobida pilik ingichkalashib, chiqaruvchi juftlikdan yupqa tutamcha (michka) shaklida chiqadi. Chiqaruvchi silindr tagida momiq so‘rgich o‘rnatilgan bo‘lib, ip uzelganda tolalarini momiq so‘rgich tizimiga tortib oladi. Chiqayotgan michka buramlar olib ipga aylangach, ip o‘tkazgichdan o‘tib, katta chastotada aylanib turgan urchuq ta’sirida uzlusiz pishitiladi. So‘ngra ip xalqaga kiygizilgan yugurdak orasidan o‘tib naychaga o‘raladi.

2. Ta'minlash qurilmalari va cho'zish asboblari

Halqali yigirish mashinasining ta'minlash qurilmasi g'altakka o'ralgan pilikning maxsus moslamalarda engil va uzluksiz ajralib uzatilishiga xizmat qiladi.

Ta'minlash qurilmasi quyidagi talabalarga javob berishi shart:


- to'la o'ralgan g'altaklar orasidagi masofa 15–20 mm bo'lishi kerak, shu holda g'altaklarni bir-biriga tekkizmay almashtirish mumkin;

- pilikli g'altaklar qurilmada engil va bir me'yorda aylanishi kerak.

Undan ajralib chiqayotgan pilik cho'zilmasligi va uzilmasligi shart;

- qurilmaning balandligi shunday bo'lishi kerakki, yigiruvchining qo'li qurilmaning istalgan joyiga etib, g'altaklarni osonlik bilan almashtira olsin;


Taminlash qurilmalari *bir, ikki va uch yarusli* tuzilishda tayyorlangan. Ikki va uch yarusli ta'minlash qurilmalari baland bo'lib, xizmat ko'rsatishga noqulay. Shu sababli universal hisoblangan bir yarusli ta'minlash qurilmalari ko'p ishlatilmoqda.



131-rasm. Ikki va uch yarusli ta'minlash qurilmalari


Ta'minlovchi qurilmalarda shpilka, prizma va osma g'altak tutqichlar ishlatiladi. Shpilkali va prizmali ta'minlash qurilmalarida pakovka o'z massasining ta'sirida og'ir aylanganligi uchun pilikda yashirin cho'zilish sodir bo'ladi. Shuning uchun yigirish mashinalari asosan osma g'altak tutqichli ta'minlash qurilmalari bilan jihozlanmoqda.

Bir yarusli universal ta'minlash qurilmasining balandligini va g'altaklar orasidagi masofasini o'zgartirish imkoniyati katta bo'lib, uning afzalliklaridan biri hisoblanadi.



132-rasm. Bir yarusli universal ta'minlash qurilmasi

1—ustun; 2—ko'ndalang kronshteyn;
3—g'altak ushlagichlar uchun profilli
reyka; 4—g'altak ushlagichlar;
5—pilikli g'altak; 6—yo'naltiruvchi trubka.




133-rasm. G'altak tutqich

1—vint; 2—podshipnik; 3—ustki stakan;
4—prujina; 5—konus;
6—plastinkali prujina;
7—fiksator.

Cho'zish asboblari

Cho'zish asbobida pilik belgilangan chiziqiy zichlikkacha cho'zib ingichkalashtiriladi, uni tashkil etuvchi tolalar bir-biriga nisbatan siljib kattaroq masofaga taqsimlanadi. Natijada tolalarning orqa va old uchlari to'g'rilanadi hamda bir-biriga nisbatan parallelashadi. Halqali yigirish mashinalarining cho'zish asboblari uch silindrli, uch valikli, bir yoki ikki tasmali tuzilishda tayyorlanadi.




134-rasm. BP-1M va BP-
1y3M ikki tasmali cho'zish
asbobi

– yuklovchi richag takomillashgan bo'lib, valiklarning qiyshayishi oldi olingan;

Ushbu cho'zish asbobi SKF firmasining litsenziyasiga asosida tayyorlanadi. Uning quyidagi xususiyati mavjud:
– tasma uzunligi oshirilgan;
- tasma tarangligining doimiyligi ta'minlangan;


– I ÷ III liniya valiklarning diametri kattalashtirilganligi tufayli ularning ishslash muddati uzaytirilgan.



135-rasm. BP-2 bir tasmali cho‘zish asbobi

Cho‘zilganlik E=40 gacha.

Egri cho‘zish chizig‘i tolalar harakatini nazorat etish imkonini berib, jarayon bir me’yorda davom etishini ta’minlaydi.




136-rasm. BP-3-45Π cho‘zish asbobi

$P = 100-140-160\text{N}$,
 $E_{um} = 65$ gacha,
 $e_1 = 14-29$,
 $e_2 = 1-3$ gacha.

Bu cho‘zish asbobi BP-1-Y3M asosida yaratilgan bo‘lib, PK-225 yuklovchi richagi bilan farq qiladi. Asosiy xususiyatlari:

- birinchi valik oldiga, ikkinchi valik orqaga 2 mm siljtilgan;
- silindrlar hamma liniyalarda ignali podshipnikka o‘rnatilgan (oldingi cho‘zish asboblarida sirpanuvchi);
- valiklarga qo‘yilgan yuk miqdori oshirilgan.
- detallarni tayyorlash katta aniqlikda bajarilgan.

Zinser-350 yigirish mashinasining cho‘zish asbobi



137-rasm. Zinser-350 yigirish mashinasining cho‘zish asbobi

Ushbu cho‘zish asbobi ham SKF firmasining litsenziyası asosida tayyorlangan. PK-2025 yuklovchi richag bilan jihozlangan.

Pilikni cho‘zish dastlabki va asosiy cho‘zish zonalarida amalga oshiriladi. Cho‘zish quvvati $E=8 - 80$ gacha.

Deyarli barcha xorijiy firmalarning yigirish mashinalari xuddi shunday cho‘zish asbobi bilan jihozlangan.

Cho‘zish asbobiga qo‘yiladigan talablar:


- valik tayanchida ishqalanish kuchi doimiy va kam bo‘lishi kerak;
- valiklarga qo‘yilgan yuk cho‘zish jarayoni uchun yetarli va o‘zgarmas bo‘lishi shart;
- elastik qoplama ishqalanish koeffitsiyenti doimiyligini ta’minlashi kerak;
- tasmachalar charm yoki polixlorvinildan tayyorlanishi va chidamli bo‘lishi kerak;
- tozalagichlar silindr va valiklar sirtini samarali tozalashi kerak;
- momiq so‘rgichlar bilan jihozlangan bo‘lishi kerak;

3. Yetaklovchi mexanizm va zichlagichlar

Yetaklovchi mexanizm mahsulotni cho‘zuvchi juftliklar sirtida ilgarilama – qaytma harakatlantirib, elastik qoplamalarni bir tekis yemirilishi natijasida cho‘zish parametrlari doimiyligini ta’minlashga xizmat qiladi.

Ular tuzilishiga ko‘ra yakka va qo‘shaloq bo‘ladi. Yakka yuritgichlar bitta pilikdan, qo‘shaloqlar esa ikkita pilikdan ip yigirishda ishlataladi. Harakat yo‘nalishi bo‘yicha o‘zgaruvchan qadamli va o‘zgarmas qadamli yetaklovchi mexanizmlar mavjud.


Yetaklovchi mexanizm harakatni bevosita cho‘zish silindridan (3 liniya) chervyakli uzatma orqali oladi. Uzatmada eksentrik holatda joylashgan shpindel bo‘lib, ichki ilashuvchanlikka ega bo‘lgan shesternya harakatni richag ustunidagi plankalarga uzatadi. Harakat qulochi eksentrik o‘rnatilishiga bog‘liq.




138-rasm. Yetaklovchi mexanizm
 1–ekssentrik o‘qi; 2–ekssentrik
 diskı;
 3–ta’minlovchi silindr; 4–
 chervyak;
 5–chervyakli g‘ildirak;
 6–ichki ilashuvchanli tishli
 uzatma (qo‘shimcha amplituda
 uchun);
 7–sirpanuvchi kronshteyn;
 8–yo‘naltiruvchi barmoq; 9–o‘yiq;
 10–tortgich; 11–zichlagichlar
 plankasi.

139–rasm. Yetaklovchining
 harakat trayektoriyasi
 1–ta’minlovchi silindr; 2–oraliq
 silindr;
 3–chiqaruvchi silindr; 4–
 ta’minlovchi valik; 5–pastki
 tasma; 6–yo‘naltiruv-chi; 7–
 zichlagichlar plankasi; 8–zichla-
 gichlar harakat traektoriyasi.

Zichlagichlar asosiy vazifasi pilikni jipslashtirib, cho‘zish maydonida uni yoyilib ketishdan asrashdir. Bu bilan tolalarga ta’sir qiluvchi ishqalanish kuchi ortib, tolalar nazorati yaxshilanadi. Ba’zi cho‘zish asboblarida bir necha zichlagichlar ishlataladi. Tutamcha zichlagichi novsimon, pilik zichlagichi esa voronkasimon qilib yasaladi.



140-rasm. Novsimon zichlagich



141–rasm. Voronkasimon
 zichlagich

4. Ipning pishitilishi

Cho‘zish asbobidan chiqayotgan yupqa tutamchani ipga aylantirish uchun buramlar berib pishitiladi. Ip pishitilganda uni tashkil etuvchi tolalar vintsimon chiziqlar bo‘ylab joylashgan holda bir-biriga bosilib, zichlashib jipslashadi. Natijada ular orasida ishqalanish kuchi yuzaga keladi va u ipning uzuvchi kuchlarga qarshiligini bildiradi. Ipning pishitilishi pishitish – o‘rash qurilmasi yordamida amalgalashadi.

Buramlar berish natijasida tutamchada bir-biriga parallel chiqayotgan tolalar ip o‘qiga nisbatan qadami va radiusi turlicha bo‘lgan vintsimon chiziq bo‘ylab joylashadi. Ipning pishitilganligi ip uzunlik birligiga to‘g‘ri keluvchi buramlar soni bilan ifodalanadi. Metrik o‘lchov tizimida 1m ipga

to‘g‘ri keluvchi, ingliz o‘lchov tizimida bir duym uzunlikka to‘g‘ri keluvchi buramlar soni pishitilganlik deyilib K , [b/m]; TPI [b/duym] bilan belgilanadi. Ip o‘qiga nisbatan tolaning qiyalik burchagi **pishitilish burchagi** deyiladi. Ip pishitilishining uchinchi ko‘rsatkichi pishitish koeffitsientidir. Pishitish koeffitsiyentidan yo‘g‘onligi turlicha iplarni qiyoslashda foydalaniladi.

Ipning pishitilganligini hisoblash uchun pishitish koeffitsiyentini tanlash kerak. U tolanning uzunligiga, ipning chiziqiy zichligiga va ipning ishlatilishiga qarab tanlanadi (trikotaj, to‘quv, arqqoq yoki tanda).

$$K = \frac{\alpha_t \cdot 1000}{\sqrt{T_{ip}}} , \text{ bur/m}$$

Bu yerda: K – pishitilganlik, bur/m;

α_t – pishitish koeffitsiyenti;

T_{ip} – ipning chiziqiy zichligi, teks.

5. Ipni o‘rash shartlari

Ip konussimon sirtga o‘ralayotganda yugurdak va xalqali planka bir xil tezlikda harakat qilmaydi, balki pochatka diametriga qarab o‘zgarib turadi. Yugurdakning aylanishlar soni quyidagi tenglama bilan ifodalanadi:

$$n_{yu} = n_u - \frac{\vartheta_{o.s.} \cdot K_k}{\sqrt{(\pi d_{o.r})^2 + h^2}} ;$$

Bu yerda:

n_u – urchuqning aylanishlar soni, min^{-1} ;

$\vartheta_{o.s.}$ – oldingi silindrning tezligi, m/min ;

K_k – pishitishdagi kirishish koeffitsiyenti;

$d_{o.r}$ – pochatka diametri, mm;

h – o‘ram qadami, mm.

Agar $\frac{h}{(\pi d_{o.r})} = 0$ ekanligini inobatga olsak,

$n_{yu} = n_u - \frac{\vartheta_{o.s.} \cdot K_k}{\pi d_{o.r}}$ tenglamasi hosil bo‘ladi va bu tenglama o‘rashning birinchi shartini belgilaydi.

Halqali planka tezligi

$\vartheta_{h.n.} = \frac{h \cdot \vartheta_{o.s.} \cdot K_k}{\sqrt{(\pi d_{o.r})^2 + h^2}}$ tenglamasi bilan ifodalanadi.

Agar $\frac{h}{\pi d_{o,r}} = 0$ ekanligini inobatga olsak,

$$\vartheta_{h,n} = \frac{h \cdot \vartheta_{o,s} \cdot K_k}{\pi d_{o,r}}$$

tenglamasi hosil bo‘ladi. Bu tenglama *o‘rashning ikkinchi shartini* belgilaydi.

O‘rashning birinchi va ikkinchi sharti aniq bajarilganda ip bir xil zichlikda va belgilangan shaklda o‘raladi.

6. Pishitish-o‘rash qurilmasi


Halqali yigirish mashinasining pishitish-o‘rash qurilmasi bajaradigan vazifasiga ko‘ra ikki qismga ajratiladi.

Cho‘zish asbobidan chiqayotgan tolali tutamchaga buramlar berib ipni shakllantirish vazifasini pishitish mexanizmi amalga oshiradi. Ipni belgilangan shaklda naychaga o‘rab, pochatka hosil qilish vazifasini o‘rash mexanizmi amalga oshiradi.

Pishitish mexanizmi klapan, ip o‘tkazgich, ip ajratgich, balloncheklagich, xalqali planka, xalqa, yugurdak, urchuq va urchuqlarni harakatlantiruvchi tasmadan iborat.

Ip o‘tkazgich po‘latdan yasalib toblanadi, uchi egilgan, uning sirtida o‘yig‘i bor. U klapanga o‘rnatilgan bo‘lib, urchuqning markaziga mos ravishda rostlanadi.

Klapanlar – xalqali plankalarning harakati yo‘nalishiga mos ravishda harakatlanadi.




142–rasm. Pishitish-o‘rash qurilmasi

- 1–urchuqlar brusi; 2–urchuq uyasi; 3–tizza tormizi; 4–urchuq shpindeli;
- 5–blokcha; 6–pochatka; 7–xalqali planka; 8–xalqa; 9–yugurdak;
- 10–balloncheklagich; 11–ip o‘tkazgich klapani; 12–ajratgich.

Ip ajratgich va balloon cheklagichlar. Ip Yugurdak bilan birga urchuq atrofida turli kuchlar ta'sirida aylanganda fazoda balloon deb ataluvchi shakl hosil bo'ladi. Ip o'ralayotganda balloonning radiusini kamaytirish uchun hamda ipning chalkashib ketishiga yo'l qo'ymaslik maqsadida urchuqlar orasiga ajratgichlar o'rnatiladi. Ajratgichlar plastinka, balloon cheklagichlar esa xalqa shaklida bo'ladi.

Yugurdaklar – pishitish mexanizmining asosiy organlaridan biri hisoblanadi.

U skoba shaklida bo'lib po'lat simdan yasaladi. Yugurdaklar ikki turda S-simon (*a*) va ellips shaklida (*b*) ishlab chiqariladi. Bundan tashqari maxsus shakldagi (*d*) yugurdak, ularning ko'ndalang kesimlari turlicha bo'lishi mumkin (*e*).




143-rasm. Yugurdak turlari, S-simon *a*), ellipssimon *b*), shakldor *d*), turli ko'ndalang kesimli yugurdaklar *e*)

Mingta yugurdakning grammlardagi massasi uning nomerini bildiradi. Naychaning diametri qancha kichik, yigirilayotgan ip ingichka, urchuqlarning aylanish tezligi yuqori, xalqaning diametri katta bo'lsa, yugurdak shuncha yengil bo'lishi kerak.

Yugurdakning ishlash muddati 150–200 soatgacha bo'lib, ular maxsus grafik asosida muntazam almashtiriladi.

Halqalar. Yigirish mashinalarida xalqalar yugurdakning harakatlanishi uchun yo'naltiruvchi yuza va tayanch hisoblanadi. Halqalar maxsus po'latdan tayyorlanib, uglerod va azot moddalari yordamida nitrosementlanadi, natijada xalqa sirtining 0,3 mm qalinlikdagi qattiqligi ortadi, ishlash muddati uzayadi.




144-rasm. Halqalar

Urchuqlar. Urchuqlar yigirish mashinasining pishitish va o'rash vazifalarini bajaruvchi asosiy ishchi organlardan biri hisoblanadi. Ular yengil, tebranmasdan, bir tekis minutiga 25000 gacha chastota bilan aylanishi kerak.


Urchuqlar eguvchi kuchlarga bardoshli, mustahkam, ko'p energiya sarf qilmasligi va uzoq muddat ishlashi kerak. Urchuqlar yig'ilgan birikma bo'lib, nasadkali shpindel, vtulka, uya, blokcha, podshipnik kabi qismlardan iborat.

Urchuqlarga harakat uzatish

Uzoq yillar davomida xalqali yigirish mashinasi urchuqlariga harakat uzatishda kapron tasmalardan foydalanildi. Bitta tasma yordamida barabandagi yoki diskdagi harakat 4 ta urchuqqa uzatilgan. Ushbu usul urchuqlar tezligining doimiyligini ta'minlay olmagan (urchuq massasi, ishqalanish kuchi, podshipnikdagi nosozliklar). Natijada buramlar soni har xil bo'lib sifatsiz ip yigirilishiga sabab bo'lgan. Bundan tashqari tasmalarning xizmat ko'rsatish muddati qisqa bo'lib ularni almashtirishga ko'p vaqt va mablag' sarflangan. Shuning uchun uzlucksiz tangensial tasma yordamida urchuqlarga harakat uzatish usuli joriy qilindi.



145-rasm. Urchuqlarni guruhlab harakatlantirish
1-disk, 2-tasma, 3-urchuqlar o'qi, 4-taranglovchi rolik.



146–rasm. Urchuqlarni yalpi harakatlantirish


1—servomotor shkivi; 2—uzluksiz tangensial tasma; 3—urchuqlar;
4—taranglovchi roliklar; 5—yo‘naltiruvchi roliklar; 6—zichlovchi roliklar;
7—cho‘zish asbobiga harakat uzatuvchi shkiv.

Ushbu usulda uzlucksiz tasma roliklar yordamida urchuqlarga bosilib aylanishlar sonidagi yo‘qotishlarni deyarli bartaraf etadi. Natijada urchuqlar tezligi doimiy bo‘lib, bir tekis pishitilgan – sifatli ip tayyorlanadi.


O‘rash mexanizmlari

Yigirish mashinasining o‘rash mexanizmlari xalqali plankaga urchuq o‘qi bo‘ylab ilgarilama-qaytma harakat uzatishga va belgilangan pakovka shaklini hosil qilishga xizmat qiladi. Tuzilishi va ishlashiga ko‘ra kulachokli va inkodorli o‘rash mexanizmlari mavjud.

Kulachokli o‘rash mexanizmi murakkab tuzilishga ega bo‘lib, harakatni boshqarish mexanik tarzda amalga oshiriladi. Ushbu mexanizm detallari massasining og‘irligi va qiyin harakatlanishi ipning bir tekis o‘ralmasdan, o‘rash nuqsonlarining sodir bo‘lishiga olib keladi.



147–rasm. Kulachokli o‘rash mexanizmi



148–rasm. Inkodorli o‘rash mexanizmi


1–tasmali uzatma vali; 2–ip o‘tkazgichlar uzatmasining shkivi; 3–xalqali planka uzatmasining shkivi; 4–ballon cheklagichlar uzatmasining shkivi; 5–xalqali planka uzatmasining asosiy tasmali tortgichi; 6–yo‘naltiruvchi shkivlar vali; 7–ip o‘tkazgichlar uzatmasining asosiy tasmali tortgichi; 8–ballon cheklagichlar uzatmasining asosiy tasmali tortgichi; 9-10–shkivlar; 11–mutloq qiymat datchigi; 12–13–xalqali plankanining saqlagich knopkalari.

Ushbu mexanizm kompyuter yordamida boshqariladi. Mexanizmning servomatori dastur asosida harakat yo‘nalishini o‘zgartirib tasmalar va maxsus moslamalar yordamida ilgarilama-qaytma harakatni mashinaning ikki tomonidagi xalqali planka, ip o‘tkazgich va ballon cheklagichlarga uzatadi. Tasmali tortgichlar va maxsus moslamalar har bir seksiyaga o‘rnatilgan bo‘lib, ilgarilama-qaytma harakatning mashina uzunligi bo‘yicha uzatilishini ta’minlaydi. Halqali planka va urchuq tezligi o‘zgaruvchan bo‘lib, pochatkaning turli qismlarida inkodor signaliga muvofiq dastur asosida boshqarilib turiladi. Halqali plankanining yuqoriga va pastga harakatlanishi, siljishi ham kompyuter orqali boshqarilib, o‘ralayotgan pochatka shaklini hosil qiladi.

7. Pochatkaning tuzilishi

Yigirish mashinalarida shakllangan ipni keyingi bosqichlarda ishlatish uchun transportirovka qilish va saqlash uchun naychalarga o‘rab pochatka hosil qilinadi. Halqali yigirish mashinalarida ip naychalarga

konussimon – silindrik shaklda o‘raladi. Yugurdak tezligining urchuqnikidan past bo‘lishi hisobiga ip naychaga o‘raladi. Pochatka uya (1 2 3 4 5 6), tana (2 7 10 5) va tumshuq (7 8 9 10) dan tashkil topgan.



149–rasm. Pochatkaning tuzilishi

Halqali planka yuqoriga sekin harakatlanib ipni zich, pastga esa tez harakatlanib ipni siyrak joylashtirib boradi, natijada ora qatlamlı pochatka hosil bo‘ladi. Halqali planka yuqoriga va pastga bir xil tezlikda harakatlanganda ora qatlamsiz pakovka hosil bo‘ladi. Pochatkaning uya qismini hosil qilish uchun xalqali planka o‘rashning boshlanishida kichik masofada yuqoriga va pastga harakatlanadi. Bu masofa pochatkaning uya qismida o‘zgaruvchan – ortib boruvchi (tana qismida o‘zgarmas) bo‘lib, plankaning har bir ko‘tarilib tushishida yuqoriga qarab ma’lum miqdorda siljib boradi.

Natijada naychaning pastki qismida balandliklari ortib, bir – biriga nisbatan siljigan qatlamlardan tashkil topgan sferik shaklli “uya” hosil qilinadi. So‘ngra qatlamlarning balandligi o‘zgarmasdan, pochatkaning “tana” qismi hosil qilinadi.

Agar urchuqning o‘z o‘qi atrofida bir marta aylanishi ipga bitta buram bersa, yugurdakning xalqa bo‘ylab bir marta aylanishi bitta o‘ramni hosil qiladi. Yugurdak ipni o‘rasa, xalqali planka urchuq o‘qi bo‘ylab ilgarilama-qaytma harakat qilib ip qatlamlarini ma’lum masofaga siljitib turadi.

8. Halqali yigirish mashinasining unumdorligi

Mashinaning nazariy unumdorligi deb vaqt birligi ichida mashinada ishlab chiqariladigan mahsulotning kilogramlardagi miqdoriga aytildi va quyidagi formula bilan aniqlanadi.

$$A_n = \frac{n_{ur} \cdot 60 \cdot T_{ip} \cdot m}{K \cdot 1000^2} \quad [\text{kg / soat}].$$

Bu yerda: A_n – mashinaning nazariy unumdorligi, kg/soat;

n_{ur} – urchuqning aylanishlar chastotasi, min^{-1} ;

T_{ip} – ipning chiziqiy zichligi, teks;

K – ipning pishitilganligi, bur / metr;

m – mashinadagi urchuqlar soni.

Nazorat savollari


1. Yigirishning maqsadi va mohiyati nimalardan iborat?
2. Halqali yigirish mashinasida qanday texnologik jarayonlar amalga oshiriladi?
3. Halqali yigirish mashinasida texnologik jarayonlar qanday bajariladi?
4. Ta'minlash qurilmasiga qanday talablar qo'yiladi?
5. Ta'minlash qurilmalarining qanday turlari mavjud?
6. Ta'minlash qurilmasida qanday turdag'i g'altak tutkichlar ishlataladi?
7. Cho'zish asbobiga qanday talablar qo'yiladi?
8. Yetaklovchi moslamaning qanday turlari mavjud?
9. Cho'zish asbobining parametrlari nimalardan iborat?
10. Zichlagichlarning vazifasi nimalardan iborat?
11. Pishitish-o'rash qurilmasi qanday vazifalarni amalga oshiradi?
12. Ipning pishitilganligi nimani ifodalaydi?
13. Pishitish mexanizmi qanday qismlardan tashkil topgan?
14. Yugurdakning qanday turlari mavjud va ular qanday farqlanadi?
15. Halqalarning qanday turlari mavjud?
16. Urchuqlarga harakat uzatishning qanday usullari mavjud?
17. Pochatka qanday tarkibiy qismlardan iborat?
18. O'rashning qanday shartlari mavjud?
19. O'rash mexanizmining qanday turlari mavjud?
20. Nazariy unumdorlik nimani bildiradi?

11-BOB. PNEVMOMEXANIK USULDA IP YIGIRISH

1. Ochiq uchli yigirish usullari

Halqali yigirish mashinalarida pishitish va o'rash jarayonlarining birgalikda amalga oshirilishi tezlikning cheklanishidagi asosiy sabab hisoblanadi. Mashina unumdorligini oshirish uchun pishitish va o'rash jarayonlarini ajratib, alohida amalga oshirish yigirish texnologiyasi taraqqiyotining asosiy yo'nalishlaridan biri hisoblanadi.

Tadqiqotlar, izlanishlar asosida ipni shakllantirish va o'rashni alohida amalga oshirish imkoniyatiga ega bo'lgan yigirish usullari yaratildi va ular «ochiq uchli yigirish» deb atalmoqda.



150-rasm. Yigirish usullari

Ochiq uchli yigirish usulida tayyorlangan iplarga OE shartli belgisi berilgan. Ingliz tilida OE «open-end», ya'ni ochiq uchli yigirish ma'nosini bildiradi. (Karda yigirish sistemasida tayyorlangan to'quv iplari CD «card», qayta tarash sistemasida tayyorlangan to'quv iplari CM «combing» shartli belgilari bilan yuritiladi. Trikotaj iplarini nomlashda CD va CM oldiga K «knitting» harfi qo'shib, KCD yoki KCM belgilari qo'yib ishlatiladi).

Ochiq uchli yigirishda xalqali usuldan farqli o'laroq quyidagi qo'shimcha texnologik jarayonlar bajariladi:

1. Ta'minlanuvchi piltani **diskretlash** (bir – biriga bog'liq bo'lmanan alohida tolalar oqimini hosil qilish) va hosil bo'lgan diskret tolalar oqimini ip shakllantirish zonasigacha **transportirovkalash** (yetkazish).
2. Belgilangan ipning chiziqiy zichligini shakllantirish uchun diskret tolalarni **siklik qo'shish**.

Ochiq uchli yigirishning quyidagi turlari mavjud:

1. Mexanik (ipning erkin uchlariga diskret tolalarni birlashtirish mexanik tarzda amalga oshiriladi).
2. Pnevmomexanik (diskret tolalar kameraga havo yordamida yo‘naltiriladi va mexanik tarzda buramlar beriladi).
3. Pnevmatik (ajratilgan tolalarni uzatish va pishitish havo girdobi yordamida amalga oshiriladi).
4. Elektromexanik (tolalarni to‘g‘rilash, parallellashtirish elektr maydoni yordamida, pishitish esa mexanik usulda amalga oshiriladi).
5. Gidravlik (tolalarni uzatish va pishitib ip hosil qilishda suyuqlik oqimi qo‘llaniladi).

Ochiq uchli yigirishning pnevmomexanik turi dunyo to‘qimachilik korxonalarida yuqori samara bilan ishlatilmoqda.

2. Pnevmomexanik yigirish mashinalari

Pnevmomexanik yigirish mashinalarida ishchi organlarning katta tezlikda harakatlanishi tufayli yuqori unumдорликда 2,5–5,0 kilogramm og‘irlikdagi bobinalarda o‘rtacha chiziqiy zichlikdagi iplar tayyorlanmoqda.

Yigirish kamerasining o‘yiq qismida diskret tolalarning siklik qo‘shilishi natijasida ipning shakllanishi, chiziqiy zichlik va pishiqligi bo‘yicha notekislikni 30–40 foizga kamayishiga erishildi.

Pnevmomexanik ip ravonroq, silliqroq, g‘ovakroq, tozaroq hamda uzayishi yuqori bo‘lganligi tufayli turli xil mahsulotlar tayyorlashda keng miqyosda ishlatilmoqda.

Pnevmomexanik yigirishda mahsulotning pastdan yuqoriga harakatlanishi tufayli operator mashinaga tik holatda xizmat ko‘rsatadi. Bu esa uning afzalliklaridan biri hisoblanadi.

Pnevmomexanik ip assortimentining cheklanganligi va pishiqligining xalqali usulda yigirilgan ipga nisbatan 15–20 foizga kam bo‘lishi uning kamchiligi hisoblanadi.

Pnevmomexanik yigirish mashinalari tezlik ko‘rsatkichlari, kameralarning soni, tayyorlanayotgan ip assortimenti, sifatni boshqarish qurilmalari va o‘rash mexanizmlari bilan bir-biridan farq qiladi.

Yetakchi firmalarning pnevmomexanik yigirish mashinalarida shakldor va chirmovuqli iplar ham tayyorlanmoqda. Bu mashinalarda silindrik yoki konussimon shakldagi bobinalarni hosil qilish qurilmalari mavjud.

Pnevmomexanik yigirish mashinalari kamerali, rotorli va kondensorli turlarga ajratiladi. Kamerali yigirish mashinalari tabiiy va kimyoviy tolalardan keng assortimentdagi iplarni tayyorlashda qo'llaniladi. Rotorli yigirish mashinalari esa past navli paxta tolesi va chiqindi tolalardan yo'g'on iplar yigirishda ishlatilmoqda. Kondensorli yigirish mashinalari asosan chiqindi tolalardan, ayniqsa, zig'ir tolalari chiqindilaridan foydalanib chirmoviqli iplar olishda foydalanilmoqda.

Pnevmomexanik yigirish mashinalarining texnik tavsiflari

T/r	Texnik ko'rsatkichlar	Orlikon-Schlafhorst		Rieter		Orlikon– Chex	
		Autocoro-S360	Autocoro-480	BT 923	R-40	BD-330	BD-416
1	Ishlatiladigan tola uzunligi, mm	60,0 gacha	60,0 gacha	60,0 gacha	60,0	60,0	60,0
2.	Ta'minlanadigan piltaning chiziqiy zichligi, kteks	7,0-2,5	7,0-2,5	3-7,0	2-7,0	3-7,0	2,5-7
3.	Ip chiziqiy zichligi, teks	14,7-145	10-145	14,5-200	10-200	10-250	15-150
4.	Diskret barabanchaning aylanishlar chastotasi, min ⁻¹	6000-9000	6000-9000	6000-10000	6000-10000	6000-10000	6000-10000
5.	Kameralar orasidagi masofa, mm.	230	230	220	220	210	210
6.	Yigirish kamerasining aylanishlar chastotasi, min ⁻¹	40000-130000	40000-150000	40000 110000	150000	31000-100000	25000-120000
7.	Ipning chiqish tezligi, m/min	230,0	300,0	170-200	255	150-170	180
8.	Cho'zish miqdori	20-450	20-450	11-350	35-300	11-350	40-350
9.	Pishitilganlik, bur/m	250-1600	250-1600	200-1700	200-1700	200-1700	200-1700
10.	Bobina o'lchamlari, mm	Sil-320 Kon-280	Sil-320 Kon-270	320x150	300x150	300x150	Sil-300 Kon-280
11.	Mashinadagi kameralar soni, dona	360	480	192-320	320	330	416


O‘zbekiston korxonalarida Rieter, Orlikon-Shlafxorst, Orlikon-Chex firmalarining pnevmomexanik yigirish mashinalari samarali ishlatilmoqda.

«Rieter» firmasining RU-14, R-20, R-40, BT-905, BT-923 pnevmomexanik yigirish mashinalarida yigirish kameralari 80000 dan 150000 min^{-1} gacha, Orlikon-Shlafxorst firmasining Autocoro-S360, va Autocoro-480 mashinalarida yigirish kameralari 150000^{-1} min, «Orlikon-Chex» firmasining BD-330, BD-340, BD-350, BD-380, BD-416 mashinalarida esa 25000 dan 120000 min^{-1} gacha tezlikda ishlatilmoqda.

Pnevmomexanik yigirish mashinalarining texnologik parametrlari kompyuter dasturlari yordamida boshqariladi.

3. Pnevmomexanik yigirish mashinasining ishlashi

Pilta 1, zichlagich 2 dan o‘tib, ta’minlovchi stolcha 3 bilan ta’minlovchi silindr 4 yordamida diskretlovchi barabancha 5 ga uzatiladi. Diskretlovchi baraban garnitura tishlari yordamida mahsulotni alohida-alohida tolalarga ajratadi. Tolalarning diskret oqimi so‘rvuchi havo ta’sirida konfuzor 6 orqali yigirish kamerasi 7 ga transportirovka qilinadi.



151-rasm. Penevmomexanik yigirish mashinasi


1—ta’minlanuvchi pilta; 2—zichlagich; 3—ta’minlovchi stolcha; 4—ta’minlovchi silindr; 5—diskretlovchi baraban; 6—konfuzor (transportirovka kanali); 7—yigirish kamerasi; 8—ip sifatini nazorat qiluvchi datchik; 9—tortuvchi vallar; 10—ip uzilishini nazorat qiluvchi datchik; 11—ip taxlagich; 12—o‘rovchi val; 13— bobina.

Yigirish kamerasining aylanishi hisobiga tolalar uning qiya sirtida siljib o‘yiq qismida yig‘iladi. Tolalar kamera ichida ustma-ust joylashib xalqasimon piltacha hosil qiladi. Natijada tolalar diskret oqimining siklik qo‘shilishi amalga oshadi.

Agar ip uchi naychaga kiritilsa, u so‘rilib markazdan qochma kuch ta’sirida kameraning o‘yiq qismidagi xalqasimon piltacha bilan tutashadi. Yigirish kamerasining katta tezlikda aylanishi hisobiga ipning uchiga tolalar birin-ketin chirmashib ilashadi. Agar ip tashqariga tortilsa, xalqasimon piltacha uzilib o‘yiq sirdan ajrala boshlaydi. Kameraning aylanishi natijasida ip uchi buralib pishitiladi, ya’ni ip shakllanadi. Ip datchik 8 orasidan o‘tib, tortuvchi valiklar 9 yordamida kameradan chiqariladi. Chiqarilayotgan ip uzilishini nazorat qiluvchi datchik 10 ko‘zidan o‘tib ip taxlagich 11 va o‘rovchi valik 12 yordamida bobina 13 ga o‘raladi.

4. Pnevmomexanik yigirish mashinasining ta’minalash va diskretlash qurilmasi

Pnevmomexanik yigirish mashinasida ta’minalash, diskretlash, pishitish va ipning shakllanishi kabi vazifalar alohida yigirish qurilmalarida amalga oshiriladi.



152–rasm. BD-330 pnevmomexanik yigirish mashinasining ta’minalash qurilmasi

1–ta’minlovchi silindr; 2–zichlagich; 3–ta’minlovchi stolcha; 4–prujina;
5–xavfsizlik richagi; 6–diskretlash barabanchasi;
7–diskretlash barabanchasining garniturasi.


Mashinaning ta’minalash qurilmasi zichlagich, ta’minalash stolchasi va ta’minalash silindridan iborat. Zichlagich pilta tarkibidagi tolalarning

zichlashishiga, ular orasidagi ishqalanish kuchini ko‘payishiga, mahsulotni ma’lum shaklda va bir xil tezlikda uzatilishiga xizmat qiladi.

Ta’minalash stolchasi va silindr orasidan o‘tayotgan tolalar tutami qattiq qisilgan holda diskretlovchi barabanchaga uzatiladi. Stolcha plastinkali prujina ta’sirida tolalar tutamini silindrga qattiq qisilishini ta’minlaydi.

Ta’minalash silindri piltani zichlagichdan tortib o‘tkazish va diskretlovchi barabanchaga uzatish vazifasini bajaradi.

Diskretlovchi barabancha ta’minlanayotgan mahsulotni alohida tolalarga ajratish va diskret tolalar oqimini hosil qilish vazifasini bajaradi.



153–rasm. Diskretlovchi barabancha

1–barabancha; 2–podshipnik; 3–blokcha; 4–arra tishli garnitura.

Diskretlovchi barabancha ta’minlovchi silindrga nisbatan katta tezlik bilan aylanib mahsulotni ingichkalashtiradi. Natijada piltadan ayrim tolalar va ularning guruhlari ajralib, tolalarning diskret oqimi hosil bo‘ladi.

Diskretlovchi barabancha quyidagi garnituralar bilan jihozlanadi:

- a) paxtaga ishlov berilganda OK – 40, tishning qiyaligi $\beta=24^0$, tish balandligi 3,6 mm, tish qalinligi 0,9 mm.
- b) paxta tolsi va uning viskoza hamda akril tolsi bilan aralashmasiga ishlov berilganda OK – 61 ishlatiladi. Tish balandligi 2 mm, $\beta=24^0$, tish qadami 2,5 mm.
- c) viskoza tolsi va viskoza tolasining paxta tolsi bilan aralashmasiga ishlov berilganda OK – 36 ishlatiladi. Tish balandligi 1,2 mm, $\beta=0^0$ tish qadami 4 mm.
- d) sintetik shtapel tola va ular aralashmasiga ishlov berish uchun OK – 37 ishlatiladi, uning tishi oldingi burchagi manfiy qiymatga ega bo‘lib 99^0 , tish qadami 4,7 mm ni tashkil etadi va tolani ushlab turish imkoniyati kam hisoblanadi.

OK 40



OK 61



OK 37



OB 20




OS 21



154-rasm. Diskretlovchi barabancha garnituralari

Uzilish datchigi

Uzilish datchigi tirkishidan o‘tayotgan ip optik-elektron tizim nazoratida bo‘ladi. Ushbu tizim ip uzilganda datchikning signali asosida ta’minlovchi silindr harakatini to‘xtatadi.



155-rasm. Uzilish datchigi

1-ip yo‘naltirgich; 2-boshqaruvchi tugma; 3-korpusning ustki qismi;
4-keramik ip yo‘naltirgich; 5-nur diodi; 6-yashil rang lampasi; 7-qizil
rang lampasi; 8-kabel;
9–10–11– ushlagich; 12–yo‘naltirgich.


Uzilish datchigi optik-elektron tizimga quyidagi holatlarda signal beradi:

1. Yigirish kamerasida ip uzilganda;
2. Tortuvchi va o‘rovchi vallar oralig‘ida ip uzilganda;
3. Mashinani yurgizish vaqtida yigirish qurilmalarida individual yoki yalpi shaylashda.

Optik-elektron tizim ip uzilganda olingan signalga asosan ta’minlovchi silindrni to‘xtatadi hamda uni bir onga teskari harakatlantirib, tolalar tutamini diskretlash zonasidan chiqaradi.

5. Yigirish qurilmasi

Pnevmomexanik yigirish mashinalarida piltadan ip shakllantirishda ishtirok etuvchi organlar bir korpusga montaj qilingan bo‘lib, u yigirish qurilmasi (yigirish bloki) deb ataladi. Uni mashina ishlayotganda ham olib, qaytadan joyiga o‘rnatish mumkin. Ushbu qurilma ikki qismdan tuzilgan. Birinchi qismida ta’minalash va diskretlash, ikkinchi qismida esa diskret tolalar oqimini transportirovkalash, ularni siklik qo’shib xalqachaga aylantirish, buramlar berib ip shakllantirish vazifalari bajariladi.



156-rasm. Yigirish qurilmasi


1–ta’minlovchi pilta; 2–zichlagich; 3–ta’minlovchi stolcha; 4–ta’minlovchi silindr; 5–diskretlovchi barabancha; 6–yigirish kamerasi; 7–shakllanayotgan ip; 8–ajratgich; 9–ip o’tuvchi naycha; 10–ip chiqaruvchi naycha.

Qurilmaning ikkala qismi bir-biriga sharnir yordamida biriktirilgan bo‘lib, ulardagi ishchi organlar yopiq konturda joylashgan. Qurilma ochilganda kamera u bilan birga oldinga siljib, xizmat ko‘rsatishga qulay holatni egallaydi.




157-rasm. Ajratgich

Pnevmomexanik yigirish mashinalarining ajratgichi konfuzor bilan birga yaxlit bir detal (disk) ni tashkil etib, o‘rtasida ip o’tuvchi naycha joylashgan. Konfuzor diskret tolalar oqimini kamera sirtiga tangensial yo‘nalishda kiritilishiga xizmat qiladi. Ip o’tuvchi naychalar sirti turli shaklda tayyorlanadi.




158-rasm. Ip o'tuvchi naychalar
a-silliq, b-spiralli, d-o'yqli, e-bo'rtmali

Yigirish kamerasi ichida ipga berilayotgan buramlarning bir xil taqsimlanishi uchun buram saqlagich moslamalari o'rnatiladi.



159-rasm. Buram saqlagich moslamasi: a – silliq sirtli, b – o'yiq sirtli, d – ip o'tkazgich

Yigirish kamerasi



160-rasm. Yigirish kamerasi
1-to'plovchi qiya sirt; 2-nov;
3-podshipnik; 4-o'q; 5-blokcha;
6-konussimon sirt.

Yigirish kamerasining konussimon ichki qismi to'plovchi qiya sirt va unga tutashgan turli shakldagi novdan iborat. Konfuzor orqali kelayotgan tolalarning diskret oqimi kameraning aylanish paytida markazdan qochma kuch ta'sirida eng keng joy nov tomon siljib boradi.


Tolalar diskret oqimining har biri novda ustma-ust joylasha boshlaydi va xalqali piltacha hosil bo'ladi. Bu hodisa tolalar diskret oqimining **siklik qo'shilishi** deb ataladi.

Pnevmomexanik yigirish mashinalarida kameralar turli diametrлarda (28; 30; 33; 34; 35; 36; 40; 43; 46; 54; 56; 66 mm) tayyorlanib

ishlatilmoqda. Ularni tanlashda ishlatilayotgan tola turi, ipning chiziqiy zichligi va tezlik ko'rsatkichlari inobatga olinadi.

Ipning shakllanishi

Kameraning ichiga tashqaridan ip tushirilsa, u darhol markazdan qochma kuch ta'sirida kamera sirtining eng keng diametrli joyi – novga boradi va xalqasimon piltacha bilan tutashadi. Yigirish kamerasining o'z o'qi atrofida katta tezlik bilan aylanishi tufayli ipning uchiga tolalar birin ketin chirmashib ilasha boshlaydi va xalqasimon piltacha shu joyidan uzilib, pishitish jarayoni – ip shakllanishi boshlanadi. Yigirish kamerasida pishitilayotgan ip ikkita uchastkada egilib o'tadi.



161–rasm. Ipning pishitilishi

1–diskret tolalar oqimi; 2–konfuzor; 3–tolali tutamcha; 4–ip; 5–ballon;
6–tortuvchi vallar; 7–o'rovchi val; 8–bobina.

Ipning elastikligi tufayli uning pishitilishi egri «E» uchastkadan o'tib ballon qismi 5 bo'ylab tarqalib ajraluvchi «A» punktiga yetib boradi. Bu punktda buralgan va pishitilgan mahsulot ip yigirish kamerasi sirtidan ajratib olinadi. Kameraning o'z o'qi atrofida har bir aylanishi ipga bitta buram beradi. Shunday qilib, yigirish kamerasida ikkita texnologik jarayon – siklik qo'shish va pishitish ketma-ket amalga oshadi.


Yigirish kamerasida havoning harakati

Pnevmomexanik yigirish mashinalarida tolalar diskret oqimining harakatlanishini amalga oshirish uchun ta'minlovchi silindr va diskretlovchi barabandan boshlab to yigirish kamerasigacha havo ishlatiladi. Buning uchun har bir mashinaning yigirish kameralaridan havo maxsus ventilyatorlar yordamida so'rib olinadi. Natijada kameraning ichida havo bosimi kamayib, pnevmokanalda tolalar diskret oqimini yo'naltiruvchi havo harakati vujudga keladi. Havoning so'riliш darajasi yoki kamerada havoning siyraklanish darajasi muntazam tekshirilib

turiladi. Havoning siyraklanish darajasi pasayib ketsa, tolalarning diskretlovchi barabandan ajralishi va ularning harakati qiyinlashib qo'shimcha tugunaklar paydo bo'lishi mumkin. Tugunaklar doim ipning shakllanishiga to'sqinlik qilib, uning uzilishini ko'paytiradi.

6. Pnevmomexanik yigirish mashinasining o'rash mexanizmi

Yigirish kamerasining ichida shakllanayotgan ip tortuvchi vallar yordamida o'zgarmas tezlik bilan uzlusiz chiqarib olinadi. Ip g'altaklarga o'ralayotganda uning g'altak o'qi bo'ylab yo'naltirib turish uchun mashina ip yuritgich bilan jihozlangan. O'rovchi va tortuvchi vallar orasida ip ma'lum taranglikka ega bo'lishi kerak. G'altak tutkich ikkita richag va ikkita tarelkalardan iborat. Tarelkalar richagga o'rnatilgan o'qlarga kiygizilgan podshipniklarda yengil aylanadi. O'ralayotgan ipning miqdori oshgan sari richag ko'tarilib, bobinaning diametri kattalashib boradi.




162–rasm. BD-330 pnevmomexanik yigirish mashinasining o'rash mexanizmi

1–ip chiqaruvchi naycha; 2–ip yuritgich; 3–tortuvchi vallar; 4–nazorat datchigi;

5–parafinlash qurilmasi; 6–o'rash vali; 7–ip taxlagich; 8–g'altak tutkich; 9–bobina.

Pnevmomexanik yigirish mashinalarining o'rash mexanizmi silindrik yoki konusli bobinalarni shakllantirish uchun xizmat qiladi. Silindrik yoki konussimon bobinalarni shakllantirish uchun g'altak tutkichni almashtirish kerak.



163-rasm. G‘altak tutkichlar

1—korpus; 2—uzun richag; 3—kalta richag; 4—aylanuvchi tarelka; 5—silindr;
6—konus.

Pnevmomexanik yigirish mashinalarining o‘rash qurilmalari ehtiyojga qarab, parafinlovchi va elektron nazorat qurilmalari bilan jihozlanishi mumkin. Parafinlovchi qurilma ip sifatini yaxshilashga xizmat qiladi. Elektron nazorat qurilmasi yigirilayotgan ipning sifat ko‘rsatkichlarini har bir kamera yoki mashina bo‘yicha aniqlab ma’lumotni displayga uzatadi.

7. Pnevmomexanik yigirish mashinasining unumdorligi

Pnevmomexanik yigirish mashinasining nazariy unumdorligi quyidagi formula yordamida aniqlanadi.

$$A_n = \frac{\vartheta_{ch.v.} \cdot 60 \cdot T_{ip} \cdot m}{1000^2}, \text{ kg/soat.}$$

Bu yerda: $\vartheta_{ch.v.}$ -chiqaruvchi valning chiziqiy tezligi, m/min.

T_{ip} – ipning chiziqiy zichligi, teks.

m – mashinadagi yigirish kameralarining soni.

n_k – kameraning aylanishlar chastotasi, min^{-1} .

K – ipning pishitilganligi, bur/metr.

$$K = \frac{n_k}{\vartheta_{ch.v.}} \quad \text{bo‘lgani uchun} \quad \vartheta_{ch.v.} = \frac{n_k}{K},$$

$$A_n = \frac{n_k \cdot 60 \cdot T_{ip} \cdot m}{K \cdot 1000^2}, \text{ kg/soat.}$$

Nazorat savollari

1. «Ochiq uchli yigirish» nimani bildiradi?
2. «Ochiq uchli yigirish»da qanday qo'shimcha jarayonlar mavjud?
3. «Ochiq uchli yigirish» ning qanday turlari mavjud?
4. Pnevmomexanik yigirish mashinasida texnologik jarayon qanday amalga oshadi?
5. Pnevmomexanik yigirish mashinasining qanday turlari mavjud?
6. Pnevmomexanik yigirish mashinasi ta'minlash qurilmasining vazifasi nimalardan iborat?
7. Pnevmomexanik yigirish mashinasining ta'minlash qurilmasi qanday qismlardan tuzilgan?
8. Diskretlovchi barabanchaning vazifasi nimalardan iborat?
9. Diskret tolalar oqimi qanday hosil qilinadi?
10. Diskret tolalar oqimini hosil qilishda qanday ishchi organlar ishtirok etadi?
11. Uzilish datchigining vazifasi nimalardan iborat?
12. Yigirish qurilmasi qanday ishchi organlardan tashkil topgan?
13. Tolalarning siklik qo'shilishi qanday sodir bo'ladi?
14. Diskret tolalar oqimi kameraning novida nima uchun yig'iladi?
15. Ipning shakllanishi-pishitilishi qanday amalga oshiriladi?
16. Yigirish kamerasining ajratkichi qanday vazifani bajaradi?
17. Yigirish kamerasida havo ishlatalishining ahamiyati nimadan iborat?
18. Ip o'tuvchi naychalar qanday vazifani bajaradi?
19. Buram saqlagich nimaga xizmat qiladi?
20. Yigirish kamerasida ipning shakllanishi qanday amalga oshiriladi?
21. Ip yuritkich qanday vazifani bajaradi?
22. Pnevmomexanik yigirish mashinasining o'rash mexanizmi qanday ishlaydi?
23. Pnevmomexanik yigirish mashinasining unumdorligiga qanday omillar ta'sir etadi?
24. Pnevmomexanik yigirish mashinasining unumdorligi qanday aniqlanadi?

QISQACHA IZOHLI LUG'AT

Brus – xalqali yigirish mashinasi urchuqlari yoki cho‘zish asbobi o‘rnatiladigan shvellerlardan yasalgan asos.

Vtulka – silindrsimon, bo‘ylama silindrik teshikka ega detal.

Garnitura – tozalovchi, tarovchi sirt detallari.

Zaslonka – yopg‘ich.

Kolosnik – titish-tozalash mashinalari ishchi organlari tagiga o‘rnatilgan panjaraning tarkibiy elementi.

Konfuzor – tola harakati yo‘nalishi bo‘yicha ko‘ndalang kesimi kichrayuvchi – quvur, naycha.

Karda – tolalarni tarashda qo‘llaniladigan sirt.

Kardolenta – arra tishli yoki igna tishli tarovchi sirtlarga ega uzluksiz egiluvchi detal.

Labaz – tolalarni aralashtirish uchun qo‘llaniladigan sig‘im.

Melanj ip – turli rangdagi tolalardan tayyorlangan mahsulot.

Neps – tugunak, tolalar mushtlashib qolgan nuqson.

Organ – ishchi qism, ishchi zveno.

Oriyentatsiya (tolalar) – yo‘nalish, masalan, tolalar yo‘nalishi.

Opsiya – buyurtma asosida olinadigan qo‘shimcha qismlar.

Pakovka – mahsulot o‘rovi, qadog‘i.

Perfolist – teshiklari doirasimon, ovalsimon yoki ma’lum shaklda bo‘lgan tunuka.

Presizion boshqaruv – aniq boshqaruv.

Polzuncha – maxsus o‘yiqda harakatlanuvchi detal.

Razvodka – ishchi organlarning bo‘ylama simmetriya o‘qlari orasidagi masofa yoki sirtlar orasidagi tirqish kengligi.

Rogulka – pilik g‘altagi atrofida aylanuvchi ayrisimon tayoqchalar juftligi.

Riflya – silindr sirtidagi bo‘ylama o‘yiq.

Stavka – titish mashina (avtotitkich) larda bir yo‘la titish uchun qo‘yilgan toylar miqdori.

Servodvigatel – tayyor dasturda boshqariluvchi dvigatel.

Stoyka – ustun.

Transportirovka qilish – paxta bo‘lakchalari, tolalar yoki mahsulotni uzatish.

Tip (paxta tolasi) – tolaning uzunligi va ingichkaligi bilan farqlanuvchi ko‘rsatkichi.

Tarandi – tarash jarayonida shlyapkada ajraluvchi chiqindi tola.

Taz – piltalarni joylash uchun ishlataladigan silindrsimon yoki parallelepipedsimon idish.

Xolst – ma'lum qalinlikka, kenglik va uzunlikka ega tolalar qatlamining o'rami.

Xolstcha – piltalardan tashkil topgan ensiz xolst.

Shlyapka (tarash) – karda sirtli ko'ndalang kesimi g'ovak yoki to'la tavrsimon detal.

Adabiyotlar

1. I. A. Karimov. «Yuksak ma'naviyat – yengilmas kuch» Toshkent, «Ma'naviyat», 2009-y.
2. Q. J. Jumaniyazov, Yu. M. Polvonov. «Paxta yigirish texnologik jarayonlarini loyihalash». TTESI. 2007-y.
3. X. X. Ibragimov va boshqalar. «Yigirish mashinalari» Toshkent. «O'qituvchi» 1985-y.
4. Thanos P. Peppa. ΣΥΜΒΑΤΙΚΗ ΝΗΜΑΤΟΠΟΙΗΣΗ ΣΤΟ ΒΑΜΒΑΚΕΡΟ ΣΥΣΤΗΜΑ, Afina, 1998-y.
5. Yu. V. Pavlov va boshqalar. «Teoriya prosessov texnologiya i oborudo-vanie pryadeniya xlopka i ximicheskix volokon» Ivanovo, 2000-y.
6. Q. G'. G'ofurov, S. L. Matismailov, M. Sh. Xoliyarov. «Yigiruv korxonalari jihozlari», Toshkent, «Sharq» 2007-y.
7. U. M. Matmusaev va boshqalar. «To'qimachilik materialshunosligi» Toshkent. «O'zbekiston» 2005-y.
8. Yu. V. Pavlov va boshqalar. «Poluchenie pryaji bolshoy lineynoy plotnosti», Ivanovo 2004-y.
9. Yu. V. Pavlov va boshqalar. «Laboratorniy praktikum po pryadeniyu xlopka i ximicheskix volokon» Ivanovo 2006-y.
10. A. G. Sevostyanov va boshqalar. «Mexanicheskaya texnologiya tekstilnix materialov» M, «Legprombitizdat», 1989-y.
11. V. P. Shirokov va boshqalar. «Spravochnik po xlopkopryadeniyu» M. «Legprombitizdat» 1985-y.
12. Internet saytlari: www.Truetzschler.com, www.Zinser.saurer.com, www.Schlafhorst.de, www.Rieter.com, www.Marzoli.It, www.Tayota-industries.com/textile/
13. Truetzschler, Rieter, Marzoli, Schlafhorst, Zinser firmalarining texnologik mashinalarini ishlatalish yo'riqnomalari.

MUNDARIJA

KIRISH	3
1- BOB. TO‘QIMACHILIK SANOATINING RIVOJLANISHI VA UNING TARMOQLARI. YIGIRISH SISTEMALARI	4
1. To‘qimachilik sanoati tarmoqlari	4
2. Yigirish va uning rivojlanish bosqichlari	4
3. Yigirilgan ip turlari	6
4. Yigirish sistemalari	6
2- BOB. XOMASHYO, TOLALARING TEXNOLOGIK XOSSLARI, SARALANMA TUZISH VA IP XOSSALARINI LOYIHALASH	9
1. Ip yigirishning xomashyo bazasi	9
2. Paxta tolasining asosiy xossalari	9
3. Paxta tolasining nuqsonlari	12
4. Paxta tolasining klassifikatsiyasi	12
5. Tipli saralanmalar	13
6. Aralashma tuzishning asoslari	13
7. Yigirish korxonalarida xomashyoni saqlash va ishlatish	14
8. Paxta tolali ip xossalari loyihalash usullari	15
9. Aralashma tolasi ko‘rsatkichlarini aniqlash.....	15
10. Paxta iplari ko‘rsatkichlarini loyihalash	16
11. Shtapel iplari ko‘rsatkichlarini loyihalash	17
12. Aralash iplar ko‘rsatkichlarini loyihalash	17
13. Ip sifatini bashorat qilishning istiqbolli usullari	19
3- BOB. TOLALARGA ISHLOV BERUVCHI USKUNALARNING TEXNOLOGIK TIZIMLARI, TITISH, ARALASHTIRISH VA TOZALASH JARAYONLARI	21
1. Tolalarga ishlov beruvchi uskunalarning texnologik tizimlari	21
2. Titish jarayoni	25
3. Titish usullari	26
4. Titish mashinalari va avtotoytitgichlar	27
5. Titish jarayonining jadalligi va samaradorligi	28
6. Aralashtirish jarayoni	29
7. Aralashtirish usullari	29
8. Igna sirtli aralashtirgichlar	30
9. Oqim usulida aralashtirish mashinalari	31
10. Ko‘p funksiyali aralashtirgichlar	33
11. Aralashtirish jaryonining jadalligi va samaradorligi	34
12. Tozalash jarayoni	35
13. Tozalash usullari	35
14. Tozalash organlari va moslamalari	35
15. Tozalash mashinalarining turlari	37
16. Tozalash jarayonining jadalligi va samaradorligi	40
4- BOB. TOLALI CHIQINDILAR. CHANGLI HAVONI TOZALASH ..	42

1.	Tolali chiqindilarning turlari	42
2.	Tolali chiqindilarni ajratish, yig‘ish va qayta ishlash.....	42
3.	Changli havoni tozalash usullari	43
4.	Changli havoni tozalash tizimlari va jihozlari	44
5-	YIGIRISH MAHSULOTLARI NOTEKISLIGI	48
BOB.		
1.	Notekislik tushunchasi	48
2.	Notekislikning turlari	48
3.	Notekislikning kelib chiqish sabablari	50
4.	Notekislikning baholash usullari	50
5.	Notekislikni kamaytirish choraları	51
6-	TARASH JARAYONI. TARASH MASHINALARI	53
BOB.		
1.	Tarash jarayoni	53
2.	Tarash mashinasining vazifalari	53
3.	Tarash mashinalari	53
4.	Tarash mashinasining garnituralari	55
5.	Tarash mashinasini ta’minlash usullari	58
6.	Qabul barabani uzeli	61
7.	Bosh baraban bilan shlyapkalarining o‘zaro ishlashi	63
8.	Shlyapka garnitularining o‘rnatalishi.....	65
9.	Tarash segmentlari va ularning ishlashi	66
10.	Tarashga ta’sir etuvchi omillar.....	67
11.	Ajratuvchi baraban uzeli	68
12.	Tolali taramni ajratish	68
13.	Tarash mashinasida pilta shakllantirish	70
14.	Tarash darajasi	73
15.	Tarash mashinasining unumдорligi	73
7-	QAYTA TARASH JARAYONI	75
BOB.		
1.	Qayta tarash yigirish sistemasining xomashyosi	75
2.	Mahsulotni qayta tarashga tayyorlash usullari	75
3.	Xolstcha shakllantiruvchi mashinalar	76
4.	Piltabirlashtiruvchi mashina unumдорligi	78
5.	Qayta tarash mashinalari	78
6.	Qayta tarash mashinasining asosiy mexanizmlari	83
7.	Tolalarning uzunliklari bo‘yicha saralanishi	88
8.	Tarash darajasi va karraligi	88
9.	Qayta taralgan taramning strukturasi	90
10.	Taramdan pilta shakllantirish.	91
11.	Qayta tarash jarayonining jadalligi va samaradorligi	91
12.	Qayta tarash mashinasining unumдорligi	91
8-	BIR TEKIS PILTA TAYYORLASH	93
BOB.		
1.	Cho‘zish jarayoni	93

2.	Cho‘zish turlari	95
3.	Cho‘zish maydonida tolalar harakatini boshqarish	95
4.	Qo‘shish jarayoni	97
5.	Piltalash mashinalari	99
6.	Piltalash mashinasining ishchi organlari	100
7.	Piltalash mashinasining unumдорligi	103
9-	PILIK TAYYORLASH	105
BOB.		
1.	Piliklash mashinalari	105
2.	Ta’minlash qurilmasi va cho‘zish asboblari	106
3.	Pishitish jarayoni	110
4.	Pishitish mexanizmi	112
5.	O‘rash jarayoni	114
6.	Piliklash mashinasining o‘rash mexanizmi	116
7.	Piliklash mashinasining unumдорligi	117
10-	HALQALI USULDA IP YIGIRISH	119
BOB.		
1.	Halqali yigirish mashinalari	119
2.	Ta’minlash qurilmalari va cho‘zish asboblari	121
3.	Yetaklovchi mexanizm va zichlagichlar	124
4.	Ipning pishitilishi	125
5.	Ipni o‘rash shartlari	126
6.	Pishitish-o‘rash qurilmasi	127
7.	Pochatkaning tuzilishi	131
8.	Halqali yigirish mashinasining unumдорligi	132
11-	PNEVMOMEXANIK USULDA IP YIGIRISH	133
BOB.		
1.	Ochiq uchli yigirish usullari	133
2.	Pnevmomexanik yigirish mashinalari	134
3.	Pnevmomexanik yigirish mashinasining ishlashi	135
4.	Pnevmomexanik yigirish mashinasining ta’minlash va diskretlash qurilmasi	137
5.	Yigirish qurilmasi	138
6.	Pnevmomexanik yigirish mashinasining o‘rash mexanizmi	142
7.	Pnevmomexanik yigirish mashinasining unumдорligi	143
	Qisqacha izohli lug‘at	145
	Adabiyotlar	146

Qadam Jumaniyazovich Jumaniyazov, Qobil G'ofurovich G'ofurov,
Saypilla Lolashboyevich Matismoilov, Abdumalik Pirmatovich Pirmatov,
Musodilla Shodiyevich Xoliyarov, Shavkat Raimovich Fayzullayev

**TO‘QIMACHILIK MAHSULOTLARI
TEXNOLOGIYASI VA JIHOZLARI**

(Yigirish texnologiyasi va jihozlari)

Muharrir Ilhom Zoyirov
Badiiy muharrir Shuhrat Mirfayozov
Kompyuterda sahifalovchi Akmal Sutaymonov

Nashr. lis.Nº 154. 14.08.09. Bosishga 23.04.12 y.da ruxsat etildi.
Bichimi 60x84 $\frac{1}{16}$. Tayms garniturasi. Ofset bosma. 10,93 shartli bosma toboq.
11,75 nashr tobog'i. Adadi 500 nusxa. 172 raqamli buyurtma.
Bahosi shartnoma asosida.

O'zbekiston Matbuot va axborot agentligining
G'afur G'ulom nomidagi nashriyot-matbaa ijodiy uyida chop etildi.
100128 Toshkent, Shayxontohur ko'chasi, 86.

Bizning internet manzilimiz: www.iptdgulom.uz
E-mail: iptdgulom@sarkor.uz